

ԱՒԵՑԻՔ ԱՌԱՔԵԼԵԱՆ

ԿԱՅԷՆԻ ՃԱՆԿԵՐՈՒՄ

ԴՐԱՄԱ ՀԻՆԿ ԳՈՐԾՈՂՈՒԹԵԱՄԲ

Ժամանակակից դէպք

ԱՆՑԻԸ ՊԱՏԱՀՈՒՄ Է N ՔԱՂԱՔՈՒՄ



Նոր-Նախիջևան
Տպար. Ա. Յ. Աւագիանի



Нахичеванъ на Дону
Пар. тип. С. Я. Авакова

1912

891.99

Կ-70

ԳՈՐԾՈՂ ԱՆՁԻՆՔ

1. Սարգիս (Սերգէյ) Լազրեիչ Գասպարեան—Վաճառական, յիսունից-յիսունեկէինգ տարեկան, միջին հասակով, երեսը թրաշած, բեխերը և մազերը ճերմակախառն:
2. Մարիամ—Սրա կինը, ցածր հասակով, լիբը կին:
3. Միմա (Միմէօն)—Նրանց որդին, քսան երեք տարեկան, լաւ հագնուած երիտասարդ:
4. Շուրա—Աղջիկը, տասնուութից քսան տարեկան, ճօխ հագնուած:
5. Յարութիւն—Սարգսի փոքր եղբայրը, բարձր հասակով, ճերմակ միըռքով և մազերով:
6. Դարիա—Սրա կինը, նիհար և հիւանդոտ:
7. Պալուշա (Պօղոս)—Նրանց որդին, գիմնազիաւարտ:
8. Նինա—Նրանց աղջիկը, գիմնադասարանի եօթերորդ դասարանի աշակերտուհի:
9. Անտօն—Վաճառական, երեսունից-երեսունեկէինգ տարեկան:
10. Սմբատ—Գործակատար, քսան և հինգ տարեկան:
11. Աւագ—Մարիամի եղբայրը, զիւղացի, յիսուն տարեկան:
12. Մաշօ—աղախին Սարգսի տանը:
13. Արշակ—Հիւրանոցի ծառայ:
14. Սուղեքնի արիստաւ:

Հիւրեր, ծառաներ, երաժիշտներ:



6131

47

ԿԱՅԷՆԻ ՋԱՆԿԵՐՈՒՄ

ԳՈՐԾՈՂՈՒԹԻՒՆ ԱՌԱՋԻՆ

Բեմը ներկայացնում է հարուստ, բայց անճաշակ կահաւորուած դահլիճ, կլեքտրական լուսաւորութիւն, պատերից կախուած են պատկերներ, դահլիճի միջին դուռը տանում է նախասենեակը, երկու միւս դռները բացուած են դէպի աջ և ձախ:

ՏԵՍԻՂ 1.

Մաշօ, յետոյ Սարգիս

ՄԱՇՕ.— (Աղախնի հագուստ, ճերմակ գոգնոցով, աւելում է դահլիճը եւ խօսում). Աստուած հեռու պահէ այս կէս քաղաքացի կէս գիւղացիների տանը աղախին լինելուց: Կարծում են, որ աղախին ունին պէտք է սենեակները շարունակ կեղտոտել: Որտեղ նայում ես թղթի կտորներ են թափուած, որտեղ ծխում են այնտեղ էլ թափում են լուցկին, սիգարի ծայրը: Ամեն օր դահլիճը մաքրելի սրտեղ է տեսնուած, զահլաս գնաց էլի:
(Յախասենեակում վերարկուն հանելուց յետոյ մտնում է Սարգիսը):

ՍԱՐԳԻՍ.—Ա՛. Մաշօ, տիկինը սրտեղ է:

ՄԱՇՕ.— Տանը չէ:

ՍԱՐԳԻՍ.—Այ լաւ ժամանակ եկայ հա՛. (ուզում է Մաշօին զրկել եւ համբուրել):

Հայ աչքդ սիրեմ Մաշօ, իմ սիրելի Մաշօ:

ՄԱՇՕ.— (Յոյց տալով ձախ կողմի դուռը): Սուս... այնտեղ մարդ կայ:

ՍԱՐԳԻՍ.—(Նստ քաշուելով): Ո՞վ կայ:

ՄԱՇՕ.— Ձեր եղբօր կինը:

ՍԱՐԳԻՍ.—Ի՞նչ է տնում այնտեղ:

ՄԱՇՕ.— Նրանք իրենց ննջարանը փոխեցին այդ սենեակը:

ՍԱՐԳԻՍ.—Ի՞նչպէ՛ս, չէ՞ որ այդ իմ առանձնասենեակն է:

ՄԱՇՕ.— Նրանց ննջարանը խոնաւ է բժիշկը հրամայել է չոր սենեակում կենալ, նրանք էլ տեղափոխուեցին այդ սենեակը:

ՍԱՐԳԻՍ.—(Չայրացած): Աստուած իմ, Աստուած իմ: Ե՞րբ սրանց այս տանից ուղի կանհամ: Այնպէս են վարւում, կարծես այս տունը տէր չունի. որտեղ ուզում են՝ տեղափոխւում են, ինչ ուզում են՝ աւում են: (Մաշօին) տիկինդ ի՞նչ ասաց:

ՄԱՇՕ.— Ո՞ր տիկինը:

ՍԱՐԳԻՍ.— Յիմանր. այստեղ մի տիկին կայ. իմ տիկինը, էլ ճիշդ:

ՄԱՇՕ.— (Մի կողմ): Գուցէ շատ բան կատէր, եթէ տանը լինէր: (Սարգսին): Նա տանը չէր տեղափոխուելիս:

ՏԵՍԻԼ 2.

Սարգիս, Մարիամ եւ Մաշօ:

ՄԱՐԻՍ.—(Շնչասպառ մտնում է նախասենեակը, մի քանի կապոց ձեռքին): Մաշօ, Մաշօ, ճրտեղ ես:

ՄԱՇՕ.— (Դուրս վազելով): Այստեղ եմ, Մարիա Պետրոզնա:

ՄԱՐԻՍ.— Վերարկուս հանիր, գլխարկս առ, տես, չջարդես, զգոյշ:

ՄԱՇՕ.— Անհող եղէք, չեմ ջարդի:

ՄԱՐԻՍ.—(Կապոցները ձեռքին մտնում է դահլիճ): Բն, Սէրգէյ ջան, արդէն եկել ես հմ: Շտապեցի տուն գամ. գիտէի, որ եկած կլինես ճաշելու, շատ բան ունէի առնելու, շտապեցի չկարողացայ առնել:

ՍԱՐԳԻՍ.— Ո՞ւրես գնացել առաւօտեանից, տունը անտէր թողել. այդ ի՞նչ ես առել:

ՄԱՐԻՍ.— Ինչ ուզում ես առել իմ: Երկու զգեստացու Շուրայի համար եմ գնել, մէկն էլ ինձ համար, քեզ համար էլ օսլայած շապիկներ եմ բերել, մի քանի գիւժին թաշկինակ, մի քիչ էլ մանր մուշր բաներ:

ՍԱՐԳԻՍ.— Մի երկու կտոր բան էլ պէտք է Յարութիւնի ուղոց համար առնէիր:

ՄԱՐԻՍ.— Հօրս ցաւը կառնեմ նրանց համար: Նրանք բոլորն էլ կարգին հագնուած են:

ՍԱՐԳԻՍ.— Մեզ համար հագուստ առնելիս մի քանի կտոր էլ նրանց համար պէտք է առնես՝ աչքները փակելու համար: Չառնելդ աւելի վատ է, այն ժամանակ նրանք իրենք են կասսայից փող վերցնում եւ աւելի շատ են ծախսում:

ՄԱՐԻՍ.— Հազար անգամ ասել եմ թոյլ մի տուր կասսայից փող վերցնել: Նա ի՞նչ իրաւունք ունի:

ՍԱՐԳԻՍ.— Ձի կարելի, քանի որ նա գործի մէջ է:

ՄԱՐԻՍ.— Հեռացրու գործից, այսուհետեւ էլ ինչի՞ է հարկաւոր: Փառք Աստուծոյ, այժմ Սիմաս հասած տղամարդ է:

ՍԱՐԳԻՍ.— Է՛հ, դու էլ: Եթէ Սիման գործի նայող լինէր ես վաղուց էի նրան գործից հեռացրել: Բայց խնդիրն էլ հէնց այն է, որ Սի-

ման գործին չի նայում: Գիշերները ուշ է տուն գալի, առաւօտներն էլ ուշ է խանութ գնում: Կասսայի մօտ նստելու դէպքում էլ տեսնում ես իսկոյն մի յիսուն ուուրի մարկոս արեց, նստեց կառք ու հայգա՛, ակմբանոց կամ սրճարան:

ՄԱՐԻՍ.— Ինչ էլ որ լինի դարձեալ մեր տղան է: Անցեալ օրը հետը խօսեցի այդ մասին, ասում է իզուր է հայրիկը կասկածում, ես այնքան էլ փող չեմ ծախսում. ասում է, եթէ հայրիկը գործն ինձ յանձնի, ես գործը կմեծացնեմ երկու անգամ: Բայց այժմ տղաս ինչո՞ւ պէտք է իրեն տանջէ, քանի որ գործը մենակ մերը չէ: Վերջապէս, ասում է, թող շատ շմտածի հայրիկը, ես իմ ծախսածները փոխարէն մէկին տասը կառնեմ:

ՍԱՐԳԻՍ.— Ի՞նչպէս, ճեմից կառնի: Գիտեմ, երբ փող չեմ տալի՝ ուրիշները մուրհակով փող է վերցնում, որ իմ մահից յետոյ վճարէ:

ՄԱՐԻՍ.— Այդպէս չէ, ինչո՞ւ ես տղայիս խայտառակում, նա քեզանից փող չէ առնելու:

ՍԱՐԳԻՍ.— Հապա ճեմից է առնելու:

ՄԱՐԻՍ.— Մի՞թէ չգիտես. ասում են Ղամբարովենց Լիզան սիրահարուել է Սիմայի վրայ, մօտ հարիւր հազար էլ օժիտ ունի, անն որտեղից. համ սիրուն կին, համ էլ մեծ օժիտ:

ՍԱՐԳԻՍ.— Լա՛ւ երազ է, եթէ կատարուի, բայց ես չեմ հաւատում:

ՄԱՐԻՍ.— Ինչո՞ւ. եթէ մեզ պէս մարդու տղային էլ չառնի, էլ ճեմ է առնելու:

ՍԱՐԳԻՍ.— Նախ նրանք մեզնից շատ հարուստ են, երկրորդ նրանք բնիկ քաղաքացի են, իսկ մենք գիւղացի, վերջապէս Լիզան Պետերբուրգ բարձրագոյն կուրսերն է աւարտել, իսկ մեր Սիման գիմնազիան էլ չկարողացաւ աւարտել:

ՄԱՐԻՍ.— Մի մոռանար, որ եթէ աղջիկը տղային սիրեց, քո բոլոր ասածները կէս կոպէկի նշանակութիւն էլ չեն ունենայ:

ՍԱՐԳԻՍ.— Բայց քեզ թի է ասել, թէ աղջիկը Սիմային սիրում է:

ՄԱՐԻՍ.— Սիման:

ՍԱՐԳԻՍ.— Է՛... եթէ կարելի լինէր Սիմայի հազար խօսքից մէկին հաւատալ, ես թոյլ չէի տայ, որ այս ճաղատ գլխիս այդքան աւետարան կարդաս, ամեն օր քեզ հետ զալմաղալ չէի սարգի, Յարութիւնին էլ վաղուց գործից հեռացրել էի:

ՄԱՐԻՍ.—(Շեղացած): Հէնց այդպէս արիւր, որ տղայիս անունը կտարեցիր. վերջի վերջոյ ամբողջ քաղաքում անունը սուտասան դուրս եկաւ:

ՍԱՐԳԻՍ.— Մի նեղանար, այստեղ միայն ես ու դու ենք, մեր տղայի պակասութիւնը քեզ եմ ասում, ուրիշների մօտ վարդապետ ձեռնալ գիտեմ, դու անհող եղիր:

ՄԱՐԻՍ.— Լա՛ւ, լա՛ւ, այդ թողնենք: Այդ որ միշտ Յարութիւնի մասին

մտածում հս հապա իսկի հարցնում հս, թէ նրանք ինչ են մտածում:

ՄԱՐԳԻՍ.—Այդ էլ եմ մտածում:

ՄԱՐԻԱՄ.—Պաշտօնական խնդիր է տուել համալսարան մտնելու. գնալու է Պետերբուրգ փաստաբանութիւն սովորելու. Նինան էլ հէնց որ գիմնազեան վերջացնէ, գնալու է հղբօր մօտ բժշկութիւն սովորելու, իսկ մերոնք ոչինչ էլ չսովորեցին. դէ, արի, Մարիա Պետրովնա, մի տրաքիր:

ՄԱՐԳԻՍ.—Մեղաւորն ո՞վ է, եթէ ոչ դու. թոյլ տուիր որդոցդ ամեն շտաշլութիւն անել, նրանք էլ փոխանակ սովորելու, սկսեցին թափառել:

ՄԱՐԻԱՄ.—Իհարկէ, ի հարկէ, դարձեալ մեղաւորը ես եմ դուրս գալու, բայց ես քեզ ասում եմ, եթէ թոյլ տաս, որ Յարութիւնի գաւակները գնան Պետերբուրգ, ես ուղղակի կխելագարուեմ:

ՄԱՐԳԻՍ.—Կնիկ, խելօք հղիւր, խելօք. գործի տէրը ես եմ, ինչպէս ուզենամ, այնպէս էլ կանեմ, նրանց փող տուող չկայ, որ Պետերբուրգ գնան:

ՄԱՐԻԱՄ.—Ինչ անելու ես շուտ արն, շուտ:

ՄԱՐԳԻՍ.—Արդէն արել եմ:

ՄԱՐԻԱՄ.—Ի՞նչ ես արել, դէ ասն, ինչո՞ւ ես ծածկում:

ՄԱՐԳԻՍ.—Նինային մարդու եմ տուել... պէտք է պատրաստուել, այսօր կամ վաղը մեր տանը նշանդէք կը լինի:

ՄԱՐԻԱՄ.—Ես էլ կարծեցի մի բան ես արել: Մեր Շուրային թողած նրան ես մարդու տալի. այ քեզ խելք:

ՄԱՐԳԻՍ.—Լսիր, մի տաքանն գիտ. Շուրային մինչև իր սիրած ու հաւանած մարդը չգտնեմ, մարդու չեմ տալու, ասե՛ք ինքն էլ չի առնի: Առաջ Նինային պէտք է գլխից սող անել. համ գիմնազիայի ծախսից կազատուենք, համ աւել պատառ ուտողից, մէկ էլ որ Շուրայի ճանապարհը կըացուի: Շուրային ում էլ որ տանք մի յիսուն հազար օժիտ ենք տալու, իսկ այստեղ բանն այնպէս եմ սարգել, որ առանց կողակի կպրծնենք:

ՄԱՐԻԱՄ.—Այդ ո՞ւմ ես տալու:

ՄԱՐԳԻՍ.—Կուզիկով Կիկոյին ճանաչում ես, որ մեղանից էլ միշտ ապրանք է առնում. նրա ծնողների հետ խօսել, վերջացրել եմ: Յարութիւնին էլ ասել եմ, որ պայ տուն այս մասին խօսենք:

ՄԱՐԻԱՄ.—Այ կեցցեն, այժմ հաւանեցի, իզուր չեն ասում, որ դու խելօք ես:

ՄԱՐԳԻՍ.—Այն, բայց եթէ Յարութիւնը, կինը, աղջիկը չհամաձայնեն...:

ՄԱՐԻԱՄ.—Այս տան գործի տէրը դու ես, ի՞նչպէս կարող են չհամաձայնել. թող մի հակառակը խօսեն, ես նրանց ցոյց կտամ:

ՏԵՍԻՆ 3.

Սարգիս, Մարիամ, Շուրա եւ Մաշօ:

ՇՈՒՐԱ.— (Նախասենեակում): Մաշօ Մաշօ:

ՄԱՇՕ.— Ի՞նչ էք հրամայում, օրիօրդ:

ՇՈՒՐԱ.— Վերարկուս բռնիր:

ՄԱՇՕ.— (համում է վերարկուն): Օրիօրդ, իսկ շեմպը:

ՇՈՒՐԱ.— Շեմպը նոր եմ գնել, ուզում եմ հայելում նայել: (Մերս է մըտնում եւ բարեւում հօրը): Ի՞նչպէս է, հայրիկ, շեմպս լաւ սագում է:

ՄԱՐԻԱՄ.— Սաղում է, բայց շեմպը շատ մեծ է, ծաղիկները քիչ են:

ՇՈՒՐԱ.— Այժմ մօզան այս է:

ՄԱՐԳԻՍ.— Այնքան էլ չի սագում: Երևի թանգ ես գնել:

ՇՈՒՐԱ.— Ի՞նչպէս, հէնց նոր պատկերահանի մօտ նկարուցցի, գովեց շեմպըս. ասաց որ պատկերս էլ փողոցի վրայ նայող ցուցարանում է դնելու, որ անցնողները տեսնեն սրբան գեղեցիկ է շեմպս:

ՄԱՐԳԻՍ.— Այդ լաւ բան չես արել, թոյլ չպիտի տայիր այդ:

ՇՈՒՐԱ.— Վնաս չունի, ի՞նչ կայ որ: Գիտե՞ս մայրիկ, պատկերահանի մօտ մի պարոնի հետ ծանօթացայ, ինձ ուղեկցեց մինչև մեր տունը. ամբողջ ճանապարհին իմ մազերն էր գովում, շեմպս. ինքն էլ այնպէս գեղեցիկ էր, այնպէս լաւ հագնուած: Իսկ հայրիկը չի հաւանում, նա ճաշակ չունի ուղղակի. (շեմպը համում է եւ դուրս գնում):

ՄԱՐԳԻՍ.— Իհարկէ ճաշակ չունիմ, ես միայն փող տալն եմ հասկանում:

ՄԱՐԻԱՄ.— Բաւական է խօսես. հապա այդ փողերը ո՞ւմ համար են աշխատուած:

ՄԱՐԳԻՍ.— Ես փող ծախսելու դէմ չեմ խօսում, այլ այդ տեսակ թիթևուկի կոթեան. տեսնում ես զաւակդ ինչո՞վ է հետաքրքրում:

ՏԵՍԻՆ 4.

Սարգիս, Մարիամ եւ Յարութիւն:

ՅԱՐՈՒԹԻՒՆ. (Նախասենեակում վերարկուն հանելուց յետո) ներս է մըտնում): Բարե Մարիա Պետրովնա:

ՄԱՐԻԱՄ.— (Ստամ տեղից ձեռք տալով): Բարե:

ՄԱՐԳԻՍ.— (Յոյց տալով իր եւ կնոջ դիմաց աթոռը): Նստիր:

ՅԱՐՈՒԹԻՒՆ.— Բարե լինի, ի՞նչ կայ, ինչո՞ւ համար ես կանչել:

ՄԱՐԻԱՄ.— Բարե է, Յարութիւն. Սարգսի պէս հղբայր ունիս էլ ի՞նչ հոգս ունես, տեսնում ես մերոնց թողած, քո երեխանց մասին է մտածում:

- ՍԱՐԳԻՍ.—(Աչքերը յառելով կնոջ վերայ): Բարի է, բարի. մի ընտանեկան գործ կայ, պէտք է միասին խօսենք:
- ՅԱՐՈՒԹԻՒՆ.—Աստուած բարին կատարի:
- ՍԱՐԳԻՍ.—Ուզում եմ Նինային մարդու տալ:
- ՅԱՐՈՒԹԻՒՆ.—(Չարմացած): Ո՞ւմն ես տալու:
- ՍԱՐԳԻՍ.—Կուզիկով Սահակի տղայ կիկոյին:
- ՅԱՐՈՒԹԻՒՆ.—Նա իմ աչքիս այնքան էլ լաւ տղայ չի երևում:
- ՍԱՐԳԻՍ.—Շատ լաւ տղայ է:
- ՅԱՐՈՒԹԻՒՆ.—Նրա վերնատունը մի քիչ դատարկ է:
- ՍԱՐԳԻՍ.—Հիմ, քո վերնատունը նրանից շատ լիքն է. դու նրանից շատ խելօք ես:
- ՅԱՐՈՒԹԻՒՆ.—Ես չեմ ասում թէ նրանից խելօք եմ, բայց նա շատ թեթեւ է:
- ՄԱՐԻԱՄ.—Ես էլ եմ նրան ճանաչում, շատ խելօք տղայ է:
- ՍԱՐԳԻՍ.—Դու այն ասս, ի՞նչ ես ասում, քո խօսքը ի՞նչ է:
- ՅԱՐՈՒԹԻՒՆ.—Նրան աղջիկ չի կարելի տալ, այ իմ խօսքը:
- ՍԱՐԳԻՍ.—Ի՞նչպէս չի կարելի տալ, քանի որ արդէն տուել եմ:
- ՅԱՐՈՒԹԻՒՆ.—Ի՞նչպէս թէ տուել ես:
- ՍԱՐԳԻՍ.—Հէնց այնպէս. տուել եմ, ինչպէս աղջիկը մարդու են տալի: Տղայի ծնողների հետ ձեռք ձեռքի ենք տուել, համբուրել ենք, միմեանց խնամի ենք անուանել, տղայի ճակատն էլ համբուրել եմ և փէսայ եմ անուանել. վաղն էլ գալու են մեր տունը նշան դնելու:
- ՅԱՐՈՒԹԻՒՆ.—Ասանց հարցնելով:
- ՍԱՐԳԻՍ.—Ո՞ւմից պէտք է հարցնեմ:
- ՅԱՐՈՒԹԻՒՆ.—Ինձանից, մօրից, աղջկանից:
- ՍԱՐԳԻՍ.—Ես ո՞չ ոքից հարցնելու կարիք չունիմ: Ինձ բան մի սովորեցնէք: Այսքան կարողութիւնը առանց ձեր խորհրդի եմ աշխատել, գործի տէրը ես եմ, ինչպէս ուզեմամ, այնպէս էլ կանեմ:
- ՅԱՐՈՒԹԻՒՆ.—Լաւ, եղբայր, տան և խանութի տէրը դու ես, ինչպէս ուզում ես, այնպէս էլ արա՛. բայց իմ դաւակները հայր ու մայր ունին, բացի այդ պէտք է աղջկանից հարցնել արդեօք յօժան է թէ ոչ:
- ՍԱՐԳԻՍ.—Աղջկանից ի՞նչ պէտք է հարցնել, աղջկայ խելքը ի՞նչ է կըտրում, եթէ աղջկանը թողնես, կերթայ երեսը լաւ ստիրած, ներկած սափրիչ կաննի:
- ՄԱՐԻԱՄ.—Ես ուզում էի քեզ ասել, որ սրանց գործին չխառնուես, մէկէլ մտածեցի՛ կնեղանաս:
- ՅԱՐՈՒԹԻՒՆ.—Մարիա Պետրովնա, մի լաւ մտածեցէք, ի՞նչպէս կարելի է աղջկանից չհարցրած մարդու տալ:
- ՄԱՐԻԱՄ.—Չարմանում եմ, Յարութիւն. ինչո՞ւ չի կարելի: Մեզ մարդու տալիս, ո՞վ մեզանից մի բան հարցրեց, մեր ծնողները տուին, վերջացու, գնաց:

- ՅԱՐՈՒԹԻՒՆ.—Լաւ. ինչո՞ւ Շուրային չէք տալի, նա Նինայից մի տարով էլ դեռ մեծ է:
- ՄԱՐԻԱՄ.—Շուրան մեծ եղբորդ աղջիկն է, խնդրեմ նրա անունը չտաս, այդ քեզ չի վերաբերում:
- ՍԱՐԳԻՍ.—Շուրային ուզող չկայ, ո՞ւմ տամ:
- ՅԱՐՈՒԹԻՒՆ.—Հէնց կուզիկով կիկոյին: Իմ կարծիքով նա Շուրային ուրախութեամբ կաննի:
- ՍԱՐԳԻՍ.—Ի՞նչ ես յիմար, յիմար խօսում:
- ՅԱՐՈՒԹԻՒՆ.—Ամենևին յիմար չեմ խօսում:
- ՍԱՐԳԻՍ.—Ես խօսքս յետ առնողներից չեմ. Նինային տուել եմ, վերջացել, գնացել է. այստեղ այլ ես ի՞նչ երկար, բարձիկ խօսելու բան կայ:
- ՅԱՐՈՒԹԻՒՆ.—Եթէ չես ուզում խօսքդ յետ առնել, կարող ես Շուրային տալ:
- ՄԱՐԻԱՄ.—Ես սրա անմիտ խօսակցութիւնը այլևս տանել չեմ կարող, աչքիս առաջ աղջկանս անպատուում է: (Գնում է):
- ՅԱՐՈՒԹԻՒՆ.—(Մտաւ ետեւից): Հապա ինչո՞ւ ձեր աղջկանը անպատուութիւն է, իսկ իմ աղջկանը պատիւ:
- ՍԱՐԳԻՍ.—(Բարձրաձայն): Չափդ ճանաչիր, յիմար: Ի՞նչեր ես խօսում:

ՏԵՍԻՆ 5.

Սարգիս, Յարութիւն և Դարգիս:

- ԴԱՐԵԱ.—(Համեստ, սեւ հագուստով): Ի՞նչ կայ, ի՞նչ է պատահել:
- ՍԱՐԳԻՍ.—Ամուսնուցդ հարցրա՛ւ:
- ԴԱՐԵԱ.—(Յարութիւնին): Ինչո՞ւ էիր այդքան բարձր խօսում:
- ՅԱՐՈՒԹԻՒՆ.—Ես էլ չգիտեմ. ջրհեղը մօտեցել է:
- ԴԱՐԵԱ.—Ի սէր Աստուծոյ, ինձ մի տանջէք: Չը լինի՞ իմ այս սենեակը տեղափոխուելն է պատճառը:
- ՍԱՐԳԻՍ.—Թէ և դու առանց ինձ հարցնելու ես այդ բանն արել, բայց դրա դէմ բան չեմ ասում: Մինք մի գերդաստան անդամներ ենք, ամեն բան անելիս կարիք չկայ միմեանցից հարցնել: Գո առողջութիւնը վատ է՝ տեղափոխուել ես այդ սենեակը. շատ էլ լաւ ես արել: Բայց ո՞վ տես, որ իմ արածի վրայ է քո մարդը բղաւում:
- ԴԱՐԵԱ.— Ինչո՞ւ, ի՞նչ էք արել, որ նա Ձեզ հետ չի համաձայնում:
- ՍԱՐԳԻՍ.—Աւելի լաւ է իրանից հարցրէք, թէ ի՞նչ վատ բան եմ արել: (Գնում է):
- ԴԱՐԵԱ.— Ի՞նչու ես քարի պէս կանգնել, ի՞նչ է պատահել, ի՞նչու չես խօսում:
- ՅԱՐՈՒԹԻՒՆ.—Աւետարանն ասում է «Հաւատք քո կեցուցին զքեզ» բայց իմ

հաւատն ինձ կորցրեց: Նա հանգամանքից օգտուելով, ինչ ուզում է՝ անում է:

ԴԱՐԵԱ.—Ի՞նչ է ուզում անել. եթէ ուզում է բաժանուել, բաժանուելը ի սէր Աստուծոյ. ինչ որ տալիս է ան, հեռանանք այս տանից. նրանք մեզ բոլորիս այստեղ այրում են:

ՅԱՐՈՒԹԻԻՆ.—Աւելի վատ բան կայ, լեզուս չի բռնում, որ ասեմ. իմ յիմարութեան պատճառով քո և զաւակներիս առաջ ամօթով եմ քնալու: (Աչքերը սրբում է):

ԴԱՐԵԱ.—Յարութիւն, մի տանջիր ինձ. ի՞նչ է պատահել, շուտ ասա:

ՅԱՐՈՒԹԻԻՆ.—Նինային ծախել է...: (Սկսում է լալ):

ԴԱՐԵԱ.—(Շշմած): Ի՞նչ, ի՞նչպէս թէ ծախել է:

ՅԱՐՈՒԹԻԻՆ.—Մի քիչ էլ դեռ վատ...:

ԴԱՐԵԱ.—Պարզ խօսիր, մարդ, որ բան հասկանամ.—ոչինչ չեմ հասկանում: Սիրտս թուլանում է...: (Թուլացած նստում է):

ՅԱՐՈՒԹԻԻՆ.—(Ջուր տալով): Հանգստացիր, ոչինչ չի պատահել:

ԴԱՐԵԱ.—Դէ ասա, ի՞նչ է պատահել: Ես էլ հօ եղբայրդ չեմ, որ վախնում ես:

ՅԱՐՈՒԹԻԻՆ.—Ես չեմ վախենում, այլ տանջում եմ: Այն է պատահել, որ Սարգիսը Նինային մարդու է տուել:

ԴԱՐԵԱ.—Ո՞ւր է տուել:

ՅԱՐՈՒԹԻԻՆ.—Կուզիկով Սահակի տղայ կիկոյին:

ԴԱՐԵԱ.—Այն յիմարի՞ն, չը լինի՞ թէ համաձայնել ես:

ՅԱՐՈՒԹԻԻՆ.—Ես չեմ համաձայնել:

ԴԱՐԵԱ.—Ուրեմն էլ ի՞նչ խօսք կարող է լինել, ֆճճ, ի՞նչպէս ինձ վախեցրել:

ՅԱՐՈՒԹԻԻՆ.—Բայց այդ անհոգին ամեն բան վերջացրել է. նա իր խօսքից յետ չի դառնայ. մի բան ար տասց, պրծաւ. յիսուն հազար էլ որ կորցնի, իր թքածը չի լիզի:

ԴԱՐԵԱ.—Այն, առևտուրի մէջ չի անի, բայց այս հօ առևտուր չէ:

ՅԱՐՈՒԹԻԻՆ.—Ընդհակառակը. նա առևտուրի մէջ իւր թքածը տասը կողէկի համար էլ կլիզի, բայց այստեղ առևտուր չէ, նա սողէն խօսք տուել, վերջացրել է:

ԴԱՐԵԱ.—Ի՞նչ իրաւունք ունի սուրճի աղջիկը տաանց հարցնելու մարդու տալ:

ՅԱՐՈՒԹԻԻՆ.—Ես էլ չեմ հասկանում: Դու նրան նոր ես ճանաչում ինչ է. նա մեր դրութիւնից օգտուում է անխղճօրէն, անա թէ ինչ:

ՏԵՍԻՆ 6.

Յարութիւն, Դարեա, Սարգիս և Մարիամ:

ՍԱՐԳԻՍ.—Ի՞նչ վճռեցիք, ի՞նչ եղբակացութեան եկաք:

ՅԱՐՈՒԹԻԻՆ.—Մենք վճռեցինք Նինային կիկոյին չտալ:

ՍԱՐԳԻՍ.—Ի՞նչպէս, ուրեմն ուզում էք ինձ անպատճել, իմ խօսքս գետնին ձգել:

ԴԱՐԵԱ.—Սերգէյ Լազրիչ, ինչո՞ւ էք վազում խեղճ աղջկան մարդու տալ. սպասէք գոնէ գիմնագեան աւարտի, այն ժամանակ կմտածենք այդ մասին:

ՍԱՐԳԻՍ.—Ներեցէք Դարեա Գրիգորեան. Պաւլուշին էլ այդպէս ասիք, թող գիմնագեան աւարտի՝ կգայ խանութ աշխատելու, ես էլ հաւատացի, բայց բանից դուրս է գալիս, որ նա պատրաստուում է Պետերբուրգ գնալ փաստաբանութիւն սովորելու. նոյնն էլ երևի Նինան կլինի. կսպասենք, որ գիմնագեան աւարտի՝ մարդու գնայ, բայց նա էլ կուզենայ գնալ բժշկութիւն սովորելու: Դէ, Սերգէյ Լազրիչ, արի սրանց ճանապարհածախք, ուսման, դգեստի, ապրուստի փող տուր տարիներ շարունակ: Աչքներս լնայ, լաւ տեղինք բազար բացել:

ԴԱՐԵԱ.—Սերգէյ Լազրիչ, դրանց ծախսը խօ Դուք չէք վճարելու:

ՍԱՐԳԻՍ.—Հապա ձով է վճարելու, դուցէ քո օժիտից ենք տալու:

ԴԱՐԵԱ.—Իմ օժիտից չէք տալու, բայց չէ որ Յարութիւնը Ձեր կղբայրն է, մենք էլ մի փոքր մասն ունենք դուցէ՛ գործի մէջ:

ՍԱՐԳԻՍ.—(Չայրացած): Ի՞նչ մաս, ի՞նչ բան, մանր որն է: Ձեզ հազար անգամ ասել եմ՝ Ձեր կղած չեղածը երեք հարիւր ուրբի էր, այն էլ քսան տարի սրանից առաջ կերել, վերջացրել էք: Գործի մէջ արդէն քսան տարի է ոչ մի կողէկ չունէք: Ես ձեզ ի սէր կղբայրութեան եմ պահում, կերակրում, բաւական է վերջացրել: Ի՞նչ էք ուզում ինձանից. տարեկան ձեզ վերայ երկու-երեք հազար ուրբի փող եմ ծախսում, այս բաւական չէ, տեսէք հիմի էլ ի՞նչեր են պահանջում: Ահա ձեր երախտագիտութիւնը:

ՄԱՐԻԱՄ.—(Բորբորում): Ես շատ աներես մարդիկ եմ տեսել. բայց ձեր նմանը դեռ չէի պատահել: Այսքան ժամանակ մեր փողն ուտել, փչացնելուց յետոյ դեռ կանգնել աւել պակաս բաներ էլ էք խօսում: Երեք հարիւր ուրբին ի՞նչ է, որ նրանով գործ սկսել լինի և քսան տարի էլ ապրել: Անամօթներ, չէք ամաչում, քսան տարի ձեզ պահող, կերակրող կղբօր խօսքն էք կոտրում մի աղջկայ համար:

ՅԱՐՈՒԹԻԻՆ.—Ինչո՞ւ էք տաքանում, հանդարտ խօսենք աւելի լաւ չէ: Այն ժամանակ, որ վիւզից կկայ երեք հարիւր ուրբի փող տուեցի ձեզ, կղբայր համարելով, խանութն իմ խանութը համարելով, ինչպէս որ դուք էիք ինձ հաւատացնում և սկսեցի աշխատել, դուք ինչ ունէիք, չէ որ ձեր ունեցածն էլ երեք հարիւր ուրբուց աւելի չէր լինի:

ՍԱՐԳԻՍ.—Ի՞նչ ես խօսում, յիմար, այդ ժամանակ քսան հազար ուրբու կարողութիւն ունէի:

ՄԱՐԻԱՄ.—Ե՛կ գնանք, Սերգօ ջան, ինչո՞ւ ես իզուր գլուխդ ցաւացնում: Կարծես մեր գործին ընկեր են եղել, այժմ էլ հաշիւ են պահանջում:

ՍԱՐԳԻՍ.—Ես ո՛չ որի հաշիւ տալ պարտաւոր չեմ: Եթէ բանն այնտեղը հասաւ, որ ստիպում են իմ խօսքս հոտ առնել, այն ժամանակ սրանց հետ ուրիշ կերպ կխօսեմ: Բայց հաստատ իմացած եղէք, որ իմ խօսքը խօսք է: (Մարիամն ու Սարգիսը գնում են):

ԴԱՐԵԱ.—Աստուած իմ, Աստուած իմ, այս ի՞նչ օրեր ենք տեսնում այս գահնի ձեռքում: Մի՞թէ աղջիկս արդէն ծախուած է, մի՞թէ նրա ձախտագիրն արդէն վճռուած է: (Հալիս է):

ՅԱՐՈՒԹԻԻՆ.—Դարեան, հանգստացիր, ի սէր Աստուծոյ, գուցէ մի բան կանենք:

ԴԱՐԵԱ.—Ես ամեն բան արդէն վճռուած եմ համարում. այսուհետև ոչինչ չենք կարող անել: (Հստում են ոտնաձայներ):

ՅԱՐՈՒԹԻԻՆ.—Բաւական է լաս, կարծեմ աղայքն եկան:

ԴԱՐԵԱ.—(Աչքերը սրբում է):

ՏԵՍԻԼ 7.

Յարութիւն, Դարեա, Պաւլուշա եւ Նինա:

(Պաւլուշան եւ Նինան գիմնագետայի համազգեստներով):

ՊԱԻԼՈՒՇԱ.—Բարե՛, հայրիկ. աչքներդ լոյս. կարծեմ համալսարանում ընդունուած եմ. Պետերբուրգ եղող ընկերոջիցս նամակ ստացայ:

ՅԱՐՈՒԹԻԻՆ.—Աստուած յաջողի, որդիս:

ՆԻՆԱ.—Բարե մայրիկ: (Չորեկով առաջը եւ նայելով դէմքին): Մայրիկ, դու լացե՞լես, ի՞նչ է պատահել, չլինի՞ առողջութիւնդ վատ է:

ԴԱՐԵԱ.—Ո՛չ, աղջիկս, չեմ լացել, քեզ այնպէս է թւում:

ՆԻՆԱ.—Պաւլուշ, մայրիկը լացել է: (Յարութիւնին): Հայրիկ, ի՞նչ է պատահել:

ՅԱՐՈՒԹԻԻՆ.—(Լուռ նայում է, միտքի հետ խաղում):

ՊԱԻԼՈՒՇԱ.—(Չորեկով մօր առաջ): Մայրիկ ի՞նչ է պատահել. ասան:

ԴԱՐԵԱ.—(Չեղբերը զաւակների ուտերին դնելով): Ոչինչ, բաւէքս, ոչինչ չեմ լացել, լաւու ի՞նչ կայ որ:

ՊԱԻԼՈՒՇԱ.—Մայրիկ, դու լացել ես, մի բան կայ: Զլինի՞ թէ դարձեալ տեօտիկան դայրացել է:

ԴԱՐԵԱ.—Կամայ, որդիս. կլսեն:

ՊԱԻԼՈՒՇԱ.—Է՛հ, թող լսեն, ի՞նչ եմ ասում որ:

ԴԱՐԵԱ.—Լաւ չէ, ինչո՞ւ լսեն:

ՊԱԻԼՈՒՇԱ.—Հապա ամեն օր կռիւ սարգելը լմու բան է, որ սարգում են:

ԴԱՐԵԱ.—Ամեն օրուանն ուրիշ, այսօրուանը ուրիշ:

ՊԱԻԼՈՒՇԱ.—Ինչո՞ւ, այսօր ի՞նչ է պատահել:

ԴԱՐԵԱ.—Չեմ իմանում, հայրիկիցդ հարցրում:

ՅԱՐՈՒԹԻԻՆ.—Կուզիկով Գրիգորին ձանաչում ես:

ՊԱԻԼՈՒՇԱ.—Ճանաչում եմ:

ՅԱՐՈՒԹԻԻՆ.—Նրա ծնողներն ուզում են Նինային նշանիկ իրենց որդու հետ:

ՊԱԻԼՈՒՇԱ.—Ի՞նչ, կատակ ես անում հայրիկ:

ՆԻՆԱ.—Ի՞նչ ես խօսում հայրիկ, այդ ի՞նչ բաների մասին էք խօսում. ծիծաղում էք, ի՞նչ է:

ՅԱՐՈՒԹԻԻՆ.—Չենք ծիծաղում, Նինա, սպասում էինք, որ համաձայնութիւնդ հարցնենք:

ՆԻՆԱ.—Բաւական է, բաւական. այժմ էլ երիտայ չեմ, որ ծաղրէք:

ԴԱՐԵԱ.—Նինա ջան, ծաղր չէ. հայրիկը ճիշտ է ասում. (սկսում է Նինային համբուրել եւ լալ):

ՆԻՆԱ.—Մայրիկ, ի՞նչ երիտայական բաներ ես խօսում: Ես ի՞նչպէս կարող եմ մարդու գնալ, քանի որ գիմնադիան չեմ աւարտել, ինչո՞ւ էք շատապում: Ո՞վ է այդ Կիկօն:

ՊԱԻԼՈՒՇԱ.—Յիշում ես, Գօգօլսկի փողոցում լիմօնադ խմեցինք. մի ծերուկ էլ քեզ խնձոր տուեց, Կիկօն այն տղան է, որ մեզ համար լիմօնադը բացեց:

ՆԻՆԱ.—Յո՛ւ, թողեմ նրա գլուխը. նա ի՞նչ է, որ ես նրան առնեմ:

ՊԱԻԼՈՒՇԱ.—Այն լիմօնադ բացող կեղտոտը (ծիծաղելով) ուզում ես ան, ուզում ես մի առ:

ՆԻՆԱ.—Պաւլուշան, բաւական է ծիծաղես: Դու մինչև այժմ ինձ տանում էիր Պետերբուրգ՝ բժշկութիւն սովորելու, այժմ էլ ուզում ես այդ պարզին կնութեանն տալ:

ՊԱԻԼՈՒՇԱ.—Քաւ լիցի, Նինա, ես չեմ տալի, սրանք են ուզում:

ՆԻՆԱ.—Այդ տեսակ ուզողներին կարելի է մերժել և ուրիշ ոչինչ:

ՅԱՐՈՒԹԻԻՆ.—Մերժել... մերժել... ի՞նչպէս մերժել, քանի որ ամիդ խօսք է տուել:

ՆԻՆԱ.—Չարմանում եմ, հայրիկ. ի՞նչպէս թէ խօսք է տուել:

ՅԱՐՈՒԹԻԻՆ.—Ի՞նչպէս որ խօսք են տալի. թէ մեր աղջիկը ձեր տղային կամեր:

ՊԱԻԼՈՒՇԱ.—Հայրիկ, մինչև այժմ կարծում էի կատակ էք անում, բայց տեսնում եմ, որ կատակ չէ, հաստատ բան էք խօսում. գուցէ այդ պատճառով էլ մայրիկը լացել է:

ՅԱՐՈՒԹԻԻՆ.—Լաց լինենք, թէ ուրախանանք՝ միևնոյնն է. Խնդիրը վճռուած է, ամիդ արդէն խօսք է տուել:

ՆԻՆԱ.—Նա ի՞նչ իրաւունք ունի ուրիշի փոխարէն խօսք տալու:

ՅԱՐՈՒԹԻԻՆ.—Նա ուրիշ չէ, նա էլ մեզանից է, մեր մեծ եղբայրն է:

ՆԻՆԱ.—Յետոյ, աղջիկը մի հակ սպրանք է, որ հում ուղէք վաճառէք:

ՊԱԻԼՈՒՇԱ.—Հայրիկ, ճիշտն ասած, ես ուղղակի դարմանում եմ ձեր կրքայրութեան վրայ:

ՅԱՐՈՒԹԻՒՆ.—Ի՞նչ դարմանալու բան կայ:

ՊԱՒԼՈՒՇՍ.—Լսիր, հայրիկ. ես կուզեմ քեզ հետ մի քիչ խօսել: Եղբայրդ մինչև այժմ կարգադրում էր մեր բոլոր գործերը, ցոյց էր տալիս մեզ, թէ ինչպէս պէտք է ապրինք, խօսենք, գործենք: Գուրջդ էլ մինչև այժմ չզիտես թէ դու նրա ծառան ես, թէ եղբայրը: Մենք մինչև այժմ էլ չզիտենք՝ նրա եղբոր տղաներն ենք այս տանը, թէ աւել կտոր ուտողներ կամ սղորմութիւնով ապրողներ: Գիմնադիտում եղածս ժամանակ ամեն օր ստիպում էին խանութ գնալ աշխատելու, որ աւելորդ ծառայի ուճիկ չտան: Հօրեղբորս կինը մինչև անգամ մեր կերած հացի համար էլ էր խօսում: Եթէ կարողանար գիմնադիտյի ինձ ոսկէ մէզալ տուող ուսուցիչներին այս քողաքից կվճնէր: Այժմ էլ, ստիպուած, ծածուկ խնդիր եմ ներկայացրել համալսարան մտնելու: Մի՞թէ սա դրութիւն է:

Հապա Նինան... Դեռ գիմնադիտն չաւարտած ուզում են մարդու տալ, էն էլ սեմ, մի որևէ Կիկօի, որին բացի ապուշից, ուրիշ ոչ մի անուն չի կարելի տալ: Մինչև օրս նա իրեն տէր էր հրատարակել մեր գործերին, իսկ այսօր սկսել է տէր համարել նաև մեր գլխներին: Վաղն էլ, Աստուած գիտէ, ի՞նչ նոր մտքեր է յղանալու: Եւ այսպէս, տարիներ շարունակ լուել ենք, տարիներ շարունակ արցունքներս կուլ տուել: Իսկ մայրիկը... Մայրիկն առանց նրանց իրաւունքի ոչ հագնուելու, ոչ ուտելու, ոչ նստելու կամ ենելու իրաւունք չէ ունեցել. նա նոյնիսկ յանցաւոր է համարուել, հրը հիւանդացի է: Հապա քո դրութիւնը. չէ՞ որ շատ էլ նախանձելի չէր. խանութում ծառաների առաջ տէր ես եղել, իսկ եղբորդ առաջ՝ ծառայ. պատասխանատու ես եղել ամեն բանի համար, ոչ միայն քո, այլ և ծառաների գործած յանցանքների համար: Քո դրութիւնդ միշտ խախտ է եղել: Եղել են դէպքեր, երբ նա ծառաների ներկայութեամբ նոյնիսկ քեզ վրայ ձեռք է բարձրացրել. բայց դու այդ ամենը ծածկել ես, մեզ ոչ ինչ չես ասել: Եւ ինչո՞ւ, ի սէր քո գաւազները. հայրիկ, հայրիկ...

ՅԱՐՈՒԹԻՒՆ.—Որդիս, սեմը պէտք է ասել. եթէ օտարներին ասելի նրանք կամ չէին հասկանալու կամ նոյն իսկ ծաղրելու էին. դուք դեռ փոքր էիք, իսկ մայրիկիդ չասելուս պատճառն այն էր, որ լու գիտէի նրա կրած տանջանքները. գիտէի, որ նա ինձանից աւելի է տանջուում: Ես չէի ուզում նրա ցաւի վրայ նոր ցաւեր աւելացնել... Դժուար էր, դաւակոս, խիստ դժուար...

ՊԱՒԼՈՒՇՍ.—Հայրիկ, դու մեզ ոչինչ չես ասել մինչև այժմ, բայց հասաւ ժամանակը, գործն ինքն իրան բացուեց: Ես վերջին ժամանակները մեր տանը պատահած կռիւներից, խօսակցութիւններից շատ բան հասկացայ. դրսի ծանօթներս էլ շատ բան պարզեցին.

և ահա ի՞նչ է դուրս գալի: Հօրեղբայրս քեզանից առաջ է եկել այստեղ. խանութը նա է վարձել, յետոյ էլ դու ես եկել. իբրև եղբայր մտել ես խանութը և հաւասարաչափ աշխատել, նրա ունեցածը քոնը համարելով, քոնը՝ նրանը: Իսկ նրա միտքը բուրովին այլ է եղել. նա խանութի պատենտը միշտ իւր անուանն է առել, խանութի տիրոջ հետ պայման կապելիս իւր անունն է նշանակել տուել, վերջը, հրը հարստացել էք, սկսել է առևտրական գրքեր պահել, ամեն տեղ իւր անունն է նշանակել տուել, մայր գումարն էլ իւր անունով է պահում: Այս բոլորը ապացուցանում են, որ գործի տէրը միայն նա է, օրէնքն էլ նրան է ճանաչում և ոչ թէ քեզ. դու այս բոլորի վրայ կամ ուշադրութիւն չես դարձրել, կամ չես հասկացիլ և այժմ դու մի հասարակ պայմանագիր էլ չունես, որով հաստատես, թէ դու հաւասար իրաւունք ունիս այդ գործում: Այժմ մեր կարողութիւնը հասնում է երեք հարիւր հազարի, եթէ ագահութիւնը հօրեղբորը սրտում բուն գրած չլինի, նա պէտք է որ հարիւր յիսուն հազարը քեզ տայ: Բայց նա արդէն երևում է որոշել է այդ չափ կտորից ոչ մի կերպ չզրկուել. այդ է պատճառը որ միշտ աշխատում է ցոյց տալ, որ գործի և տան տէրն ինքն է միայն, իսկ դու ոչ մի իրաւունք չունիս: Այժմ տեսնում է հանգամանքները փոխուել են. գիմնադիտն աւարտեցի և խանութ չգնացի, հաւանական է, որ նա իմ Պետերբուրգ գնալու մտադրութիւնն էլ իմացել է: Նինայի հետ թէյի կամ ճաշի ժամանակ, երբեմն, անմաշարար խօսել ենք այս մասին, և այս բանը նրանց աւելի է կառաղեցնում. ես այդ շատ լու եմ նկատում: Հապա նրանց գաւազները անընդունակ լինելը—նրանց սիրտն է կրծում. նախանձից ամեն կերպ աշխատում են մեր առաջը դժուարութիւններ հանել, որ չը կարողանանք մարդ դառնալ: Տեսնում ես հայրիկ ինչ դրութեան ենք հասել քո եղբոր շնորհիւ .

ՆԻՆԱ.—Խեղճ հայրիկ, ուրեմն դու այսքան ժամանակ խաչուել ես լու ու մունջ (հեղեկում է):

ԴԱՐԵԱ.—Այս ի՞նչեր եմ լսում. մի՞թէ այս երազ չէ, մարդ Աստուծոյ և դու մինչև այժմ լսում ես:

ՅԱՐՈՒԹԻՒՆ.—Ինչո՞ւ էք իմ արարքը երեսովս տալի, հօ ես դիտմամբ չեմ արել. ես սխալուել եմ, որ նրան հաւատացել եմ:

ՊԱՒԼՈՒՇՍ.—Հայրիկ, ես արածդ չեմ ուզում երեսովք տալ, այլ ուզում եմ հասկացնել, որ մեր ընտանիքի դրութիւնը ինձ յայտնի է և ժամանակ է մի ելք փնտրել:

ՅԱՐՈՒԹԻՒՆ.—Շատ ուրախ եմ, որդիս, որ այդ բոլորը հասկացիլ ես, քեզ իրաւունք եմ տալի, արն ինչ որ կարող ես: Բայց ի՞նչ անել:

ՊԱՒԼՈՒՇՍ.—Այժմ ի՞նչ անել, եթէ գոնէ համալսարանն աւարտած լինէի, կարող էի մի բան անել, բայց այժմ, ես էլ քեզ պէս անօգնական եմ: Տէր Աստուած, Տէր Աստուած:

ՏԵՍԻՆ 8.

Յարութիւն, Դարեա, Պաւլուչա. Նինա եւ Սարգիս:

ՍԱՐԳԻՍ.—(Կեղծ ժպտով): Վերջապէս ձեզ տեսայ: Ես առաւօտը շուտ խանութ եմ գնում, դուք՝ ուսումնարան, մարդ կարօտ է մնում ձեզ տեսնի: Նինա ջան, ի՞նչ լցուել, գեղեցկացել ես, կատարեալ հարմանցու ես դարձել: Ինչո՞ւ այդպէս տխուր ես:

ՆԻՆԱ.—Ձտխրած ի՞նչ պէտք է անել:

ՍԱՐԳԻՍ.—Ուրախանալ, աղջիկս, ուրախանալ. այժմ քո ուրախանալու ժամանակն է:

ՆԻՆԱ.—Ով ուզում է թող ուրախանայ, ես ուրախանալու բան չունեմ:

ՍԱՐԳԻՍ.—Մի բան կայ, եթէ ասեմ, իսկոյն դու էլ կուրախանաս:

ՆԻՆԱ.—Խնդրեմ:

ՍԱՐԳԻՍ.—Այդ տեսակ լուրերը ձրի չեն ասում, աչքալուս են առնում՝ յետոյ:

ՆԻՆԱ.—Ես ի՞նչ ունեմ, որ Ձեզ աչքալոյս տամ:

ՍԱՐԳԻՍ.—Նինա, դու շատ սառն ես խօսում ինձ հետ, աչքալոյսը ես առանց քո տալուդ էլ կառնեմ: (Մօտենում է, Նինային համբուրում): Անա իմ աչքալուսէքը: Այժմ հարցրու և ես կասեմ:

ՆԻՆԱ.—Ասացէք, ես լսում եմ:

ՍԱՐԳԻՍ.—Աղջիկս, դու շատ բախտաւոր ես. Աստուած տայ միշտ էլ բախտաւոր լինես: Այս քանի օրէ Սահակ Վարդանովիչը կպել է ետիւս, թէ Նինային պէտք է ուզեմ Գրիգորիս համար: Ես կարծում էի կատակ է անում, բայց այսօր, երբ նրանց խանութումն էի շատ խնդրեց, աղաչեց, որ համաձայնեմ. ասում է, եթէ Նինային Գրիգորին չտաք, կխելագորուի տղաս. յետոյ էլ Գրիգորն ինքն եկաւ, խնդրեց, աղաչեց, որ համաձայնեմ: Ես էլ խղճացի նրանց, խօսք տուեցի. վաղն էլ գալու են մեր տուն նշան գնելու: Հիմա հասկացար. լաւ նորութիւն է չէ: Նինա, դէ համբուրիւր հօրեղբորդ, որ դու տանը նստած, քեզ համար այդպիսի փեսացու է գտել:

ՆԻՆԱ.—(Գլուխը կախ, լուռ կանգնած է):

ՍԱՐԳԻՍ.—Հը՞, ինչո՞ւ ես լուռ, միթէ ուրախանալու բան չէ:

ՆԻՆԱ.—Ո՛չ. այդտեղ ինձ համար ուրախանալու բան չկայ:

ՍԱՐԳԻՍ.—Ի՞նչպէս թէ չկայ, միթէ աղջիկը մարդու գնալիս չի ուրախանում:

ՆԻՆԱ.—Այդ տեսակ Կիկօներն երբէք ինձ չեն ուրախացնի:

ՍԱՐԳԻՍ.—Հապա դու հնչես ես գնալու:

ՆԻՆԱ.—Առայժմ ոչ ոքի. ես այժմ սովորել եմ ուզում:

ՍԱՐԳԻՍ.—Որքան սովորեցիր բաւական է, մեր գլխին դու փիլիսոփայ չես դառնալու:

ՆԻՆԱ.—Մինչև գիմնադիան չաւարտեմ, մարդու չեմ գնալու:

ՍԱՐԳԻՍ.—Գիմնադիան աւարտելը հարկաւոր չէ. այժմ լու ժամանակն է և պէտք է մարդու գնաս:

ՆԻՆԱ.—Ես չեմ գնայ:

ՍԱՐԳԻՍ.—Իսկ ես ասում եմ պէտք է գնաս:

ՆԻՆԱ.—Իսկ ես էլ ասում եմ չեմ գնայ:

ՍԱՐԳԻՍ.—Ես խօսք եմ տուել արդէն և պէտքէ գնաս, հասկանում ես:

ՅԱՐՈՒԹԻՒՆ.—Ինչո՞ւ ես աղջկանը ստիպում, տեսնում ես չի ուզում:

ՍԱՐԳԻՍ.—Յիմար, յիմար մի խօսիր, նրա խելքն ի՞նչ է կտրում, նրա կամքին եթէ թողնես, նա շատ բան կտաի:

ԴԱՐԵԱ.—Սերգէյ Լազրիչ, խնդրում եմ, աղջկաս մի ստիպէք. ես ևս համաձայն չեմ:

ՍԱՐԳԻՍ.—Դու ինչացու ես, որ համաձայնուես կամ չհամաձայնուես. կին ես գնա քո գործին. կնոջ գործը խոհանոցում կերակուր եփելն է:

ԴԱՐԵԱ.—Ես խոհանոցում կերակուր կեփեմ, բայց ոչ ոք ինձ մայրական իրաւունքից չի կարող զրկել:

ՍԱՐԳԻՍ.—Ներողութիւն, տիկին, մինչև օրս այս տունը իմ կամքին էր ենթարկուում, եթէ այժմ Դուք էք հրամայելու, ասացէք և Ձեզ կլսենք:

ԴԱՐԵԱ.—Ես չեմ ուզում, որ Դուք իմ կամքին ենթարկուէք, բայց և իմ աղջկայ վրայ ոչ ոք բռնանալու իրաւունք չունի:

ՅԱՐՈՒԹԻՒՆ.—Սարգիս, խնդրում եմ այս գործում դու մեզ զիջիւր, ուրիշ գործերում ի՞նչ ուզում ես արա:

ՍԱՐԳԻՍ.—Խօսք եմ տուել, չեմ կարող:

ՊԱՒԼՈՒՇԱ.—Հօրեղբայր, ինչպէս կարելի է ոչ ոքից չհարցրած խօսք տալ:

ՍԱՐԳԻՍ.—Իսկ դու որ խնդիր ես տուել և ուզում ես Պետերբուրգ գնալ համալսարանում սովորելու համար: Ինչո՞ւ դու առանց ինձ հարցնելու ուզում ես Պետերբուրգ գնալ սովորելու, իսկ ես առանց ձեզ հարցնելու չեմ կարող աղջիկ մարդու տալ:

Հասկանում ես, որ առանց իմ իրաւունքի չես կարող փողերս ծախսել:

ՊԱՒԼՈՒՇԱ.—Այդ փողերի մի մասը հօրս աշխատանքն է:

ՍԱՐԳԻՍ.—Օ՛հ, դու դեռ շատ բաներ էլ կարող ես ասել, բայց այս աշխարհում օրէնք կայ, դատաստան կայ: Հայրդ իմ ընկերը չէ, նա մի հասարակ ծառայ է, այդ ամբողջ քաղաքն էլ գիտէ: Նրա ումի կը տարեկան ամհնաշատը չորս հարիւր ուսուրի է, բայց ես ճիկը տարեկան ամհնաշատը չորս հարիւր ձեզ էլ մօտս եմ աւել և տարեկան նրան խղճալով իբրև եղբոր ձեզ էլ մօտս եմ աւել և տարեկան չորս հազար ուսուրուց աւելի ծախսել եմ: Սրանից աւելի լաւուչորս հազար ուսուրուց աւելի ծախսել եմ: Այժմ յայտնում եմ, որ չեմ կարող քեզ թիւն չեմ կարող անել: Այժմ յայտնում եմ, որ չեմ կարող քեզ փող տալ որ գնաս Պետերբուրգ, քո գնալուց յետոյ էլ երևի փող տալ որ գնաս Պետերբուրգ, քո գնալուց յետոյ էլ երևի բոլոր կողմնայ գնալ, այդ ուր կերթայ: Բաւական է արդէն.

6131/4E



լաւ լսէք բոլորդ էլ, եթէ չէք ուզում իմ պահանջը կատարել, ահա դուռը բաց է, դուրս գնացէք, այնուհետեւ ինչ ուզում էք արէք:

ՅԱՐՈՒԹԻՒՆ.—Լմա գնամ, բայց ուր գնամ, ի՞նչ անեմ, հօ չեմ գնալու մուրացկանութիւն անելու. տներ ինձ մեր ունեցածից գոնէ երեքից մի մասը և հէնց այժմ կերթամ:

ՍԱՐԳԻՍ.—Դու ոչ մի մաս չունես ստանալու, եթէ լաւ հաշուենք մի քանի հազար ուրբի էլ ինձ պարտ ես. այդ էլ չեմ ուզում, միայն գնա, թող իմ տունը, թող հեռացիր:

ՊԱԼՈՒՇԱ.—Եթէ դու մեղ հետ այդպէս վարուես, ես քո դատաստանը իմ ձեռքովս կանեմ:

ՍԱՐԳԻՍ.—Օհօ, չգիտէի, որ դու այդտեսակ առիւծ ես, բայց ես էլ այդ խօսքերից վախեցողը չեմ, լաւ մտածի, տես ի՞նչ ես ասում, մէկ էլ այդպէս խօսել ես, ես քեզ ցոյց կտամ: (Մինան եւ Դարեան սկսում են լալ):

ՅԱՐՈՒԹԻՒՆ.—Որդիս, հանգստացիր, այդպէս մի խօսիր հօրեղբորդ հետ. չարը չարով չի վերջանայ (Սարգսին): Այժմ քո պահանջն ի՞նչ է:

ՍԱՐԳԻՍ.—(Յոյց տալով Մինային) Այս աղջիկը լաց լինելիս կարծես ինձ վրայ կրակ են լցնում: Ես ձեզ պէս յամառ չեմ, վաճառական մարդ եմ, հարկաւոր տեղը դիջել գիտեմ: Ես ձեզ հետ նորից կարող եմ հաշտուել, դու կարող ես դարձեալ խանութում աշխատել, միասին կապրենք, ինչպէս առաջ. Պաւլուշան էլ եթէ ուզում է Պետերբուրգ գնալ սովորելու, թող գնայ, բայց Նինային իմ կարծիքով չար չեմ կամենում, Նինայի մասին իմ ասածս պիտի լինի:

ԴԱՐԵԱ.—Սերգէյ Լազրիչ, ձեռք վերցրէք, այդ բանը չպէտք է լինի:

ՍԱՐԳԻՍ.—Ես ձեզ հետ շատ երկար բարակ խօսելու ժամանակ չունիմ, իմ խօսքս խօսք է, կամ պէտք է դուք այս տան մէջ չլինէք, որ ես Սահակի առաջ պարզերես լինեմ, կամ պէտք է վաղը նշան դրէքը լինի: (գնում է):

ՏԵՍԻԼ 9.

Յարութիւն, Դարեա, Պաւլուշա եւ Մինա:

ՊԱԼՈՒՇԱ.—Է՛հ հայրիկ, հայրիկ. այդ Կայէնը մեր ընտանիքը ցիր ու ցան կանի. գոնէ թոյլ տար ուսումս վերջացնէի, այդ կլինէր քո քսան տարուայ աշխատութեան վարձը:

ՅԱՐՈՒԹԻՒՆ.—Ի՞նչ արած որդիս, անցածը յետ դարձնել չի լինի. քիչ է ֆուռ գնորուեմ, բայց ի՞նչ կարող եմ անել:

ՊԱԼՈՒՇԱ.—Միթէ գոնէ մի քանի հազար ուրբի չի տայ, որ այս գործից էլ տանից էլ հեռանանք:

ՅԱՐՈՒԹԻՒՆ.—Եթէ նա մեր ունեցածից հինգից մի մասն ինձ տար, ես վաղուց հեռացած կլինէի, բայց ոչ տալիս է, ոչ էլ թողնում, որ հեռանամ:

ԴԱՐԵԱ.—Ապա մեր վերջը ի՞նչ կլինի:

ՅԱՐՈՒԹԻՒՆ.—Ես ինքս էլ չեմ իմանում:

ԴԱՐԵԱ.—Բայց չէ՞ որ նա ասաց, եթէ իր ասածը կատարենք տանից չի վրձնդի, Պաւլուշան էլ կերթայ Պետերբուրգ: Ա՛խ, Տէր Աստուած: Նինան, սիրելիս, գուցէ դու կհամաձայնես Գրիգորին առնել, այն ժամանակ մենք միառժամանակ հանգիստ կլինենք:

ՆԻՆԱ.—Մայրիկ, ինչո՞ւ սիրելի ես անուանում, աւելի լաւ չէ՞, առանց սիրելի անուանելու ջուրը ձգես ինձ:

ԴԱՐԵԱ.—Ի՞նչ անենք հապա, Նինա ջան. ի՞նչ հողը տանք մեր գլխին, ո՞ւր գնանք:

ՊԱԼՈՒՇԱ.—Մայրիկ, ես Կայէնի ճանկերում եմ գտնում, բայց երբէք ինձ թոյլ չեմ տայ Կայէն դառնալ. ես համաձայն չեմ, որ քոյրս ինձ համար գոհուի, այդ միջոցով ուսումս շարունակել չեմ ցանկանում:

ՄԱՇՕ.—(Նախասենեակից). Պարոնը և տիկինը ձեզ սպասում են սեղանատանը:

ՅԱՐՈՒԹԻՒՆ.—Գնանք. տեսնենք, գուցէ ճաշից յետոյ սիրտը ողորմութիւն ընկնի:

ՆԻՆԱ.—Դուք գնացէք, ես չեմ գալու:

ՊԱԼՈՒՇԱ.—Ես էլ չեմ գալու:

ԴԱՐԵԱ.—Պաւլուշա գնանք. նա քեզ վրայ է շատ նեղացել, գնանք, բայց ի սէր Աստուծոյ, մի քիչ փափուկ խօսիր, թէ չէ մեր վերջը վատ կլինի:

ՊԱԼՈՒՇԱ.—Գնանք, մայրիկ, գնանք, Կայէնի ոտքերը լիզելու: Մեռնելն աւելի լաւ չէ՞, քան այդքան ստորանալը:

ԴԱՐԵԱ.—Ճար չունինք, որդիս, ի՞նչ կարող ենք անել: (Գնում են քոլորը քացի Մինայից):

ՏԵՍԻԼ 10.

Մինա:

ՆԻՆԱ.—Աստուած իմ, Աստուած իմ. այս ի՞նչ դրութիւն է (ձեռքերով երեսը ծածկելով նստում է եւ սկսում է մտածել եւ սպաս փոքր ինչ հանգստացած՝ ելնում է): Այո՛, այո՛, ես կարող եմ, ես պէտք է փրկեմ... խեղճ հայրիկ... խեղճ մայրիկ... Այո՛ դժուար է, խիստ դժուար է, ի՞նչպէս... Ես Կիլոյի կլինեմ... Ո՛չ, ոչ, անվերջ տանդուէր է, ի՞նչպէս... Օ՛... Իսկ ծնողներս, հապա եղջուէր, մինչև կեանքիս վերջը... Օ՛... Իսկ ծնողներս, հապա եղջուէր, մինչև կեանքիս վերջը...

բայրս, իմ սիրելի Պաւլուշան: Ո՛չ, անկարելի է թոյլ տալ, որ այնքան հոգի դժբախտանան իմ պատճառով: Պէտք է զոհուել. Կայէնը զոհ է պահանջում և այդ զոհը ես կը լինեմ (Նստում, լալիս է):

(Վարագոյր).

ԳՈՐԾՈՂՈՒԹԻՒՆ ԵՐԿՐՈՐԴ

Բեմը ներկայացնում է միջին մեծութեան, հասարակ կահաւորուած սենեակ, երկու դուռ ունի, մէկը մէջ տեղը, միւսը աջ կողմից: Անցել է երեք տարի առաջին գործողութիւնից յետոյ:

ՏԵՍԻՂ 1.

Յարութիւն, Դարեա և Պաւլուշա:

ՅԱՐՈՒԹԻՒՆ.— (Բազմոցի վրայ նստած ծիւում է). Տէր Աստուած, այս թ՛նչ օրի հասանք. շատերն են ասում՝ դառն աշխատեցի՛նք դատարկ մնացի՛նք, բայց ինձ նմանը հազիւ թէ գտնուի: Քոան տարի շարունակ օր ու գիշեր աշխատել, ամեն տեսակ նեղութիւններ կրել, անագին հարստութիւն ձեռք բերել և վերջն էլ առանց կուպէկի փողոց դուրս շարտուել... թ՛նչ է այժմ իմ օրը. աշխատելու ոյժ չկայ այլևս: Գոնէ մի քանի հազար ուրբի էլ չտուեց, որ մի գործ սկսեմ: Իմ յիմարութիւնը տես, խեղճ աղջկաս աղի արցունքներ թափել տալով մարդու տուի, էն անպիտանին հաւատալով, որ տանից դուրս չի անի, բայց այդ զոհն էլ իզուր անցաւ: Ա՛խ իմ մեամտութիւնս, իմ իզուր տեղը հաւատալս: (Մերս է մտնում Դարեան):

ԴԱՐԵԱ.— Յարութիւն, գուցէ մի բաժակ սուրճ կխմես, դու ամբողջ օրերով ոչինչ չես ուտում, այդպէս չի կարելի, դու ուժասպառ ես եղել:

ՅԱՐՈՒԹԻՒՆ.— Ձեմ կարող, ախորժակ չունեմ, սիրելիս:

ԴԱՐԵԱ.— Յարութիւն ջան, ինչո՞ւ ես այդքան մտածում: Պաւլուշան հազիւ մի քանի օրով արձակուրդի է եկել, քո տխրութիւնը տեսնելով, նա էլ է ախրում: Քանի նա մեզ մօտ է գոնէ ուրախ ձեացիր, որ ազան ուրախ սրտով Պեաերբուրդ վերադառնայ:

ՅԱՐՈՒԹԻՒՆ.— Պաւլուշան իմ պահապան հրեշտակն է, իմ այս դառն օրերի մխիթարութիւնը, երբ նա տանն է լինում, ես արդէն բոլոր ցաւերս մոռանում եմ: Բայց թ՛նչպէս մոռանամ մեր այս դրութիւնը, թ՛նչպէս ձեանամ, որ ուրախ եմք, երբ կորցրի՛նք մեր քսան տարուայ աշխատանքը, այն անագին հարստութիւնը:

ԴԱՐԵԱ.—Սատանան այդ հարստութեան հետ: Ի՞նչ արած, աղքատ էլ կապ-
րենք, դու ասայ յաջողութիւն լինի. միայն դու հանդատացիր. ես
քո առողջութիւնից եմ վախենում: Ի՞նչ կայ որ, փոքր երեխա-
խաներ չունենք, մի կերպ կաշխատենք, որ Պաւլուշան ուսումն
աւարտի, Նինան էլ արդէն մարդու է գնացել: Ա՛խ իմ խեղճ
աղջիկս (լալիս է):

ՅԱՐՈՒԹԻՒՆ.—Ես ամենից քիչ Պաւլուշի մասին եմ մտածում. նա խելօք
տղայ է, ինչպէս էլ լինի ինքն իրեն ճանապարհը կգտնի, կաշ-
խատի աւարտել: Ինձ աւելի Նինայի հոգսն է տանջում: Խեղճ
աղջկան ստիպեցինք գնալ այն ապուշին, նրա ծնողներն էլ այն-
քան կոպիտ են, որ ինձ թւում է թէ դժուար Նինան մինչև
վերջը համբերի: Վախենում եմ աղջիկս յուսահատուի և մի վատ
բան դուրս գայ:

ԴԱՐԵԱ.—Աստուած ողորմած է, ոչինչ չի լինի: Վերջապէս ինչ լինելու է
կլինի, մտածելով ոչինչ չես կարող փոխել:

ՅԱՐՈՒԹԻՒՆ.—Է՛ր Դարեան, այսքան տանջանքներ կրել, այսքան զոհաբե-
րութիւն անել և վերջն էլ այսօրն ընկնել, ո՛չ, դժուար է, դժ-
ուար:

(Ենքս է մտնում միջին դռնից Պաւլուշան):

ԴԱՐԵԱ.—Լաւ ժամանակի հատար, Պաւլուշա ջան, այժմ սուրճ ենք խմելու:

ՊԱԻԼՈՒՇԱ.—Մայրիկ, սուրճ խմելու ժամանակ չունեմ, շտապ գործ կայ
պէտք է գնամ. եկայ ասելու, որ ինձ չսպասէք:

ՅԱՐՈՒԹԻՒՆ.—Ի՞նչ կայ որ, սուրճ խմիր յետոյ կերթաս:

ՊԱԻԼՈՒՇԱ.—Հայրիկ, ժամանակ չունեմ, խօսք եմ տուել, կարող եմ ուշա-
նալ:

ՅԱՐՈՒԹԻՒՆ.—Նստիր, ոչինչ, չես ուշանայ. եթէ դու չմտաս, ես էլ սուրճ չեմ
խմի:

ԴԱՐԵԱ.—Մնա՛, որդիս, հայրիկդ օրերով ոչինչ չի ուտում, նստիր, գոնէ
մի բաժակ սուրճ կխմէ:

ՊԱԻԼՈՒՇԱ.—Դէ, լա՛ւ, լա՛ւ, թող ձեր ասածը լինի: (Դարեան զնում է):
Հայրիկ, ինչո՞ւ ոչինչ չես ուտում, չլինի թէ հիւանդ ես:

ՅԱՐՈՒԹԻՒՆ.—Հիւանդ չեմ, բայց ախորժակ չունեմ ուտելու:

ՊԱԻԼՈՒՇԱ.—Հայրիկ, տեսնում եմ շատ ես մտածում, ի՞նչու, ի՞նչ կարիք
կայ այդքան տանջուելու: Փառք Աստուծոյ, այնքան էլ դժբախտ
չենք, ինչքան դու ես կարծում: Ինչպէս էլ լինի դուք այստեղ
մի կերպ կապրէք. իմ աւարտելուն էլ մի տարի մնաց. մի տա-
րուց յետոյ այլևս հոգս չես ունենայ: Այժմ կաշխատեմ ձեզ ամ-
սական մի բան ուղարկել, անհոգ եղիր:

ՅԱՐՈՒԹԻՒՆ.—Ի՞նչ ես ասում, որդիս, փոխանակ մենք քեզ փող ուղարկե-
լու, դու ես ուզում մեզ ուղարկել: Պետերբուրգ այնքան թանկ
տեղ է, որ ամեն քայլափոխի փողի կարիք կայ. դու որ ուտումդ

վերջացնես, այդ էլ մեզ բաւական է:

(Ենքս է մտնում Դարեան 3 բաժակ սուրճ ձեռին):

ԴԱՐԵԱ.—Այդ ի՞նչ էիք խօսում: Յարութիւն այնքան մի քիչ բացուել է:

ՅԱՐՈՒԹԻՒՆ.—Դարեան, Պաւլուշանն ինձ ուզում է երիտասարդացնել. ու-
րախտութիւնիցս չեմ իմանում ի՞նչ անեմ: Պաւլուշա ջան, չկարծես
թէ նրա համար եմ ուրախ, որ խոստանում ես փող ուղարկել,
նչ, այլ որ քեզպէս խելօք որդի ունիմ:

ԴԱՐԵԱ.—Այդ ի՞նչ զարմանալի բաներ ես խօսում, Պաւլուշա ջան, այս ի՞նչ է
ասում հայրդ:

ՊԱԻԼՈՒՇԱ.—Մայրիկ, զարմանալու բան չկայ: Այս քանի՛ ամիս է ինձ փող
չէք ուղարկել, բայց ես և ապրել եմ և սովորել և դեռ ճանա-
պարհածախս էլ ճարել ու եկել տուն:

ՅԱՐՈՒԹԻՒՆ.—Ես էլ հէնց դրա վրայ եմ զարմանում, ախր այդ փողերը
ճրտեղից ես ստանում:

ՊԱԻԼՈՒՇԱ.—Այժմ Պետերբուրգում ես ամսական յիսուն ուսուցում
դասեր ունիմ, կարիքի դէպքում կարող եմ ուսանողական
գանձարանից պարտք վերցնել: Այժմ էլ հէնց այդ տեսակ մի
խնդրի համար եմ շտապում:

ԴԱՐԵԱ.—Ո՛ւր, ի՞նչի համար:

ՊԱԻԼՈՒՇԱ.—Այստեղ երկու դիմնադիտաներ կան, իմ ժամանակ մեր գիմ-
նադիտյում էին սովորում, այժմ տեղափոխուում են Պետերբուրգ.
Իրենք թոյլ են սովորում, ուզում են, որ մէկը իրենց հետ պա-
րապի վերջնական քննութիւն տալու համար: Եթէ յաջողութի
նրանց հետ պարապելու գործը, այն ժամանակ արդէն ապահով
եղէք. ես էլ կաւարտեմ, ձեզ էլ կօգնեմ:

ԴԱՐԵԱ.—Պաւլուշա ջան, այդ ի՞նչ ես ասում, դու մեր մխիթարութիւնն ես.
որ ու գիշեր քո մասին ենք մտածում, քո աւարտելուն ենք սպա-
սում, աչքներս ճանապարհին է միշտ:

ՅԱՐՈՒԹԻՒՆ.—Պաւլուշա ջան, չէ՞ որ այդքան դասեր վերցնելով քեզ
կտանջես, ինքդ էլ ժամանակ չես ունենայ քո դասերով պարա-
պելու: Մեզ փող պէտք չէ, դու քեզ մի տանջիր:

ՊԱԻԼՈՒՇԱ.—Վնաս չունի, հայրիկ, միայն դու քեզ հանգիստ պահիր, որ
մայրիկն էլ չտանջուի. դուք որ ատող լինէիք, ամեն բան կար-
գին կլինի: Դէ, ես գնում եմ, չլինի թէ ուշանամ: (Գնում է):

ՏԵՍԻԼ 2.

Յարութիւն եւ Դարեա:

ՅԱՐՈՒԹԻՒՆ.—Աստուած, Դու իմ Պաւլուշային պահես. իմ կեանքից աս,
նրան տուր: Տեսնա՛ր, Դարեա, ի՞նչեր էր խօսում:

ԴԱՐԵԱ.—Ես քեզ չէի ասում, Աստուած ողորմած է:

ՅԱՐՈՒԹԻՒՆ.—Այն, այժմ ես էլ հաւատում եմ, որ անբախտ չենք լինի մշտապէս:
ԴԱՐԵԱ.—Մեր Պաւլուշան մեր տանջանքների փոխարէն մեզ կերջանկացնէ, դեռ մեր զրկանքների վրէժն էլ կհանէ:
ՅԱՐՈՒԹԻՒՆ.—Այդպէս մի խօսիր, Դարեա, լաւ չէ, ի՞նչու ես այժմեանից արդէն վրէժով լցուում:
ԴԱՐԵԱ.—Հապա մի յիշիր, տես ի՞նչեր էին բերում քո պատուական եղբայրն ու նրա կիներ մեր գլխին. հապա մի նինային յիշիր: Այս բոլորը միթէ կարելի է մոռանալ:
ՅԱՐՈՒԹԻՒՆ.—Չարը չարով չի վերջանայ Դարեա ջան. մի տաքանայ, եկ մօտս, եկ, համբուրեմ և հանդստացիր: (Գրկում է եւ համբուրում):

ՏԵՍԻՒ 3.

Յարութիւն, Դարեա եւ Անտօն:

ԱՆՏՕՆ.—(Տեսնելով նրանց համբուրուելը) Ա... ահա թէ ի՞նչով էք զբաղուած: Ներողութիւն որ...
ԴԱՐԵԱ.—Փրօհ, ի՞նչ վատ ժամանակի հասար:
ԱՆՏՕՆ.—Իմ բախտս այդպէս է միշտ, ամեն բանի վատ ժամանակին եմ հասնում: Խնդրեմ ինձանից չնեղանաք:
ՅԱՐՈՒԹԻՒՆ.—Նստիր, Անտօն Իվանիչ, նստիր. քեզանից ո՞վ է նեղանում. բարով հազար բարի ես եկել:
ԱՆՏՕՆ.—Շնորհակալ եմ. (Նստում է):
ՅԱՐՈՒԹԻՒՆ.—Անտօն Իվանիչ, ափսոս որ մի քիչ շուտ չեկար, Պաւլուշային կտեսնէիր, այնպէս սիրտ տուեց, այնպէս մխիթարեց, որ քէֆս տեղն եկաւ:
ԱՆՏՕՆ.—Պաւլուշային ես փողոցում հանդիպեցի հէնց այժմ, խնդրեց որ սպասեմ մինչև իւր վերադառնալը: Ճշմարիտ որ կարգին տղամարդ է դարձել. ապրի, ապրի նա:
ԴԱՐԵԱ.—Վաղուց է, Անտօն Իվանիչ, մեզ մօտ չէք եկել: Առաջները երբեմն գալիս էիք, ձեր ուրախ խօսակցութեամբ մեզ էլ ուրախացնում, իսկ այժմ չէք գալի, ի՞նչ է պատահել՝ չգիտեմ:
ԱՆՏՕՆ.—Դարեա Գրիգորենա, ուրիշ ոչ մի պատճառ չկայ բացի այն, որ սաստիկ զբաղուած եմ:
ԴԱՐԵԱ.—Չէք ցանկանայ մի բաժակ սուրճ:
ԱՆՏՕՆ.—Շնորհակալ եմ, նոր եմ խմել:
 (Դարեան ժողովում է բաժակները եւ գնում).
ՅԱՐՈՒԹԻՒՆ.—Ծիւնք, Անտօն Իվանիչ:
 (Անտօնը առնում է մի ծխախոտ եւ ծխում):
ՅԱՐՈՒԹԻՒՆ.—Շուկայում ի՞նչ նորութիւն կայ:

ԱՆՏՕՆ.—Առանձին ոչինչ չկայ:
ՅԱՐՈՒԹԻՒՆ.—Գործերդ ի՞նչպէս են:
ԱՆՏՕՆ.—Վնաս չունի. առանց բռնելու կանգնում ենք:
 (Ներս է մտնում Դարեան եւ իւր տեղը նստում):
ԴԱՐԵԱ.—Անտօն Իվանիչ, ի՞նչ նորութիւն կայ քաղաքում, ի՞նչ էք անում, քէֆներդ ի՞նչպէս է:
ԱՆՏՕՆ.—Քէֆս տանու փէսի քէֆից մի քիչ լաւ է:
ԴԱՐԵԱ.—Դեռ չամուսնացած ի՞նչ գիտէք տանու փէսի քէֆը ի՞նչպէս է:
ԱՆՏՕՆ.—Ճշմարիտ է, չեմ ամուսնացել, բայց լսել եմ, գիտեմ:
ՅԱՐՈՒԹԻՒՆ.—Իսկապէս, Անտօն Իվանիչ, ինչո՞ւ չես ամուսնանում:
ԱՆՏՕՆ.—Չարժէ այսուհետև ամուսնանալ. իմ ժամանակն արդէն անցաւ:
ԴԱՐԵԱ.—Ընդհակառակը, հէնց այժմ է Ձեր ամուսնանալու ժամանակը:
ԱՆՏՕՆ.—Այդ մի կողմը թողնենք, այդ ապագայի խնդիր է:
ՅԱՐՈՒԹԻՒՆ.—Ամուսնութիւն ասիք միտքս ընկաւ. այս գիշեր մեր Շողոսկաթի աղջկան նշան պէտք է դնէին դու այնտեղ էիր թէ՞ ոչ:
ԱՆՏՕՆ.—Այնտեղ էի. դուք ինչո՞ւ չէիր եկել:
ԴԱՐԵԱ.—Մեզ էլ հրաւիրել էին, բայց չուզեցինք գալ. սիրտ չի մնացել ուրախանալու:
ՅԱՐՈՒԹԻՒՆ.—Լաւ, ուրախ ժամանակ անցկացրի՞ք թէ չէ:
ԱՆՏՕՆ.—Վնաս չունի, լաւ էր:
ՅԱՐՈՒԹԻՒՆ.—Անպատճառ դու թամազա եղած կլինես:
ԱՆՏՕՆ.—Հէնց թամազա լինելուս պատճառով էլ այստեղ եմ եկել:
ՅԱՐՈՒԹԻՒՆ.—Ի՞նչպէս
ԱՆՏՕՆ.—Լսէք թէ ինչպէս: Երբ Սարգիսը ձեզ դործից, տանից զրկեց և դուրս արաւ, մի քանի կեղծաւորներ, իրենց խղճի հակառակ, նրան դուր գալու համար արդարացնում էին նրան. բայց կան և այնպիսիները, որոնք նրա այդ անխղճութեան համար արհամարհում են. Սարգիս ձեզ հետ այդպէս ամարդի վարուելու օրից աչքով աչք չունեմ նրան տեսնելու:
ՅԱՐՈՒԹԻՒՆ.—Շնորհակալ եմ, Անտօն Իվանիչ, ես քեզ միշտ իմ լաւ բարեկամներից եմ համարել:
ԴԱՐԵԱ.—Աստուծ էլ դիտէ, որ ես Ձեզ իմ դաւակներից չեմ տարբերել միշտ եղբօր նման սիրել եմ:
ՅԱՐՈՒԹԻՒՆ.—Միշտ էլ ասել եմ, որ Անտօն Իվանիչի նման մեր շուկայում ճշմարտախօս, ամեն բան ձակաւին ասող մարդ չկայ:

ՏԵՍԻՒ 4.

Յարութիւն, Դարեա, Անտօն եւ Նինա:

(Նինան ներս է մտնում հասարակ զգեստով, սեւ շալ ձգած զըլխին):
ԴԱՐԵԱ.—Նինա, այդ դու ես, եկ, նստիր:

ԱՆՏՕՆ.—(Ասելով Նինայի անունը ոտքի է կանգնում):
 ՅԱՐՈՒԹԻՒՆ.—Նինա, եկ, այստեղ նստիր. ինչո՞ւ ես ամաչում, ո՞ւր Անտոն
 Իվանիչը օտար չէ:
 ՆԻՆԱ.—(Թողորին ըստեկտուց յետոյ նստում է):
 ԴԱՐԵԱ.—Երէկ Պաւլուշան քեզ մօտ եկաւ, տեսա՞ր:
 ՆԻՆԱ.—Տեսայ:
 ՅԱՐՈՒԹԻՒՆ.—Պաւլուշան քանի այստեղ է, շուտ շուտ եկ մեզ մօտ, տես
 եղբօրդ:
 ՆԻՆԱ.—Այսօր էլ ձեզ մօտ չէի դալու, հէնց այնպէս եկայ:
 ԱՆՏՕՆ.—Ի՞նչպէս է Ձեր առողջութիւնը, Նինա Արտեմիանա:
 ՆԻՆԱ.—Լաւ է, Անտոն Իվանիչ, շնորհակալ եմ:
 ՅԱՐՈՒԹԻՒՆ.—Անտոն Իվանիչ, խօսքդ չվերջացրիր, կարծեմ, երէկուայ պա-
 տահածի մասին:
 ԴԱՐԵԱ.—Իսկապէս հետաքրքիր է, խնդրեմ շարունակէք:
 ՆԻՆԱ.—Ի՞նչ է պատահել:
 ՅԱՐՈՒԹԻՒՆ.—Ես հազար անգամ ասել եմ, որ մեր սիրելի ու հաւատա-
 րիմ բարեկամը Անտոն Իվանիչն է: Երեկոյեան Շողակաթինց
 տանը նշանդրէքի ժամանակ Սարգսի հետ ունեցած խօսակցու-
 թիւնն է պատմում:
 ԱՆՏՕՆ.—Ամբողջ գիշերը, թղթախաղի, պարի ժամանակ իմ յորաբերու-
 թիւնը Սարգսի, կնոջ և որդոց հետ լարուած էր. չգիտեմ ինչո՞ւ
 էի այդպէս վատ տրամադրուած: Ընթրիքի ժամանակ, երբ ինձ
 թամազա ընտրեցին, սկսեցի կարդով կենացներ առաջարկել.
 Խմեցինք նաև ձեր կենացը, իբրև հարսի քեռու և մօտիկ ազգա-
 կանի կենացը: Այստեղ ես տաքացայ և սկսեցի դուրս թափել,
 այն բողբոջը, որ սրտումս հաւաքուել էր Սարգսի դէմ: Պատմեցի
 ձեր անցիակը և այն բոլոր զրկանքները, որ Սարգիսը ձեզ հաս-
 ցրել է: Սարգիսը տաքացաւ, սկսեց իմ դէմ բողբոջել, բայց այդ
 աւելի վատ եղաւ իրեն համար: Շատերն ինձ հետ միացան և ինձ
 պաշտպանեցին:
 ԴԱՐԵԱ.—Շնորհակալ եմ, Անտոն Իվանիչ:
 ՅԱՐՈՒԹԻՒՆ.—Յետո՞յ:
 ԱՆՏՕՆ.—Յետոյ այն երեկոն մի կերպ անցրինք. այսօր առաւօտեան մինչև
 խանութ գնալու Սարգիսը մի քանի անգամ մարդ ուղարկեց և
 իւր մօտ հրաւիրեց, չգնացի, յետոյ էլ ինքն եկաւ:
 ԴԱՐԵԱ.—Ինչո՞ւ էր եկել, ի՞նչ էր խօսում:
 ԱՆՏՕՆ.—Ո՞վ է հասկանում. սկսեց երկմը, բարակ խօսել. բայց ես նրա
 ամեն մի խօսքի պատասխանը տալիս էի, տեղն ու տեղը լու-
 ցնում էի:
 ՅԱՐՈՒԹԻՒՆ.—Ախր ի՞նչ էր ուզում, ի՞նչ էր ասում:
 ԱՆՏՕՆ.—Ասում է, ինչո՞ւ եմ իզուր իրեն անպատուում. նա բողբոջին մը-
 տադիր չէ Ձեզ զրկել. իհարկէ չի ուզում իբրև եղբօր կամ ըն-

կերոջ Ձեզ իւր ունեցածի կէսը տալ, բայց համաձայն է մի փոքր
 գումար տալ:
 ՅԱՐՈՒԹԻՒՆ.—Ինչքան է ուզում տալ:
 ԱՆՏՕՆ.—Չնչին գումար է, խօսել էլ չարժէ:
 ՅԱՐՈՒԹԻՒՆ.—Վերջապէս ի՞նչ գումար է:
 ԱՆՏՕՆ.—Տասը հազար ուրբի:
 ՅԱՐՈՒԹԻՒՆ.—Ես դրան էլ համաձայն եմ. թող տայ, գոնէ մի կերպ կապ-
 րենք, մինչև տեսնենք վերջն ի՞նչ է լինելու:
 ԱՆՏՕՆ.—Բայց նա ուզում է նօտարի միջոցով տալ, Ձեզանից ստորագրու-
 թիւն առնել, որ Ձեր մասը լիովին ստացաք և այլևս ոչ մի պա-
 հանջ չունէք:
 ՅԱՐՈՒԹԻՒՆ.—Ձե՞ որ ասում էր, թէ ոչ մի իրաւունք չունիմ նրանից մաս
 պահանջելու, հապա այդ ի՞նչ է, ինչո՞ւ է ստորագրութիւն պա-
 հանջում:
 ԱՆՏՕՆ.—Նրա խօսակցութիւնից երևում է, որ ապագայից է վախենում,
 ինչ որ գրութիւններից: Նա գիտէ, որ Պաւլուշան շուտով հա-
 մալսարանը կաւարտէ և կարող է իւր դէմ դատ բանալ և խայ-
 տառակել:
 ՅԱՐՈՒԹԻՒՆ.—Ահա թէ ինչ. ուրեմն Պաւլուշայից վախենում է:
 ԱՆՏՕՆ.—Ի՞նչպէս չվախենայ, քանի որ Ձեր մասից երկու հարիւր հազարի
 հոտ է գալի:
 ԴԱՐԵԱ.—Փառք Քեզ Աստուած, ուրեմն անաէր չենք. տեսնում ենք այն օ-
 րը, երբ թշնամին մեզանից վախենում է:
 ՅԱՐՈՒԹԻՒՆ.—(Ընչ մտածելուց յետոյ). Դարեան, թշնամին վախենում է,
 թող վախենայ, այդ լաւ է, բայց մտքումս մի սարսափելի միտք
 յղացաւ:
 ԴԱՐԵԱ.—Ի՞նչ սարսափելի միտք:
 ՅԱՐՈՒԹԻՒՆ.—Կարող է վատ բան պատահել:
 ԱՆՏՕՆ.—Ի՞նչ կարող է պատահել:
 ՅԱՐՈՒԹԻՒՆ.—Իսկապէս երկու հարիւր հազար ուրբին հեշտ բան չէ, այդ-
 պիսի գումարի համար կարելի է վատ միջոցների դիմել:
 ՆԻՆԱ.—Հայրիկ, ի՞նչ եղաւ քեզ. ի՞նչ կայ ասան, մի ծածկիր:
 ԴԱՐԵԱ.—Յարութիւն, այդ ի՞նչ տեսակ մարդ ես, մինչև մի բան ես ասում
 մարդու հոգի ես հանում ուղղակի:
 ԱՆՏՕՆ.—Արտեմ Լազրիչ, իսկապէս ես էլ անհանգստանում եմ. ի՞նչ է պա-
 տահել, ի՞նչ էք մտածում:
 ՅԱՐՈՒԹԻՒՆ.—Պաւլուշայի կեանքից եմ վախենում...
 ԱՆՏՕՆ.—Իրչո՞ւ:
 ՅԱՐՈՒԹԻՒՆ.—Իսկապէս երկու հարիւր հազարը մի մեծ գումար է. իսկ
 Կայէնը չի ուզեցոյ այդ փողից զրկուել և... կարող է, Պաւլու-
 շային վախել:
 ԴԱՐԵԱ.—Օ՛, այժմ հասկացայ, Աստուած իմ, ի՞նչ կարող է լինել:

ԱՆՏՕՆ.—Հանգստացէք, խնդրեմ, իզուր էք այդ մասին մտածում. նա չի համարձակուի այդ քայլն անել:

ՅԱՐՈՒԹԻՒՆ.—Այդ Կայէնից ամեն բան կարելի է սպասել. նա ինքը չի անի, բայց կարող է կաշառել մի սրիկայի և իւր ուղածն անել:

ԴԱՐԵԱ.—Ի սէր Աստուծոյ, Անտօն Իվանիչ, օգնեցէք մեզ, վախենում եմ...

ԱՆՏՕՆ.—Հանգիստ եղէք, Դարեա Գրիգորեան, այդպէս բան չի կարող պատահել:

ՆԻՆԱ.—Մայրիկ, ինչեքիս հաւատ, ինձէլ ես վախեցնում,

ՅԱՐՈՒԹԻՒՆ.—Այդ չար միտքը գլխիցս չի հեռանում. պէտք է Պաւլուշային ասել, որ շուտով Պետերբուրգ վերադառնայ:

ՆԻՆԱ.—Տէր Աստուած, միթէ այդ Կայէնի ձեռքից երբէք չհնք պատուելու. բաւական չէ ինձ դժբախտացրից, այժմ էլ եղբօրս է ուզում փրկուիլ: (Հալիս է):

ԱՆՏՕՆ.—Նինա Արտեմեան, ինչո՞ւ էք յուսահատուում, դեռ ոչինչ չկայ. Ձեր հայրիկը պատահական մի ենթադրութիւն է արել և արդէն լսւի՞ն էք:

ՆԻՆԱ.—Երևում է Աստուած ինձ արցունք թափելու համար է ստեղծել:

ԱՆՏՕՆ.—Ներեցէք, Նինա Արտեմեան, եթէ հարցնեմ, մի գուցէ Ձեր վիճակից դժգոհ էք:

ՆԻՆԱ.—Դժգոհ լինելը քիչ է, իմ կեանքն անտանելի է, անտանելի:

ՅԱՐՈՒԹԻՒՆ.—Աղջիկ... միթէ նոր բան է պատահել:

ԴԱՐԵԱ.—Ի՞նչ է պատահել:

ՆԻՆԱ.—Ձարմանալի մարդիկ էք. իմ դրութեան մասին հարիւր անգամ ասել եմ, դարձեալ հարցնում էք ի՞նչ է պատահել:

ԴԱՐԵԱ.—Ի՞նչ կարող ենք անել, Նինա ջան. ճարներս ի՞նչ է, պէտք է համբերել:

ՆԻՆԱ.—Մայրիկ, համբերութեան բաժակն արդէն լցուել է, բայց ես վերուկութեան ճարը գտել եմ...

ՅԱՐՈՒԹԻՒՆ.—Հը, ի՞նչ է եղել, ի՞նչ ճար:

ՆԻՆԱ.—Ձուրը...

ԴԱՐԵԱ.—Նինա, գժուել ես ի՞նչ է, այդ ի՞նչ ես ասում, սիրտս թուլանում է, Տէր Աստուած:

ՅԱՐՈՒԹԻՒՆ.—Հանգստացի՛ր Դարեան, ի՞նչ կղաւ քեզ:

ԱՆՏՕՆ.—Նինա Արտեմեան, միթէ Ձեր դրութիւնն այդքան վատ է:

ՆԻՆԱ.—Վատն էլ աստիճաններ ունի, իսկ իմ դրութիւնը անտանելի է:

ԱՆՏՕՆ.—Այո... Ձեր մարդու գնալու ժամանակ, դժբախտաբար ես Օդեսայ էի գնացել, երբ վերադարձայ և լսեցի, ուղղակի ցնցուցի: Բայց երբէք չէի կարծում, որ այդքան դժբախտ կլինէիք:

ՆԻՆԱ.—Ես ստիպուած մարդու գնացի: Ի հարկ է չէի սպասում այդ ապուշներին ընտանիքում երջանկութիւն գտնել, բայց այսքան էլ դժբախտ լինել չէի երևակայում. և ինչո՞ւ, որովհետեւ Կայէնը նրանց խաբել է:

ԱՆՏՕՆ.—Ի՞նչ էք ուզում ասել:

ՆԻՆԱ.—Այն, որ Կայէնը ինձ այդ ապուշին տալիս խօստացել է տասն և հինգ հազար ռուբլի օժիտ տալ, բայց վերջ ի վերջոյ տասն և հինգ կոպէկ էլ չտուեց: Այժմ այդ Կիկօն մի կողմից, ծնողները միւս կողմից ամեն օր երեսովս են խփում այդ, կարծես ես եմ մեղաւորը:

ԱՆՏՕՆ.—Իզուր չէ, որ Սարգսին Կայէն էք ասում: (Դարեային): Հապա Դուք ի՞նչպէս համաձայնեցիք այդ բանին:

ԴԱՐԵԱ.—Մինք համաձայն չհնք եղել երբէք, բայց Կայէնը այնպէս էր կատաղել, որ վախենում էինք, հետը չէինք կարողանում խօսել: Եթէ Դուք այստեղ լինէիք, մեզ կօղնէիք և Նինան այս վիճակի մէջ չէր լինի:

ԱՆՏՕՆ.—Անիրաւ դժբախտութիւնը գալիս, առջ իւր ճանապարհն է մաքրում: Օ՛հ, եթէ այդ ժամանակ այստեղ լինէի, ոչ միայն Նինան, այլ և ես էլ դժբախտ չէի լինի:

ՅԱՐՈՒԹԻՒՆ.—Ձեզ ի՞նչ պատահեց:

ԱՆՏՕՆ.—Պատահել անցիկ է, այժմ խօսելն աւելորդ է:

ԴԱՐԵԱ.—Նինա, աղջիկս, մի յուսահատուիր, Աստուած ողորմած է:

ՆԻՆԱ.—Մայրիկ, այդ Աստուած ողորմածէն մի քանի տարի է որ լսում եմ բայց օգուտն ինչ է:

ԴԱՐԵԱ.—Է՛, Նինա, Նինա, ի՞նչ անէ քո խեղճ մայրը... (Յարութիւնին): Ձթողնես որ Նինան գնայ, ես գնում եմ խոհանոց գործ ունեմ ներողութիւն, Անտօն Իվանիչ, այժմ կգամ: Օ՛հ Տէր Աստուած... (Գնում է):

ՅԱՐՈՒԹԻՒՆ.—Նինա, դաւակա, այդքան մի տանջուիր. դու ոչ առաջինն ես ոչ վերջինը, կղածն եղել, անցիկ է: Եթէ նրանց մօտ չես ուզում մնալ այլևս մի գնա նրանց տուն, մեզ մօտ մնա. մի կտոր հաց երևի կլինի, կուտես:

ՆԻՆԱ.—Հայրիկ իմ տանջանքները վերջ չունեն, համբերութիւնս հատել է. չգիտեմ ի՞նչ ասեմ, ո՞ւր գնամ:

ԱՆՏՕՆ.—Նինա Արտեմեան, ինչո՞ւ էք այդքան վհատում, չէ՞ որ անբախտութեանը հետևում է բախտաւորութիւնը:

ՅԱՐՈՒԹԻՒՆ.—Մի վհատիր դաւակա, մի վհատիր: Անտօն Իվանիչ, խնդրեմ Նինայի հետ խօսէք, գնամ Դարեայի մօտ հանգստացնելու, նա անպատճառ լաց է լինում: Ե՞րբ պէտք է վերջապէս այս տանից լացը վերջանայ. օ՛ֆ, օ՛ֆ, օ՛ֆ... (Գնում է):

ՏԵՍԻՒ 5.

Նինա և Անտօն:

ՆԻՆԱ.—Ճշմարիտ էք ասում, Անտօն Իվանիչ, պատահում է, որ անբախտ

տութիւնից յետոյ բախտաւորութիւն է գալի: բայց այդ կանանց համար չէ:

ԱՆՏՕՆ.—Կանանց կեանքում աւելի մեծ փոփոխութիւններ են պատահում, քան տղամարդկանց:

ՆԻՆԱ.—Իմ նկատմամբ ես երէք չեմ հրեակայում այդպիսի փոփոխութիւն: Երբեմն գլխիս մէջ այնպիսի մտքեր են ծագում, որոնք ինձ ուրախացնում են, բայց դրանք միայն մտքեր են, որոնք երբէք չեն իրականանայ:

ԱՆՏՕՆ.—Աշխատանք, Նինա Արտեմինա. աշխատանքի առաջ ամեն ինչ կը հալուի, այն ժամանակ Ձեր կեանքն էլ կքաղցրանայ և կմոռանաք այդ վատ մտքերը: Ձուրն ընկնել... ինչո՞ւ, չէ՞ որ Դուք ծնողներ ունէք, չէ՞ որ Ձեր կորուստը մեծ ցաւ կարող է պատճառել:

ՆԻՆԱ.—Գիտեմ, այն. բայց ցաւն այն է, որ այս դրութիւնն էլ նրանց համար մեծ ուրախութիւն չէ: Երբեմն այնքան եմ բարկանում, որ ամեն բան մոռանում եմ, և ծնող և աղգական: Վիշտն ինձ խեղտում է և այդ բոլորին ոչ ոք ինձ համար թանկ չէ: Օ՛հ, ես էլ մարդ եմ... բայց ո՞վ է հետաքրքրւում իմ ցաւով, ո՞ւմ համար է թանկ իմ կեանքը...

ԱՆՏՕՆ.—Միթէ Դուք Ձեր բոլոր բարեկամներին ճանաչում էք. գոցէ կայ մէկը, որին Ձեր մահը աւելի մեծ ցաւ կպատճառէ, քան նոյն իսկ Ձեր ծնողներին և այդ մէկը ոչնչով մեղաւոր չէ Ձեր դժբախտութեան մէջ:

ՆԻՆԱ.—Հասկանում եմ, Ձեր խօսքը Պաւլուշայի մասին է. այն նա ոչնչով մեղաւոր չէ, նրան ես սիրում եմ և նա էլ ինձ է սիրում, բայց հազիւ թէ Պաւլուշի սիրոյ համար կարողանամ այս դառն օրերին գիմանալ երկար:

ԱՆՏՕՆ.—Գուցէ կայ և մի ուրիշը, որ իւր կեանքից էլ աւելի է սիրում Ձեզ:

ՆԻՆԱ.—Այդպիսի մէկին ոչ նկատել եմ և ոչ էլ հրեակայում եմ, որ լինի:

ԱՆՏՕՆ.—Ո՛հ, Նինա Արտեմինա, Դուք ամեն բան չգիտէք: Լսէք մի բան եմ ասելու Ձեզ: Ձեր ծանօթների մէջ եղիլ է մէկը, որ Ձեզ սիրել է իւր կեանքից էլ աւելի, երբ դեռ սովորում էիք: Նա իւր սէրը Ձեզ չէր յայտնում երկու պատճառով, նախ Ձեզ նա անչափահաս էր համարում երկրորդ՝ չէր ուզում Ձեր ուսումը խանգարել: Յիմար ինքնահաւանութիւնը նրա մէջ մեծ արմատներ էր ձգել. նրա կարծիքով իւր համար անկարելի բան չկար այս աշխարհում: Գուցէ նա սխալում էր, բայց հաւատացած էր, որ կգայ ժամանակ և Դուք էլ նրան կսիրէք: Բայց... նրա երազները մնացին երազներ: Ձեր նշանադրութեան և պսակի ժամանակ նա գործով ուրիշ քաղաք էր գնացել, մինչև վերադառնալը ամեն բան վերջացել էր: Ի՞նչ ծանր օրեր էր անցկացնում նա, եթէ միայն տեսնէիք...: Այնուհետև այլևս աւելորդ էր համարում

Ձեր առաջ իւր սիրտը բանալ, չուզենալով արատաւորել Ձեր ընտանեկան պատիւը: Բայց նա վճռել է ընդմիշտ Ձեզ սիրել և ոչ ուրիշին:

ՆԻՆԱ.—Ես ոչինչ չեմ հասկանում, Սնաօն Իվանիչ: Ձեզ էլ երևի յայտնի է, որ իմ դժբախտ պսակից յետոյ ոչ մի տեղ գնալ գալու իրաւունք չեմ ունեցել, ծանօթների շրջանում չեմ եղել, իսկ ամուսնութիւնիցս առաջ զբաղուած եմ եղել դասերով, սիրելի, սիրւելու մասին երբէք չեմ մտածել: Ճշմարիտ է իմ, ծանօթների մէջ կային այնպիսիները, որոնց բարեկամութիւնը գերադասում էի, բայց Ձեր նկարագրածի նմանը երբէք չեմ տեսել: Է՛հ, անցան այն քաղցր օրերը, երեսոյական անուշ յոյսերը. նրանց հետ կուրան նաև իմ գեղեցկութիւնը, թարմութիւնը, ես կմախք եմ դարձել, այժմ այս ցնցոտիների մէջ... ո՞վ կարող է ինձ սիրել:

ԱՆՏՕՆ.—Ազամանդը որքան էլ ցնցոտիներ լինեն փաթաթէք, դարձեալ ազամանդ է, նա երբէք իւր փայլը չի կորցնի:

ՆԻՆԱ.—Ազամանդի գեղեցկութիւնը կարելի է համեմատել մարդու հոգու հետ, իսկ արտաքինը...

ԱՆՏՕՆ — Ճշմարիտ է, Ձեր հրաշալի գեղեցկութիւնից մնացել են Ձեր աչքերը իբրև փառաւոր անցեալի յիշատակ, որոնք սակայն շատ բան են ասում: Եթէ իմ խօսակցութիւնը Ձեզ չի ճանձրացնում, թոյլ տուէք մի փոքրիկ համեմատութիւն անելու:

ՆԻՆԱ.—Խնդրեմ, ուրախութեամբ կլսեմ:

ԱՆՏՕՆ.—Եթէ Դուք չէք տեսել, գուցէ կարգացել էք, որ մեր հայրենիքում եղել են և կան բազմաթիւ հրաշակերտ վանքեր, հոյակապ տաճարներ, որոնց գեղեցկութիւնը, սիրուն քանդակները, շատ շատերին են զմայլեցրել: Մի ժամանակ սրանց մէջ ժամերգութիւն է եղել, քահանաները պատարագ են մատուցել, եպիսկոպոսները քարոզ են խօսել, հաղարաւոր ուխտաւորներ հեռաւոր տեղերից ուխտ են եկել այդ սրբավայրերը: Անցել են դարեր, թշնամիների հրտաակները կողոպտել, թալանել են ամեն ինչ. ժողովուրդը ցիր ու ցան է եղել, քարը քարի վրայ չէ մնացել: Բայց աղօթող հաւատացեալին ոչ ոք չի կարողացել հեռացնել իւր սրբավայրից: Եթէ այսօր էլ անցնելու լինէք այդ աւերակների մօտից կտեսնէք ծնկաչոք աղօթողների՝ մրմուռներ արտասանելիս մատապատ քարերի վրայ: Ի՞նչն է ստիպում նրանց այդ աւերակների մէջ կանգնել և աղօթել, եթէ ոչ աղօթելու պահանջը և անցեալի սէրը: Ձեր սիրահարը Ձեզ սիրում է այդ տեսակ հաւատացեալ աղօթողի սիրով. չնայելով հրաշակերտ տաճարի բեկորներն են մնացել, բայց նա միշտ պատրաստ է չոքել այդ մնացորդների առաջ, ջերմեռանդ սիրով աղօթել և համբուրել այդ բեկորները:

(Չորում է Նինայի առաջ եւ ձեռքը բռնում):

ՆԻՆԱ.—(Զմայլուած այդ խօսակցութիւնից) Անտօն, եթէ տաճարը այնքան թանգ էր երկրպագուի համար, ինչո՞ւ թոյլ տուեց, որ աւերակ դառնայ:

ԱՆՏՕՆ.—Նինա, Դուք այնքան թանգ էք եղել Ձեր երկրպագուի համար, որ Ձեզ կորցնելուց յետոյ էլ նա Ձեզ երբէք չի մոռացել և հաւատարիմ է մնացել իւր սրբութեանը. (Սկսում է Նինայի ձեռքը համբուրել):

ՆԻՆԱ.—Անտօն, ի՞նչ էք անում...

ԱՆՏՕՆ.—Նինա, միթէ այնքան տանջանքների փոխարէն արժանի չեմ գոնէ ձեռքդ համբուրելու:

ՆԻՆԱ.—Արժանի ես, բայց ամէն բան արդէն վերջացել է...

ԱՆՏՕՆ.—Ո՛չ, ոչինչ չէ վերջացել, ամեն բան նոր է սկսուելու, ես Ձեզ բախտաւոր էի համարում, այդ պատճառով էլ լսել էի, այժմ տեսնում եմ, որ Դուք ինձանից աւելի անբախտ էք, յանուն Ձեր բախտաւորութեան ես այլևս չեմ կարող լսել:

ՆԻՆԱ.—Ուրեմն Դուք իմ անբախտութեան մասին ոչինչ չէիք իմանում, Դուք իմ կեանքով չէիք հետաքրքրուում:

ԱՆՏՕՆ.—Ձեր կեանքով միշտ էլ հետաքրքրուում էի, բայց Ձեր շրջանի հետ յարաբերութիւն չունէի և քեզ բան էի լսում Ձեր մասին: Է՛, անցածը անցել է, այժմ ապագայի մասին պէտք է մտածել և ես պատրաստ եմ իմ կեանքը զոհել:

ՆԻՆԱ.—Յանուն իմ բախտաւորութեան... ի՞նչ քաղցր խօսքեր, ի՞նչ գեղեցիկ յոյսեր, արդեօք կդա՞յ այն ժամանակը, երբ իմ պաշտած տաճարի տուօ կանգնած կազօթեմ: Անտօն, իմ սիրելի Անտօն, ես քեզ մանկութիւնից եմ սիրել, դու ինձ համար աւելի թանգագին դարձար, երբ քեզ կորցրի: Ո՛չ, ո՛չ, ես քեզ չեմ կորցրել. դու իմն ես, իմ սիրտս ինձ չէր խափում, միթէ այս իրողութիւն է. (սկսում է համբուրել Անտօնին):

ԱՆՏՕՆ.—Այն Նինէ, մեր բախտաւորութիւնը իրողութիւն է...

ՆԻՆԱ.—(Հեռանալով Անտօնից), Ներեցէք... ես ինքնամոռացութեան մէջ ընկայ, այդ ինչէր էի խօսում:

ԱՆՏՕՆ.—(Մօտենալով) Միթէ Դուք ախտաւոր եք. մեր այս բախտաւոր բողոքները թանգ չէ՞ն:

ՆԻՆԱ.—Ո՛չ ոչ, ես... չեմ... ախտաւոր... ներեցէք... ես... չեմ... ախտաւոր... (Լսում է ոտնաձայն. միմեանցից հեռանում են, մտնում է Յարութիւնը):

ՏԵՍԻԼ 6.

Նինա, Յարութիւն և Անտօն.

ՅԱՐՈՒԹԻՒՆ.—Մօրդ արտասուքն էլ հօ վերջ չունի, դարձեալ լալիս է և

չի հանգստանում, Նինա, խնդրում եմ նրա ներկայութեամբ այդպէս մի խօսիր, գնան սիրտ տուր հանգստացրու խեղճ է մայրդ:

ՆԻՆԱ.—Դարձեալ լաց, խեղճ մայրիկ, աչքերդ էլ ցամաքեցին այնքան լաց եղար, գնամ, հայրիկ, գնամ: (Դնում է):

ՅԱՐՈՒԹԻՒՆ.—Անտօն Իվանիչ, խնդրեմ համոզէք Սարգսին այդ տասը հազարը տայ, մի գործ սկսեմ:

ԱՆՏՕՆ.—Երևի այժմ ինքը կգայ Ձեզ մօտ խօսելու. տեսնենք:

ՅԱՐՈՒԹԻՒՆ.—Ինքը՞, ինչո՞ւ է գալի:

ԱՆՏՕՆ.—Կարծում է, որ ինքը Ձեզ աւելի հեշտ կարող է համոզել:

ՅԱՐՈՒԹԻՒՆ.—Ի՞նչ երեսով է գալու նա այսուհետև ինձ մօտ և միթէ կարծում է, որ այժմ էլ կհաւատամ նրան. անցան այն միամիտ ժամանակները:

ԱՆՏՕՆ.—Օ՛, նա որքան և իբրև մարդ ոչնչութիւն է, բայց իբրև վաճառահան անփոխարինելի է, ինչ միջոցի ասես կղիմէ, միայն թէ համոզի իւր դիմացիներն:

ՅԱՐՈՒԹԻՒՆ.—Ի՞նչ ես կարծում, տամ այդ ստորագրութիւնը թէ ոչ:

ԱՆՏՕՆ.—Պէտք է, իմ կարծիքով, փաստաբանի հետ խօսել այդ մասին, շտապելու կարիք չկայ:

ՏԵՍԻԼ 7.

Յարութիւն, Անտօն, Դարեա և Նինա:

ՆԻՆԱ.—Ե՛կ, մայրիկ, եկ. յուսահատութիւնն ինձ ստիպեց սիրտդ ցաւեցնել: Այդ ապուշի հետ ապրելը ինձ համար դժոխք է. այսօր դուրս գալիս ասացի, որ հօրս տունն եմ գնում և այլևս չեմ վերադառնայ: Այժմ ինչ կուզէք արէք, ես նրա մօտ չեմ գնայ:

ԴԱՐԵԱ.—Ձէ, Նինա ջան, այդ վատ բան ես մտածել, եթէ մարդուդ թողնես, մեզ մօտ ապրես ո՞վ գիտէ հասարակութիւնն ի՞նչ կասէ:

ՆԻՆԱ.—Հապա ի՞նչ անեմ, ես հօ հասարակութեան ասէկօսէին ինձ չեմ գոհելու:

ՅԱՐՈՒԹԻՒՆ.—Մի բան պէտք է անել, այդպէս չի կարելի թողնել:

ԱՆՏՕՆ.—Գիտէք ինչ, ես իբրև Ձեր տան բարեկամ, կարծում եմ, որ իսկապէս նա այնտեղ այլևս անկարող է մնալ, կարող են գանազան անախորժութիւններ ծագել, աւելի լաւ է թող մի երկու երեք ամսում հաշուապահութիւն սովորի, որևէ գրասենեակում կարող ենք տեղ գտնել, այսպիսով իւր ճարը կգտնի, մինչև որ իւր մարդուց կաթմանուի կանոնաւոր ճանապարհով:

ՅԱՐՈՒԹԻՒՆ.—Իսկապէս լաւ միտք է, լաւ կլինի:

ԴԱՐԵԱ.—Այդ ինչէր էք խօսում, մարդուց բաժանուածին այլևս ո՞վ կնութեան կառնի:

ԱՆՏՕՆ.—Դարեա Գրիգորենա, այդ մասին շատ էլ մի մտածէք, մեր դարում այդ նորութիւնն չէ: (Փամագոյցին նայելով): Օ՛, ես շատ ուշացայ, դնամ: Այդ մասին յետոյ էլ կխօսենք, ցտեսութիւն: (Գնում է):

ՆԻՆԱ.—(Նտեւից զնալով): Ե՞րբ կտեսնուենք:

ԱՆՏՕՆ.—Այսօր երեկոյեան գալու եմ Պաւլուշին տեսնելու, յոյս ունիմ, որ այսօր կլինէք:

ՆԻՆԱ.—Ես Ձեզ կսպասեմ, անպատճառ եկէք:

ՅԱՐՈՒԹԻՒՆ.—Տեսնեմ ես ինչ լաւ մարդ է:

ԴԱՐԵԱ.—Լաւ է, բայց նրա վերջին խօսքերը չհաւանեցի:

ՆԻՆԱ.—Ինչո՞ւ, ի՞նչ կայ որ:

ԴԱՐԵԱ.—Ամուսնուց բաժանուելն ամօթ բան է:

ՆԻՆԱ.—Ի՞նչ ամօթի բան կայ, ամօթը չսիրելով ամուսնու մօտ մնալն է, ի՞նչու էք ստիպում, որ կեղծեմ, ստեմ նրա առաջ, ամօթը կեղծելն ու ստեղն է, իսկ ես պարզ կերպով ասում եմ, որ չեմ սիրում:

ՅԱՐՈՒԹԻՒՆ.—Մի գայրանար, գաւակս, ամեն բան լաւ կլինի:

ՏԵՍԻԼ 8.

Յարութիւն, Դարեա, Նինա եւ Սարգիս:

ՍԱՐԳԻՍ.—Բարե՛, երևի չէիք սպասում ինձ: (Բարեւելուց յետոյ): Նստէք ինչո՞ւ էք կանգնել:

ԴԱՐԵԱ.—Ներողութիւն, ես հի:մա կբամ: (Գնում է):

ՍԱՐԳԻՍ.—Ի՞նչպէս է առողջութիւններդ, ի՞նչպէս էք ապրում:

ՅԱՐՈՒԹԻՒՆ.—Չգիտեմ մեր առողջութիւնն ու ապրուստը ինչ կլինի:

ՍԱՐԳԻՍ.—Վնաս չունի, աշխարհում ամեն բան անցողական է: Անսուն իվանիչը ձեզ մօտ չեկան:

ՅԱՐՈՒԹԻՒՆ.—Եկաւ:

ՍԱՐԳԻՍ.—Է, ի՞նչ եղբակայութեան եկաք:

ՅԱՐՈՒԹԻՒՆ.—Առաջարկածդ պայմանով ոչ մի եղբակայութեան էլ չեմ գայ:

ՍԱՐԳԻՍ.—Վնաս չունի, եթէ չես եկել, այժմ կգաս: Ես զիջող մարդ եմ, արիւնը արիւնով չեն լուանայ, այլ ջրով. ես քեզ տասն և հինգ հազար կտամ, դու էլ ինձ մի ստորագրութիւն կտաս, որ այլևս ոչ մի պահանջ չունես ինձանից և ամեն բան կվերջանայ:

ՅԱՐՈՒԹԻՒՆ.—Այդ տեսակ ստորագրութիւն չեմ տայ ես:

ՍԱՐԳԻՍ.—Յարութիւն, յամառ մի լինիր, մենք եղբայր ենք, թող այդ դատարկ խօսակցութիւնը, եթէ ոչ մի կուպէկ էլ չտամ, դու ոչինչ չես կարող անել ինձ, բայց չեմ ուզում մեր մէջ խռովութիւն լինի:

ՅԱՐՈՒԹԻՒՆ.—Եթէ այդպէս է ինչո՞ւ ես եկել, ինչո՞ւ ես առաջարկում:

ՍԱՐԳԻՍ.—Իբրև եղբայր ուզում եմ քեզ այս նեղ դրութիւնից հանել:

ՅԱՐՈՒԹԻՒՆ.—Բաւական է ինչքան օգնեցիր, այլևս հարկաւոր չէ, մի օգնիր:

ՍԱՐԳԻՍ.—Լաւ, լաւ, այդ հարցը թողնենք մի այլ անգամուայ. դու յուզուած ես երևում: (Դառնալով Նինային): Դու այստեղ ի՞նչ ես անում:

ՆԻՆԱ.—Այնպէս, եկայ մայրիկիս տեսնելու:

ՍԱՐԳԻՍ.—Մայրիկիդ տեսնելու չես եկել, այլ ուրիշ բան կայ, ինձ ամեն ինչ յայտնի է:

ՆԻՆԱ.—Ի՞նչն է յայտնի, ի՞նչ է եղել որ:

ՍԱՐԳԻՍ.—Կեսարդ ինձ բոլորը պատմեց, երևում է դու չես կարողանում ամուսնուդ հետ եօլայ գնալ, այսօր կուուել ես, թողել, եկել այստեղ, այդ ի՞նչ է նշանակում:

ՆԻՆԱ.—Ոչինչ չի նշանակում, միայն այն, որ նրան չեմ սիրում:

ՍԱՐԳԻՍ.—Ձլինի՞ թէ ուզում ես ամուսնուդ բաժանուել:

ՆԻՆԱ.—Ասենք թէ հէնց այդպէս, յետոյ:

ՍԱՐԳԻՍ.—Նինա, խելքդ դուխդ ժողովիր, այդ ի՞նչեր ես խօսում:

ՆԻՆԱ.—Ի՞նչ կայ որ:

ՍԱՐԳԻՍ.—Այն կայ, որ քո վարմունքով մեր ամբողջ ցեղը կխայտառակես, այնուհետև էլ ո՞վ մեզանից աղջիկ կաննի, չէս տեսնում ո՞րքան մարդ ունենք մենք դեռ պսակելու, մարդու տալու:

ՆԻՆԱ.—Իսկ երբ ինձ այս տանջանքի մէջ էիք ձգում, ո՞վ մտածեց իմ մասին, որ ես այժմ մտածեմ:

ՍԱՐԳԻՍ.—Ի՞նչ տանջանք, ո՞վ է մեղաւորը վերջապէս. եթէ դու այդպէս բաներ անես, ի հարկէ կբժգոհեն քեզանից:

ՆԻՆԱ.—Ո՛չ, ոչ, ես չեմ մեղաւորը, այլ Դուք. Ձեր խաբերայութեան պատճառով են ինձ հալածում:

ՍԱՐԳԻՍ.—Այ քեզ նորութիւն, ի՞նչ խաբերայութիւն, ո՞վ, ո՞ւմ,

ՆԻՆԱ.—Դուք, նրանց, չէ՞ որ խօստացել էք նրանց ինձ համար օժիտ տասն և հինգ հազար ուրբի, իսկ այժմ չէք տալի, նրանք էլ ամեն օր ինձ են նախատում:

ՍԱՐԳԻՍ.—Ահա թէ ինչեր են լցրել քո ականջը: Ինչո՞ւ պէտք է նրանց տասն և հինգ հազար խօստանայի. եթէ քեզ համար այդքան օժիտ տալու լինէի, էլ ինչո՞ւ էի այն յիմարին տալի քեզ: Հա՛, հա՛, հա՛...:

ՆԻՆԱ.—Կեցցէս, հօրեղբայր. ամբողջ կհամբուումդ սուտ ես խօսել, այս անգամ միայն ճիշտ ասացիր, որ յիմար է:

ՍԱՐԳԻՍ.—Չհամարձակուես ինձ ստախօս անուանել:

ՅԱՐՈՒԹԻՒՆ.—Ինչո՞ւ մարդկանց երեսին չասել այն, ինչ որ են:

ՍԱՐԳԻՍ.—Հը՛, չըլինի թէ դու էլ համաձայնես աղջկանդ հետ, որ մարդուց փախչի:

ՅԱՐՈՒԹԻՒՆ.—Երբ հանգամանքները ստիպում են, ուրիշ ելք չկայ:
ՍԱՐԳԻՍ.—Այսպէս դուք մեր ցեղն ուզում էք խայտառակել:
ՅԱՐՈՒԹԻՒՆ.—Մեր ցեղը խայտառակելու համար դու միայնակ էլ բաւա-
 կանես:
ՍԱՐԳԻՍ.—Դու շատ համարձակ ես խօսում գիտէս...
ՅԱՐՈՒԹԻՒՆ.—Ի՞նչ, ուզում ես վախեցնել, կողոպտելուց յետոյ, էլ ի՞նչ
 կարող ես անել, էլ ի՞նչ է մնացել, որ վախենամ:
ՆԻՆԱ.—Հայրիկ, մի գայրանար, չարժէ նրա հետ խօսել:
ՍԱՐԳԻՍ.—Ես քեզ այլևս ոչ մի կողէկ չեմ տայ, հասկացձր:
ՅԱՐՈՒԹԻՒՆ.—Եթէ կարող ես մի տուր:
ՍԱՐԳԻՍ.—Մի մոռանար ում հետ ես խօսում, տես, վերջը կզլջաս, բայց
 ուշ կլինի:
ՅԱՐՈՒԹԻՒՆ.—Զղջալ, ինչո՞ւ, որ քեզ այլևս չեմ լսում, ախոս որ այսքան
 տարի քեզ լսել եմ, ահա թէ ինչո՞ւ համար եմ զղջում: Գնա՛,
 գնա՛, այս տնից, ուր մտնում ես միայն արիւն ես պղտորում:
ՆԻՆԱ.— Հայրիկ, խնդրում եմ, մի տաքանար:
 (Ներս է վազում Դարեան):
ԴԱՐԵԱ.—Ի՞նչ եղաւ, ի՞նչ պատահեց, Նինա:
ՍԱՐԳԻՍ.—Ես ձեզ ցոյց կտամ: (Գնում է):

ՏԵՍԻՒ 9.

Յարութիւն, Դարեա, Նինա եւ ապա Պալուշա:

ՅԱՐՈՒԹԻՒՆ.—Ես ձեզ ցոյց կտամ... Հը՛, տեսնեսք ի՞նչ ես անելու, տես-
 նենք ճՎ ում ցեյց կտայ:
ԴԱՐԵԱ.—Ի՞նչ եղաւ, ի՞նչ էր խօսում Կայէնը:
ՆԻՆԱ.—Անտանելի խօսակցութիւն, չարժէ այդ մասին նորից խօսել:
ՅԱՐՈՒԹԻՒՆ.—Ուզում էր նորից խաբել, բայց չհղաւ:
ՆԻՆԱ.—Հայրիկ բաւական է. մայրիկ բան չկայ ուտելու քաղցիկ եմ:
ԴԱՐԵԱ.—Կերակուրն արդէն պատրաստ է, բայց Պալուշան չկայ դեռ, չե՞ս
 կարող մի քիչ էլ սպասել, միասին կճաշենք:
ՆԻՆԱ.—Ինչո՞ւ, չէ. ուր է գնացել մայրիկ:
ԴԱՐԵԱ.—Ինչ որ դասերի խնդիր կար, խեղճ կրեխաս տանջում է ուղղակի
 մեզ համար:
 (Ներս է մտնում Պալուշան):
ՊԱԻՆՈՒՇԱ.—Օ՛, բարե սիրելի քոյրիկ, բարե, այս սր քամին բերեց մեր
 տունը:
ՆԻՆԱ.—Ի՞նչպէս թէ մեր տունը, սա միթէ իմ տունը չէ, հօրս տունն է
 այժմ իմ տունը և ոչ մի ուրիշը:
ՊԱԻՆՈՒՇԱ.—Ուրախ եմ, քոյրիկս, ուրախ. այ սիրում եմ, որ այդպէս ու-
 րախ տրամադրութեան մէջ ես լինում: Հայրիկ, այժմ էլ դու ու-

րախացիր, գործս յաջող վերջացաւ, այն գիմնադրատների հետ
 համաձայնութիւնը վերջացրի:
ՅԱՐՈՒԹԻՒՆ.—Փառք Աստուծոյ, Աստուած քո ծնունդն օրհն է, որդի:
ԴԱՐԵԱ.—Զգնանք ճաշելու, Նինան քաղցած է, արդէն:
ՊԱԻՆՈՒՇԱ.—Սպասիր մի փոքր մայրիկ մի բան եմ հարցնելու:
ԴԱՐԵԱ.—Ի՞նչ կայ:
ՊԱԻՆՈՒՇԱ.—Մի փոքր առաջ մեր դրանը կանգնած մի ծանօթի հետ խօ-
 սումէի, Կայէնը մեր բակից դուրս եկաւ, ո՞ւմ մօտ էր եկել:
ՆԻՆԱ.—Մեզ մօտ:
ՊԱԻՆՈՒՇԱ.—Կատակ մի արա:
ՅԱՐՈՒԹԻՒՆ.—Կատակ չի անում մեզ մօտ էր եկել:
ՊԱԻՆՈՒՇԱ.—Ինչո՞ւ, ի՞նչ կայ, ի՞նչէ ուզում:
ՆԻՆԱ.—Կարգադրութիւններ է անում...
ՅԱՐՈՒԹԻՒՆ.—Ոչ ի՞նչ, խօսեց, խօսեց գնաց. այնպէս ձեփեցինք բերանը,
 որ լսեց, փախաւ:
ՆԻՆԱ.—Այնպէս կարմրացրի նրան սր. ասենք նա կարմրել չգիտէ:
ԴԱՐԵԱ.—Բաւական է, յետոյ կխօսէք, գնանք ճաշելու: (Գնում է միւսներն
 էլ հետեւում են):
ՊԱԻՆՈՒՇԱ.—Է՛ նինա ջան, դու սպասիր, տես վերջը ի՞նչ եմ անելու նրան,
 հեշտ չի ազատւի իմ ձեռքից:

(Վարապոյր).

ԳՈՐԾՈՂՈՒԹԻՒՆ ԵՐՐՈՐԴ

Բեռը ներկայացնում է շքեղ, մեծ սենեակ, երեք դռներով, երկրորդահան լուսավորութիւն, ճաշի մեծ սեղան, թղթախաղի սեղաններ:

ՏԵՍԻՒ 1.

Սիմա եւ սպա Մաշօ:

ՍԻՄԱ.—(Միայնակ): Ուրեմն այն տարածուած լուրերը ճշմարիտ են. քրոջս տալիս են Չփրախովին: Այժմ եմ հասկանում, այն ծածուկ խօսողները մեզ էին բամբասում: Չարմանալու ոչինչ չկայ. թանգ առած, արժան ծախած ապրանքին ժողովուրդը միշտ կասկածով է վերաբերում: (Չանգ է տալի, մտնում է Մաշօն): Ո՞րտեղ են հայրիկն ու մայրիկը:

ՄԱՇՕ.—Մայրիկդ Շուրայի տուրախով է զբաղուած, իսկ հայրիկդ մագազինից բերած խմիչքներին է նայում:

ՍԻՄԱ.—Գնա հայրիկիս ասն թող այստեղ գայ:

ՄԱՇՕ.—Լաւ, բայց խնդրեմ Դուք էլ գնաք Ձեր սենեակը հագնուելու. Ձեր զգեստը հանել, պատրաստել եմ:

ՍԻՄԱ.—Ես չեմ հագնուելու, հայրիկիս այստեղ կանչիր:

ՄԱՇՕ.—Ինչո՞ւ, տիկինը հրամայել է առաւօտեանից շորերը կարգի բերել, մաքրել և չէք ուղում հագնուել:

ՍԻՄԱ.—Ես քեզ ինչ որ ասում եմ այն արն:

ՄԱՇՕ.—Այսօր էլ որ չհագնուէք էլ երբ էք հագնուելու:

ՍԻՄԱ.—Այսօր դու լաւ հագնուիր, բաւական է:

ՄԱՇՕ.—Ես կհագնուեմ, բայց Դուք էլ պէտք է հագնուէք:

ՍԻՄԱ.—Չահլաս միջտար, Մաշօ, գնա հայրիկին կանչիր:

ՄԱՇՕ.—Դուք այսօր շատ հերսոտ էք:

ՍԻՄԱ.—Դէ, գնա, գլուխ մի ցաւանցի: (Մաշօն գնում է):

ՏԵՍԻՒ 2.

Սիմա, Սարգիս, յետոյ Մարիամ:

ՍԻՄԱ.—Կատարեալ խայտառակութիւն է:

ՍԱՐԳԻՍ.—(Մտնում է սիրտիկը հագած): Ի՞նչ կայ Սիմա, ինչո՞ւ ես կանչել:

ՍԻՄԱ.—Հայրիկ, այս ի՞նչ խնճոյք է. ի՞նչ պատրաստութիւն էք տեսնում, այդ ի՞նչ խոհորարներ, ծառաներ են աշխատում մեր տանը. սիրտիկ էլ ես հագել, շնորհաւոր լինի:

ՍԱՐԳԻՍ.—Սիրտուկ հագնելը մեղք է ինչ. Չփրախովինք մեզ մօտ հիւր են գալու այժմ:

ՍԻՄԱ.—Հնա, այդ ի՞նչ պատահեց, որ Չփրախովինք մեզ մօտ ես հրաւիրել. այն էլ ի՞նչպէս, խնամի են լինելու. հայրիկ, այս ինչե՞ր են կատարում մեր տանը:

ՍԱՐԳԻՍ.—Ոչինչ, ի՞նչ է եղել որ:

ՍԻՄԱ.—Ի՞նչպէս թէ ոչինչ, հայրիկ, այդ արդէն անտանելի է:

ՄԱՐԻԱՄ.—(Սջ կողմից մտնելով): Սիմա ջան, ինչո՞ւ չես հագնուում. գնա, շուտ հագնուիր, այժմ փեսան ու հիւրերը կգան:

ՍԻՄԱ.—Դու հագնուիր, դու, մայրիկ, Չփրախովի պէս փեսայ գտնելուդ համար:

ՄԱՐԻԱՄ.—Ի՞նչ անենք, գործ էր, այդպէս պատահեց:

ՍԱՐԳԻՍ.—Վնաս չունի, ոչինչ չի պատահել:

ՍԻՄԱ.—Այդ ինչե՞ր էք խօսում, հասարակութիւնը յիմար է, չգիտէ ինչու էք աղջիկ տալի Չփրախովին, այն Չփրախովին, որին մի շաքաթ առաջ մարդ չէիք համարում, անցնելիս բարև էլ չէիք տալի:

ՄԱՐԻԱՄ.—Աղջիկն արդէն հասել է, երբ առնող չկայ ի՞նչ պէտք է անենք:

ՍԻՄԱ.—Այժմ էք այդպէս խօսում, իսկ առաջ, երբ հասարակ մահկանացուները ձեր աղջկայ ձեռքն էին խնդրում նեղանում էիք, երկուակայում էիք, որ իշխանները կգան նրա ձեռքը խնդրելու, ինչ է թէ հարուստ է, մեծ օժիտ ունի: Իսկ այժմ բանից դուրս է գալի, որ ձեր աղջիկը աալիսէք քսան և հինգ ուսուցի ստացող պրիկաշչիկ Չփրախովին:

ՍԱՐԳԻՍ.—Բրոջդ մի անպատուիր, իմացիր, որ այդ քո գործը չէ. և վերջապէս դու նրանից շատ լաւ չես:

ՍԻՄԱ.—Իմ հարցը փափուած է, ինձ վրայ ինչ ցեխ էլ որ ընկնի չի կարող ինձ այնպէս կեղտոտել, ինչպէս ձեր աղջկան:

ՄԱՐԻԱՄ.—Հանգստացիր, որդի, մի գրգռուիր, չէ՞ որ նա քո քոյրն է, ինչո՞ւ ես վիրաւորում նրան:

ՍԻՄԱ.—Այսօրուանից այլևս քոյր չունեմ, նա իմ քոյրը չէ, այլ քո աղջիկն է: Դու էիր նրան զարգարում, ուղարկում փողոցները փեսացու որոնելու, այ քեզ փեսացու, այժմ ուրախացիր:

ՄԱՐԻԱՄ.—Ես ի՞նչ մեղաւոր եմ:

ՍԱՐԳԻՍ.—Ի՞նչ վատ փեսացու է. երիտասարդ, գեղեցիկ տղայ է, ես հաւանում եմ, մի բան է պակաս, փող չունի, փողն էլ կտամ:

ՍԻՄԱ.—Հաւանում ես, ուրեմն շնորհաւոր լինի. իսկ իմ պատիւը միմիայն սա կարող է մաքրել: (Գրպանից հանում է ատրճանակը եւ զնում ղէպի դուռը):

ՍԱՐԳԻՍ.—Ի՞նչ ես անում այ տղայ, ո՞ւր ես գնում: (Թննում է Սիմային):

ՍԻՄԱ.—Գնում եմ մեր տան արատը մաքրելու:

ՄԱՐԻԱՄ.—Ի սէր Աստուծոյ հանգիստ կաց, Սիմա, ես վախենում եմ:

ՍԱՐԳԻՍ.—Ի՞նչ ես խօսում, խեղճ եղիւր որդի, մենք անպատուած չենք:

ՍԻՄԱ.—Դուք անպատուած չէք, ես եմ անպատուածը, թող խնդրեմ:

ՍԱՐԳԻՍ.—Հանգստացիր, Սիմա, սխալ ես հասկացել, քո կարծածի նման բան չկայ:

ՍԻՄԱ.—Ես շատ լաւ գիտեմ ամեն բան, իզուր մի ծածկէք:

ՍԱՐԳԻՍ.—Լաւ, լաւ. հանգստացիր, տուր ատրճանակը, քեզ ամեն բան կը պատմեմ և կտեսնես, որ իզուր ես նեղանում:

ՄԱՐԻԱՄ.—Սիմա ջան, լսիր հայրիկիդ. նա քո վատը չի ցանկանում:

ՍԻՄԱ.—Երեխայի՞ քեզ համոզում ի՞նչ է:

ՄԱՐԻԱՄ.—Սիմա ջան ատրճանակը հօրդ տուր, ես վախենում եմ, մօրդ չէ՞ս սիրում, քրոջը խնայիր:

ՍԱՐԳԻՍ.—Այ որդի այդ անիծեալը մի ինձ տուր, հօ չեմ ուտելու, եթէ պէտք լինի դարձեալ քեզ կտամ, ինչո՞ւ ես իզուր քեզ էլ, մեզ էլ կորստեան մատնում:

ՍԻՄԱ.—Իզուր չէ, պատուի հարց կայ այստեղ հասկանում ես:

ՍԱՐԳԻՍ.—Աստուած վկայ ոչինչ չկայ: (Կամաց ատրճանակն առնում է): Նստիւր մի կարգին խօսենք: Ենթադրենք նրան սպանեցիր, յետոյ քո ի՞նչդ կաւելանայ, քոյրդ կը խտրուի:

ՍԻՄԱ.—Ես նրան չեմ սպանում, որ ինձ մի բան աւելանայ, այլ որ պատուիս արատը մաքրուի:

ՄԱՐԻԱՄ.—Ի սէր Աստուծոյ այդ սպանելու անունը մի տուր, ես սարսափում եմ:

ՍԻՄԱ.—Մայրիկ, քո պահած աղջիկը հէնց սպանելու համար է:

ՄԱՐԻԱՄ.—Ախր ես ի՞նչ անեմ:

ՍԱՐԳԻՍ.—Բաւական է, դու գնա քո գործին, (Մարիամը զնում է): Այ որդի, ասենք դու ճիշտ ես, այժմ ճարներս ի՞նչ է:

ՍԻՄԱ.—Նրան սատկեցնել:

ՍԱՐԳԻՍ.—Աւելի վատ, այն ժամանակ աւելի շատ կխայտառակուենք, կըսկանն շարունակ խօսել: Այժմ գոնէ շատերը չգիտեն ի՞նչ է եղել լուռ են:

ՍԻՄԱ.—Հայրիկ, չէ՞ որ այժմ էլ արդէն կասկածում են որ մի բան է պատահել, նրա համար ես աղջկանդ Չփլախովի պէս մարդուն տալի:

ՍԱՐԳԻՍ.—Դու հանգիստ եղիւր, որդի, ամեն բան առջուց կարգադրել եմ: Մրանից մի շաբաթ առաջ իմացայ, որ մեր տանը խայտառակութիւն է պատահել, ինքս ուղեցայ այդ անդամ աղջկանը սատկեցնել, բայց մտածեցի, որ վատ կլինի, վճռեցի այս ձևով ծածկել մի կերպ:

ՍԻՄԱ.—Միթէ Չփլախովին տալով կծածկուի:

ՍԱՐԳԻՍ.—Ես այնպէս եմ սարգել, որ կծածկուի: Չկարծես թէ Չփլախովին խնդրեցի, որ աղջիկս առնի: Խօսակցութիւնն սկսեցի նրա հօրեղբոր հետ, մի քանի օր սրճարանում պատուեցի, գովեցի տղային, այնպէս որ կարծեցին, թէ տղային ես հաւանում եմ, հօրեղբոր բերանն էլ մի բան եմ քսել, եթէ կասկած բան լինի, հօրեղբայրը մեր կողմն է: Վերջը նրանք իրենք խնդրեցին, որ աղջկանս տամ նրան:

ՍԻՄԱ.—Իսկ եթէ տղան հասկանայ:

ՍԱՐԳԻՍ.—Հէնց այդ է պատճառը, որ շուտ եմ նշան դնել տալի. նրանից յետոյ եթէ հասկանան էլ փաստ չունի:

ՍԻՄԱ.—Միթէ տղան կհամաձայնի այդ տեսակ խայտառակուած աղջկանն առնել:

ՍԱՐԳԻՍ.—Հարիւր հազար ուրբու համար նա ամեն բանի կհամաձայնի, փողը ամեն տեղ լոյս է տալի, որդի—հարիւր հազար ուրբու, հէշտ է ասել:

ՍԻՄԱ.—Ուրեմն մեր փեսացուն աղջկանը չէ հաւանում, այլ իրեն պատիւը վաճառում է հարիւր հազարի:

ՍԱՐԳԻՍ.—Հողին էլ դուրս կգայ: Բերանով ես ասում հարիւր հազար, հապա մի համարիւր տես ի՞նչ կլինի:

ՍԻՄԱ.—Լաւ, պատուաւոր մարդկանց հետ գործ ունինք... ուրեմն բոլորին զրկեցիր նրա համար, որ Չփլախովի պէս մի փեսացու գտնես:

ՍԱՐԳԻՍ.—Ես ոչ ոքի չեմ զրկել:

ՍԻՄԱ.—Է՛հ հայրիկ, մենք երբէք համակարծիք չենք եղել և չենք էլ լինի, երկար խօսելն էլ աւելորդ է: Դէ փաստ բարով, ես գնում եմ: (Յնում է եւ ուզում է զնալ):

ՍԱՐԳԻՍ.—Սպասիր, ո՞ւր ես գնում: (Կանգնեցնում է Սիմային):

ՍԻՄԱ.—Աշխարհս մեծ է, երևի մի տեղ կդառնեմ գնալու:

ՍԱՐԳԻՍ.—Այսօր դու պէտք է տանը լինես, այդ անհրաժեշտ է:

ՍԻՄԱ.—Ոչ թէ այսօր, այլ երբէք ես այս տանը չեմ լինելու:

ՍԱՐԳԻՍ.—Ինչէ՞ր ես խօսում, Սիմա, բաւական է ինձ տանջես:

ՍԻՄԱ.—Այո, հայրիկ, ես քեզ տանջել եմ, փողերդ վատնել, խաբել, զիշերներով տուն չեմ կելլ, իմ պատճառով յաճախ անհանգիստ ես եղել, խնդրեմ ներես, բայց այսուհետեւ այլևս չեմ անհանգստացնի:

ՍԱՐԳԻՍ.—Այդ խօսքերի ժամանակն անցել է, այս գիշեր դու տանից չպէտք է հեռանաս, հասկանում ես:

ՍԻՄԱ.—Ձեմ կարող, չեմ ուզում:

ՍԱՐԳԻՍ.—Եթէ ուզում ես ինձ սպանել, վեր առ այս ատրճանակը և մի անգամից սպանիր, եթէ դու գնաս, ինձ համար այդ մահ է:

ՍԻՄԱ.—Ես հայրասպան չեմ, այս գիշերուայ անունը այլևս մի տուր, վճռականապէս յայտնում եմ, որ ես այս գիշեր հիւրերի շարքում չեմ լինելու:

ՍԱՐԳԻՍ.—Հապա հարցնողին ի՞նչ ասեմ, ինչպէս կարելի է եղբայրը քրոջ նշանադրութեանը ներկայ չլինի:

ՍԻՄԱ.—Ինչ ուզում էք ասէք, այդ էլ իմ գործը չի: Մնաք բարե: (Գնում է):

ՍԱՐԳԻՍ.—Տէր Աստուած, անս ինչով են վարձատրում որդիներս իմ աշխատանքը, մէկի անունը խայտառակուած, միւսը մեղանից խուժած, այս ի՞նչ պատիժ է, որ մեղքիս համար ախր:

ՏԵՍԻՒ 3.

Սարգիս եւ Մարիամ:

ՍԱՐԳԻՍ.—Այս էլ մի նոր խայտառակութիւն, այժմ էլ սրա մասին մտածիր:

ՄԱՐԻԱՄ.—Հը՞, ի՞նչ արիք, ի՞նչպէս վերջացաւ:

ՍԱՐԳԻՍ.—Մի տեսակ հանգստացրի, բայց չգիտեմ վերջն ի՞նչ կլինի:

ՄԱՐԻԱՄ.—Ի՞նչ կարող է լինել:

ՍԱՐԳԻՍ.—Ո՞վ գիտէ, հազար տեսակ բաներ էր խօսում:

ՄԱՐԻԱՄ.—Ախր ի՞նչ էր խօսում:

ՍԱՐԳԻՍ.—Դրանց ժամանակը չէ: (Ժամացոյցին նայելով): Այժմ հիւրերը կհաւաքուեն:

ՄԱՐԻԱՄ.—Հիւրեր ասացիր յիշեցի, Անտոնին է՞լ հրաւիրել ես:

ՍԱՐԳԻՍ.—Այո՛:

ՄԱՐԻԱՄ.—Նրան ինչո՞ւ էիր հրաւիրում, դու հօ գիտես, որ նա մեր թշնամին է, ամեն օր եղբօրդ տունն է գնում գալի:

ՍԱՐԳԻՍ.—Ինչ էլ լինի հրաւիրելը լաւ է, չհրաւիրելը՝ վատ:

ՄԱՐԻԱՄ.—Այ թանգեմ նրա գլուխը, նա որ խելք ունենայ Շուրային թողած մարդաթող Նինայի հետ մահ կգայ:

ՍԱՐԳԻՍ.—Դու քո Շուրայից մասին աւելի լաւ է լռես:

ՏԵՍԻՒ 4.

Սարգիս, Մարիամ եւ Շուրա: (Լաւ հագնուած):

ՄԱՐԻԱՄ.—Ինչպէս նոր զգեստդ վրատ լաւ է գալի:

ՇՈՒՐԱ.—Այդ լաւ, մայրիկ, բայց խնդրում եմ, եթէ կարելի է, այս նշանադրէքը յետաձգէք:

ՍԱՐԳԻՍ.—Այդ ի՞նչ նոր բան է:

ՇՈՒՐԱ.—Հայրիկ, նոր ոչինչ չկայ, բայց խնդրում եմ յետաձգէք:

ՄԱՐԻԱՄ.—Ինչո՞ւ յետաձգենք, արդէն պատրաստութիւն ենք տեսել, մարդիկ ենք հրաւիրել, խելքդ գլուխդ ժողովիր:

ՇՈՒՐԱ.—Ես այդ Չփլախովին չեմ ուզում առնել, չեմ հաւանում...

ՍԱՐԳԻՍ.—Հապա սեմն ես առնելու, քո հաւանածներից սրն է Չփլախովից լաւ: Գնացիր մեզ համար փեսացու գտար՝ մէկն ամուսնացած դուրս եկաւ, միւսը սափրիչ, վերջն ինքդ ցեխի մէջ թաղուեցիր, մեզ էլ խայտառակեցիր. աւելի լաւ կլինէր մահը քեզ առնէր, մենք էլ կաղատուէինք այս խայտառակութիւնից:

ՄԱՐԻԱՄ.—Լաւ, մի տաքանայ, ի՞նչ ես աղջկայ սիրտը կտորում, գուցէ...

ՍԱՐԳԻՍ.—Գուցէի բան չկայ, ամեն բան վճռուած է. փաճ ապրանքը պէտք է շուտ գլխից ռադ անել, հասկացա՞ր:

ՇՈՒՐԱ.—Հայրիկ ես էլ հօ Նինան չեմ, որ ստիպում ես մարդու գնալ դռով:

ՍԱՐԳԻՍ.—Կորիր աչքիս առաջից, անգամ, դեռ դատողութիւններ էլ տալի:

ՄԱՐԻԱՄ.—Արի, արի, աղջիկս, հօրդ մի բարկացրու. արի գնանք մի փոքր հանգստացիր: (Նրկումն էլ գնում են):

ՏԵՍԻՒ 5.

Սարգիս, Արշակ եւ երկու ուրիշ օգնական ծառաներ:

ԱՐՇԱԿ.—Սերգէյ Լազրիչ, ամեն բան պատրաստ է. այժմ պէտք է սեղանը կարգի բերել. (ծառաներին), մի բանի շիշ շամպանակի բերէք, զակուակի, բան շարէք այս սեղանի վրայ կարգին. դէ, աղերք լաւ աշխատեցէք, որ ամօթով չհնանք. (ինքն սկսում է թղթախաղի սեղանները կարգի բերել):

(Ծառաները գնում են եւ քերում սեղանի պատրաստութիւնը):

ՍԱՐԳԻՍ.—Արշակ, քեզ տեսնեմ, դու այդ բանի վարպետն ես, խնդրում եմ ամեն բան կարգին, կանոնաւոր լինի, ես քեզ վրայ մեծ յոյս ունիմ:

ԱՐՇԱԿ.—Անհող եղէք Սերգէյ Լազրիչ: (Ներս է մտնում Մաշօն):

ՄԱՇՕ.—Սերգէյ Լազրիչ, արդէն կառքերը դալիս են, երեխ հիւրերն են:

ՍԱՐԳԻՍ.—Լաւ գնան տիկնոջն ու օրիորդին ասան, թող գնան դահլիճ, ես կգամ. (ծառաներից մէկին). դու էլ գնան դրան մօտ կանգնիր: (Գնում է):

(Արշակը եւ միւս ծառան սեղանը կարգի են քերում. լսում է խօսակցութիւն, ձայներ):

ԱՐՇԱԿ.—(Ցած ձայնով). Համեցէք, պարտններ ձեզ քէֆ անել, ինձ էլ փող աշխատել:

ՏԵՍԻՒ 6.

Արշակ եւ Մաշո:

ՄԱՇՕ.—(Ձեռքին մի մեծ փունջ ծաղիկ). Արշակ, տիկինը հրամայեց այս ծաղիկները սեղանի վրայ դնել, որտեղ պէտք է դնել:

ԱՐՇԱԿ.—Տուր ինձ, ես ինքս կտեղադրեմ. (ծաղիկէ փնջից հանում է մի ծաղիկ եւ ուզում է Մաշօի կրծքին ամրացնել):

ՄԱՇՕ.—(Արգելելով). Չեմ ուզում:

ԱՐՇԱԿ.—Լաւ, լաւ. կինն էլ ծաղիկ չսիրէ...

ՄԱՇՕ.—Ես ծաղիկ սիրում եմ, բայց...

ԱՐՇԱԿ.—Էլ ի՞նչ բայց. (ծաղիկն ամրացնում է). Տեսնում ես ինչ գեղեցիկն ես. (ուզում է համբուրել, լսում են ոտնամայներ):

ՄԱՇՕ.—Հանդիստ կնոջ, կարող եմ այստեղ դալ:

ԱՐՇԱԿ.—Ոչինչ ոչինչ. փեսան եկամու թէ չէ:

ՄԱՇՕ.—Փեսան իր բարեկամներով եկել է:

ԱՐՇԱԿ.—Մաշօ, ի՞նչ սիրուն աղջիկ ես, երևի շատ փեսացուներ ունես:

ՄԱՇՕ.—Փեսացուներ չունեմ, չեմ էլ ուզում ունենալ:

ԱՐՇԱԿ.—Ինչո՞ւ:

ՄԱՇՕ.—Էնպէս. այժմեան փեսացուները խարերաներ են:

ԱՐՇԱԿ.—Շատ սխալ ես. այ օրինակ ես խարերայ չեմ:

ՄԱՇՕ.—Հն, բոլորն էլ ստալին անգամ այդպէս են խօսում, բայց վերջը մի հարցր՞ւ. է՛ լաւ, լաւ, դնում եմ, տիկինը կարող է ձայն տալ:

ԱՐՇԱԿ.—Սպասի, սպասի բան ունիմ ասելու:

ՄԱՇՕ.—Յետոյ, յետոյ (դուրս է վազում):

ԱՐՇԱԿ.—Անիրաւը փորձուած ճնճուղի է երևում, քիսս չունի, վերջը կտեսնենք:

ՏԵՍԻՒ 7.

Սարգիս, Սմբատ, Անտօն, Մարիամ, Ծուրա, Արշակ. 1-ին եւ 2-րդ հիւրեր եւ այլ հիւրեր. դահլիճից դուրս են գալի:

ՄԱՐԻԱՄ.—Համեցէք պարոններ, համեցէք, խնդրեմ, նշանն օրհնուեց, քահանան էլ գնաց. այժմ սկսենք ուրախութիւնը. (հիւրերն սկսում են նստել, նշանուածներն սեղանի վերի մասում են նստում). խնդրում եմ ազատ եղէք, ինչպէս ձեր տանը: (Ժառանները սպասաւորում են հիւրերին):

ՄԱՐԳԻՍ.—(Բաժակները լցնելով) խնդրում եմ պարոններ, թէև ձեզ վայել պատրաստութիւններ չունեմ, բայց Աստուած ինչ սուեղ է նրանով դո՞հ լինենք:

ՄԱՐԻԱՄ.—Խնդրեմ բաժակները լցնէք, ով ինչ կամենայ. ու՛մ, կոնեսակ, լիքեօր, օղի:

ՄԱՐԳԻՍ.—Մեր պատուական հիւրերի կենացը. բարով, հազար բարի էք եկել. շատ ուրախ եմ, որ Ձեր ներկայութեամբ յարգել էք իմ անդրանիկ ու սիրելի աղջկայ նշանդրէքը. (խմում են բոլորն էլ):

Ա. ՀԻԻՐ.—Սերգէյ Լադրիչ, Ձեզ պէտք է տուգանքի ենթարկել. առաջին բաժակը պէտք է նշանուածների կենացը խմել:

(Չայներ՝ ճիշտ է, ճիշտ է):

ՄԱՐԻԱՄ.—Խնդրեմ պարոններ, անուշ արէք, խաւեար, ձուկ, ով ինչ կամենում է:

ՄԱՐԳԻՍ.—Ներողութիւն պարոններ. ես էքստրա կենաց խմեցի. այժմ ով ինչ ուզում է թող առաջարկի:

Բ. ՀԻԻՐ.—Համաձայն չեմ. նախ պէտք է թամադա ընտրել:

(Չայներ. այո՛, այո՛, թամադա):

Ա. ՀԻԻՐ.—Պարոններ, թոյլ տուէք իմ կարծիքն արտայայտել:

(Չայներ. խնդրում ենք, խնդրում ենք):

Պարոններ մեր խնձոյքներում, քէֆերում մենք միշտ լաւ քէֆ ենք արել, ուրախ ժամանակ ենք անցկացրել այն ժամանակ, երբ թամադան եղել է Անտօն Իվանիչը. կարծում եմ, որ բոլորք էլ համաձայն կը լինէք, որ այս անգամ էլ նա մեզ քէֆ ցոյց տայ: Ուրեմն կեցցէ Անտօն Իվանիչը. ոււււ՛:

(Չայներ կեցցէ, կեցցէ Անտօն Իվանիչը. սկսում է մի առ ժամանակ թամադա ընտրելուն յատուկ աղմուկ):

ԱՆՏՕՆ.—Պարոններ (լռում են բոլորն էլ). շատ շնորհակալ եմ, որ ինձ այդ պատուին արժանացրիք. կխնդրէի ինձ այս անգամ ազատաէիք:

(Չայներ. ո՛չ, ո՛չ, խնդրում ենք, կեցցէ):

ՄԱՐԳԻՍ.—Անտօն Իվանիչ, Ձեզանից լաւ թամադա չի կարող լինել, խնդրում եմ յանձն առնէք: Պարոններ խմենք նորից Անտօն Իվանիչի կենացը:

(Չայներ. կեցցէ. խմում են):

ԱՆՏՕՆ.—Է՛, պարոններ տեսնում եմ, որ ձար չկայ, պէտք է յանձն առնել. այս անգամ էլ ես դարձեալ սոված պիտի մնամ, դուք՝ կուշտ. քիսս չունի: Ի՛է հապա լցրէք բաժակներդ լիքը լիքը:

(Բոլորը լցնում են. այս միջոցում ծառաներն սկսում են կերակուր ներս բերել, ամաններ դուրս տանել, զինու շշեր բերել եւ այլն):

ԱՆՏՕՆ.—(Շարունակում է). Պարոններ, խմեցէք նոր նշանուածների կենացը, ցանկանանք, որ նրանք բախտաւոր զոյգ լինին, սիրեն միմեանց անկեղծ, ուր սէր չկայ, այնտեղ բախտաւորութիւն չի կարող լինել. փողն էլ, փառքն էլ անցնում են, միայն սէրն է յաւիտենականը, կեցցէն նոր նշանուածները. ոււււ՛:

(Բոլորը կանչում են կեցցէ՛, ուուս, բաժակները զարկում նշանուածների բաժակներին եւ խմում):

Բ. ՀԻԻՐ.—Սերգէյ Լազրիչ, դարձեալ մի նկատողութիւն. ուր եւս երաժիշտները, որ մի բան նուագեն:

ՍԱՐԳԻՍ.—Ներեցէք պարտններ, վաճառական մարդիկ ենք, այդպիսի բաների մէջ շնորհք չունինք:

Ա. ՀԻԻՐ.—Վնաս չունի, քնաս չունի. դրա փոխարէն սեղանը այնքան ճոխ է, որ ամեն բան կարելի է մոռանալ:
(Սկսում են ուտել, կամաց խօսել միմեանց հետ):

ԱՆՏՕՆ.—Խնդրեմ ցնէք բաժակները: Պարտններ, մենք բոլորս էլ մեր հայրենիքը թողած եկել ենք օտար երկրում մեր ապրուստը ճարելու, մեր բախտը փորձելու. է Աստուած մէկին յաջողում է, միւսին ոչ. մէկը հարստանում է, միւսը մնում է աղքատ: Մեր յարգելի Սերգէյ Լազրիչը, փառք Աստուծոյ, իւր համար կարգին սեղ ու տուն է գրել, ապրուստ, միջոց ունի: Խմենք նրա կենացը և ցանկանանք, որ նա չմոռանայ իւր պարտքը դէպի ազգը, հասարակութիւնը, դէպի ազգականներն ու իւր եղբայրը:
(Չայնեք, կեցցէ՛ խմենք):

ՄԱՐԻԱՄ.—(Սարգսին) Տեսա՞ր, ես քեզ չէի ասում նրան մի կանչի, մեր գլխին ցաւ կդառնայ:

ԱՐՇԱԿ.—(Ներս մտնելով) Սերգէյ Լազրիչ, մի ինչ որ մարդ ուզում է Ձեզ կամ տիկնոջը տեսնել:

ՍԱՐԳԻՍ.—Ո՞վ է, թող այստեղ գայ:

ԱՐՇԱԿ.—Այստեղ թողնելու մարդ չէ:

ՍԱՐԳԻՍ.—Ինչո՞ւ:

ԱՐՇԱԿ.—Շատ այլանդակ է հագնուած:

ՍԱՐԳԻՍ.—Գուցէ աղքատ է, գնա մի քան կոպէկ տուր թող հեռանայ:
(Արշակը գնում է բաժակն առնելով). շնորհակալութիւն պարտններ իմ կենացը խմելու համար:

ԱՆՏՕՆ.—Հապա՞ն բաժակները ցրէք: Տիկին Մարիամ Ձեր կենացը. ողջ լինիք, Աստուած Ձեզ աւելի երկար կեանք տայ, որ այսպիսի գաւազներ էք մեծացրել: Հնա ի միջի այլոց, Սերգէյ Լազրիչ, Սիման ուր է, ինչո՞ւ չի երևում:

ՍԱՐԳԻՍ.—(Շփոթուած). Ոչինչ, էսպէս գլուխը ցաւում էր, ոչինչ, չուզեցաւ:

ՄԱՐԻԱՄ.—Նա շուտով կգայ, ոչինչ, խնդրեմ շարունակէք:

ԱՆՏՕՆ.—Դէ ուրեմն, տիկին Մարիամի կենացը. կեցցէ:
(Չայնեք, կեցցէ, խմում են):

ԱՐՇԱԿ.—(Ներս մտնելով). Սերգէյ Լազրիչ, յիտուն կոպէկ էլ տուր չի հեռանում, ուզում է Ձեզ անպատճառ տեսնել:

ՍԱՐԳԻՍ.—Ո՞վ է այդ մարդը:

Առաջինները եւ Աւագ:

Ա.Ա.Գ.—(Մտնում է հին չուխան, արխաւուղը հագած, գլխին մորթէ փափախ, խուրջիկը ուսին, փայտը ձեռքին):

Ես եմ, ես, Սարգիս. բարի իրիկուն. (զարմացած) բան, էս ի՞նչ խարար ի այդքան մարդ է հաւաքուել սրանց տունը:

ՍԱՐԳԻՍ.—Աւագ այդ դ՞ո՞ւ. ես, ո՞րտեղից ես գալի:

Ա.Ա.Գ.—Տանից:

ՍԱՐԳԻՍ.—Ի՞նչու եկար:

Ա.Ա.Գ.—Էկամ ձեզ տեսնելու, Մարիամիս կարօտել ամ: (Այս ու այն կողմից է նայում), ո՞րտեղ ի Մարիամը:

ՄԱՐԻԱՄ.—(Մօտենալով). Կարօտել էիր, մի նամակ գրէիր, էլ դու ինչո՞ւ եկար:

Ա.Ա.Գ.—(Բարեւում է Մարիամին եւ ուզում համբուրել), բարով, Մարիամ ջան. նամակ գրելը ուրիշ ի, աչքով տեսնելն ուրիշ:

ՄԱՐԻԱՄ.—(Յետ քաշուելով) Հէնց այսօր պիտի գայիր:

Ա.Ա.Գ.—Էսօր ինչի՞ որ:

ՍԱՐԳԻՍ.—Վնաս չունի, ոչինչ:

Ա.Ա.Գ.—Էրէւում է, որ քնաս ունի:

ՄԱՐԻԱՄ.—Ե՛կ գնանք հանգստացիր. յոգնած կլինես:

Ա.Ա.Գ.—Ես յոգնած չեմ:

ԱՆՏՕՆ.—(Մօտենում եւ բարեւում է) Բարե՛ւ, Աւագ, գալդ բարի:

Ա.Ա.Գ.—(Շփոթուած). Բն, Անտօն աղա, բարի կենաս, ողջ լինիս. առաջուց հրամանքոցդ չճանաչեցի:

ԱՆՏՕՆ.—Հրամանքի տէր լինիս. քէֆդ շնց է:

Ա.Ա.Գ.—Քէֆս լաւ ի, բայց էրևումս վատ ժամանակի եմ եկել:

ԱՆՏՕՆ.—Շատ լաւ ժամանակի ես եկել. նշանդրէքի ես վրոյ հասել, ոտքդ բարի լինի:

Ա.Ա.Գ.—Ո՞ւմ նշանդրէքն ի:

ԱՆՏՕՆ.—Քրօջ աղջկայ՝ Շուրայի:

Ա.Ա.Գ.—Բն, շնորհաւոր լինի. (աչքերով որոնում է):

ԱՆՏՕՆ.—Ա՛յ, համեցէք, (ցոյց է տալի նշանուածներին) խնդրեմ ծանօթացէք, այս պարտնը Շուրայի ամուսինն է. (Մմբատին) խնդրեմ ծանօթանաք պարտն Աւագի հետ, Ձեր նշանածի քեռին է, նրանց գիւղի քեռիս:

Ա.Ա.Գ.—(Բարեւում է եւ ուզում է համբուրել). Նշանդ շնորհաւոր ըլի:

ԱՐՇԱԿ.—Բարեկամ, գլխարկդ վեր առ:

Ա.Ա.Գ.—Է՞դ ով ի, հա հետեիցս է գալի:

ՍՄԲԱՏ.—(Յետ քաշուելով) Շնորհակալ եմ:

Ա.Ա.Գ.—(Մօտենալով Շուրային, փափախը վերցնում է եւ ուզում է համբուրել). Շնորհաւոր ըլի նշանդ, աղջիկս:

- ՄԱՐԻԱՄ.**—(Թելից քաշելով). Լաւ, լաւ, յետոյ կշնորհաւորես:
- Ա.Ա.Գ.**—(Նեղացած). Այ բուր, ինչո՞ւ էրպէս ես անում, չես ուզում հիմա կգնամ: Ես քառսուն մանէթ փող եմ ծախսել, էկալ եմ քեզի, քո տղէքքիդ տեսնալի. դու ինձի չես թողնում աղջկադ նշանը շնորհաւորեմ:
- ՄԱՐԻԱՄ.**—Մի նեղանար, գնանք մի քիչ հաց կեր:
- Ա.Ա.Գ.**—Ո՞ւր գնանք, այստեղ ինչի՞ որ:
- ՄԱՐԻԱՄ.**—Այստեղ անյարմար է. գնանք, քեզ խօսք ունիմ ասելու:
- Ա.Ա.Գ.**—Փառք Աստուծոյ, ես քաղցած չեմ. (ձեռքը խուրջինին զարնելով). տեսնում ես լիքը հաց, պանիր, գաթայ ի:
- ՍԱՐԳԻՍ.**—(Մարիամին). Վնաս չունի. թող մնայ. ի՞նչ արած. (Աւագին). խուրջինդ, փայտդ տուր, թող տանեն:
- Ա.Ա.Գ.**—Հարկաւոր չի. ես գնում եմ (Անտօնին) մնաս բարով Անտօն աղա. ափսոս որ էկամ սրանցը տեսութեան:
- ԱՆՏՕՆ.**—Ո՞ւր ես գնում:
- Ա.Ա.Գ.**—Յետ եմ գնում մեր գիւղը:
- ԱՆՏՕՆ.**—Ինչո՞ւ այդպէս շուտ:
- Ա.Ա.Գ.**—Ախպէր, մեր նաչալնիկի տանը աւելի լաւ են պատիւ անում, քան քրոջս տանը. էստեղ էլ ինձի գործ չկայ:
- ՍԱՐԳԻՍ.**—Մի նեղացիր, Աւագ. արի սեղանի մօտ մի բաժակ կօնեակ խմի (տանում է սեղանի մօտ):
- ՄԱՐԻԱՄ.**—Համեցէք պարօններ, ուշք մի դարձնէք, խնդրիմ դուք շարունակեցէք ձեր քէֆը: (Աւագը խմում է եւ բերանը չուխայի փէշով սրբում):
- ՍԱՐԳԻՍ.**—Այ սալֆէտիան, առ, բերանդ սրբիր: (Աւագը անում է անձեռնոցիկը, բերանը սրբում եւ ապա դնում գրպանը):
- ԱՆՏՕՆ.**—Աւագ եղբայր, մի բաժակ էլ խմի. մենք մինչև քո գալը շատ ենք խմել:
- ՄԱՐԻԱՄ.**—Ո՞ր սատանան բերաւ սրան այսօր այստեղ:
- Ա.Ա.Գ.**—(Խուրջինը վայր դնելով)—Տունդ քանդուի, Աւագ, հարսանքի տանն էլ բեռդ շալակիցդ չի իջնում:
- ՍԱՐԳԻՍ.**—Արշակ, խուրջինը և փայտը վերցրու. (Աւագին) փափախդ էլ տուր, թող տանի: (Աւագը տալիս է փափախը, Արշակը բոլորն էլ դուրս է տանում):
- Ա.Ա.Գ.**—(Խմելուց յետոյ) էն տղան խուրջինիս մէջից հօ բան չի թոցնի:
- ՍԱՐԳԻՍ.**—Մի վախենար, ոչինչ չի լինի:
- ԱՐՇԱԿ.**—Երաժիշտներն եկան, ի՞նչ կհրամայէք: (Չայներ. ներս կանչիր, շո՛ւտ):
- Ա.Ա.Գ.**—(Անտօնին). էս ինչի պատահել, սրանց քիթը բարձրացելի. սրանք իմ տեսածը չեն. հէյ գիտի հա...

ՏԵՍԻԼ 9.

Նոյնը եւ երաժիշտներ (Թառ ջուլթակ եւ դալի): (Երաժիշտները նստում են, կարգով սեղանից հեռու. պատի մօտ սկսում են լարել. հանդիսականներն առ ժամանակ ուտում են և ցածր ձայնով խօսում):

- ԱՆՏՕՆ.**—Հապա մի բան նուագէք տեսնենք, իսկ դուք պարոն հանդիսականներ բաժակներդ լցրէք: (Երաժիշտները նուագում են արեւելեան եղանակ):
- Ա.Ա.Գ.**—(Հարբած է) Մ՛յ ինչ եմ ասել, հիմի որ հարսանիք ի:
- ԱՆՏՕՆ.**—Ի՞նչպէս, հաւանում ես:
- Ա.Ա.Գ.**—Իմ հաւանելս ի՞նչ օգուտ, ինձի չին հաւանում: Անտօն աղա, տեսնում եմ լաւ մարդ ես, մեր գիւղը որ գաս աչքիս վրայ սեղ ունիս:
- ԱՆՏՕՆ.**—Շնորհակալ եմ. պարօններ խմենք պ. Աւագի կենացը, որ ախրքան դժուարութիւններ կրելով եկել է հասել մեզ մօտ, իւր բրօշք տեսնելու. կեցցէ՛:
- (Բոլորն էլ խմում են եւ կեցցէ՛ կանչում):
- (Չայներ.—Հապա՛ մի պարի եղանակ նուագել, սկսում են ծափ տալ, մէկը պարում է եւ Աւագին զլուխ տալի, բոլորն էլ կանչում են, կեցցէ՛ քեռին):
- ԱՆՏՕՆ.**—Հապա Աւագ եղբայր շնորքդ ցոյց տուր:
- Ա.Ա.Գ.**—Թէ գեղը լինէր ուրախութեամբ, էստեղ իմ տեղս չի:
- ԱՆՏՕՆ.**—Հէնց տեղն է, քէֆիդ նայիր:
- Ա.Ա.Գ.**—Քո ազիզ խաթեր համար: (Աւագը չուխայի փէշերը հաւաքում է եւ սկսում է պարել հարբածի նման. ձայներ—կեցցէ՛ քեռին):
- ՄԱՐԻԱՄ.**—(Զայրացած). Այս ի՞նչ խայտառակութիւն է, Տէր Աստուած, այս ի՞նչ պատիժ է:

(Վարագոյր).

ԳՈՐԾՈՂՈՒԹԻՒՆ ՉՈՐՐՈՐԴ

Երկրորդ գործողութեան բեմն է, միայն աւելացել է Պաւլուշայի մեծագիր պատկերը:

Դարեա եւ ապա Յարութիւն:

ԴԱՐԵԱ.—(Կար է անում): Ինչո՞ւ այսքան ուշացաւ, մի մարդ էլ չկայ, ուղարկեմ իմանայ գործն ինչպէս վերջացաւ: Միթէ այն անիրաւը մեզ մի քանի ամիս ժամանակ էլ չի տայ, տեսնենք ի՞նչ ենք անում:

(Ներս է մտնում Յարութիւնը, Դարեան վեր է թռչում):

Հը, ի՞նչ արիք, գործն ի՞նչպէս վերջացաւ:

ՅԱՐՈՒԹԻՒՆ.—Գործը շատ վատ կերպարանք ստացաւ:

ԴԱՐԵԱ.—Ի՞նչպէս:

ՅԱՐՈՒԹԻՒՆ.—Նա իմ մտերմակները դատարան է տուել, կատարողական թերթ առել, տուել սուղիքնի պրիտտաւին, այժմ ինձ հետ չի էլ ուզում խօսել:

ԴԱՐԵԱ.—Յետո՞յ:

ՅԱՐՈՒԹԻՒՆ.—Պէտք է այսօր մինչև ժամի 10-ը վճարեմ, թէ չէ ունեցած չունեցածներս ծախելու են:

ԴԱՐԵԱ.—Տէր Աստուած, այս ի՞նչ վիճակ է...

ՏԵՍԻՂ 2.

Յարութիւն, Դարեա եւ Նինա:

ՆԻՆԱ.—(Մարտը հազնուած, գլխարկը գլխին, ուղիղիւրը ձեռքին մտնում է եւ բարեւում): Ի՞նչ նորութիւն կայ, Պաւլուշից համակ չէք ստացել դեռ:

ԴԱՐԵԱ.—Այս շաբաթ չենք ստացել, բայց շատ վատ նորութիւն կայ:

ՆԻՆԱ.—Ի՞նչ վատ նորութիւն. հայրիկ, ինչո՞ւ այդքան տխուր ես:

ՅԱՐՈՒԹԻՒՆ.—Չգիտեմ, ի՞նչ ասեմ աղջիկս:

ՆԻՆԱ.—Երեկ լիմոնի խնդիրն է, այդ մասին տխրելու ի՞նչ կայ: Գործ է, այդպէս պատահեց, վաստակեցինք, տխրելով վաստ չի վերջանայ:

ՅԱՐՈՒԹԻՒՆ.—Բայց Քօսակի պարտքը չեմ կարողանում վճարել, ահա ցաւը որն է:

ՆԻՆԱ.—Շատ մի մտածիր, հայրիկ, Պաւլուշայի գործը այժմ լաւ է, կաշխատի, կտայ:

ՅԱՐՈՒԹԻՒՆ.—Է՛, աղջիկս, մինչև Պաւլուշայի աշխատանքը շատ ժամանակ կայ, իսկ Քօսակն այսօր է փողը պահանջում:

ՆԻՆԱ.—Այսօր չլինի, թող մի ամիս յետոյ լինի, չենք ուտելու հօ, կտանք: ԴԱՐԵԱ.—Կատարողական թերթ է վերցրել, եթէ մինչև ժամի տասը չտանք, ամեն ինչ կորած է:

ՅԱՐՈՒԹԻՒՆ.—Այն, աղջիկս, մեր ունեցած այս մի երկու կտոր փայտերն էլ առնելու են ձեռքներիցս...

ՆԻՆԱ.—Հանգստացիր հայրիկ, դրա առաջը դեռ կարելի է առնել: Միթէ Քօսակն այդքան անխիղճ է:

ՅԱՐՈՒԹԻՒՆ.—Քօսակն այնքան էլ խղճօղիկից չէ, բայց այստեղ մի ուրիշ բան կայ: Նա մեր Կայէնի մօտիկ բարեկամն է, բացի այդ նրան միշտ քսան, երեսուն հազար պարտք է լինում, այնպէս որ նրա ձեռքին գործիք է:

ԴԱՐԵԱ.—Յետո՞յ, այդ ի՞նչ կապ ունի մեր գործի հետ:

ՅԱՐՈՒԹԻՒՆ.—Ես այսօր հաստատ աղբիւրից իմացայ, որ Քօսակին ամեն բան թելադրողը Կայէնն է եղել, նա է սովորեցրել, որ ինձ հինգ հազարի տարանք տայ ապառիկ և այն էլ վատը, որ վաստակում:

ՆԻՆԱ.—Դարձեալ նա, ի՞նչ է ուզում այդ անխիղճը մեզանից:

ԴԱՐԵԱ.—Տէր Աստուած, այդ հրէշի ձեռքից միթէ չենք ազատուելու երբէք:

ՅԱՐՈՒԹԻՒՆ.—Կազատուենք, եթէ նրա ուղած ստորագրութիւնը տանք:

ԴԱՐԵԱ.—Տնւր այդ ստորագրութիւնը, ի սէր Աստուծոյ, թող մեզանից ձեռք վերցնի:

ՅԱՐՈՒԹԻՒՆ.—Այսուհետև մեռնեմ էլ չեմ տալու, ես էլ փաստեր ունիմ նրա հետ ազագայում խօսելու, այժմ եմ հասկանում ինչու է ինձանից վախենում:

ԴԱՐԵԱ.—Ինչ վատ ժամանակ է, Անտոն Իվանիչն էլ այստեղ չէ, մեզ կօգնէր:

ՅԱՐՈՒԹԻՒՆ.—Իսկապէս ո՞ր է, ոչ ոք չի իմանում, թէ ո՞ր է գնացել:

ՆԻՆԱ.—Խօսքը մեր մէջ մնայ թող, էջմիածին է գնացել, ինձ գրել էր, որ այսօր կամ վաղը այստեղ կլինի:

ԴԱՐԵԱ.—Ինչո՞ւ է գնացել:

ՆԻՆԱ.—Ինձ համար ապահարզան առնելու: Այդ անխիղճ տէրաէրները տասը սուրբին ստանում են թէ չէ, առանց հարցնելու ուրում ես, թէ ոչ, պահում են, իսկ ապահարզանի ժամանակ տարիներով խնդրիր, հազարներով փող ծախսիր և ոչ մի օգուտ:

(Դուրը թխկացնում են, Նինան բաց է անում դուրը ստանում մի նամակ):

Հայրիկ, Պետերբուրգից է, Պաւլուշան է գրել:

ՅԱՐՈՒԹԻՒՆ.—Հապա շուտ բաց արան, կարգան:

ԴԱՐԵԱ.—Վերջապէս հանգստացայ:

ՆԻՆԱ.—(Կարդում է) «Սիրելի ծնողներ, խիստ զբաղուած էի չէի կարողանում ազատ ժամանակ գտնել նամակ գրելու: Մի մեծ գործ եմ վերցրել ամսի 4-ին, յոյս ունեմ, որ կտանեմ և մեծ վարձատրութիւն կստանամ: Դատը վերջանալուն պէս կգամ, շուտով կտեսնուենք, համբուրում եմ ձեզ և Նինային. բարև Անտոն Իվանիչին ձեր Պաւլուշա»:

ՅԱՐՈՒԹԻՒՆ.—Փառք քեզ Աստուած, իմ յոյսն էլ արդարանալու է:

ՆԻՆԱ.—Հայրիկ, նրա գրածից երևում է որ այսօր էլ կարող է այստեղ լինել, դատը վերջացած է արդէն:

ԴԱՐԵԱ.—Ո՛ւր է մի շուտ գար, կարօտս առնէի:

ՏԵՍԻՒ 3.

Առաջինները եւ Սուղերնի պրիստաւ:

ՊՐԻՍՏԱԻ.—(Ներս է մտնում պօրտֆէյլը ձեռքի տակ, նայելով շփոթուած Յարութիւնին). Ի՞նչ է, վախեցա՞ք:

ՅԱՐՈՒԹԻՒՆ.—Ոչինչ, խնդրեմ, համեցէք:

ՊՐԻՍՏԱԻ.—Իմ անհաճելի հիւր լինելը ինքս էլ շատ լաւ գիտեմ, բայց ի՞նչ արած, պարտականութիւն է, պէտք է կատարեմ:

ԴԱՐԵԱ.—Ո՞վ է այս մարդը:

ՆԻՆԱ.—Երեւի սուղերնի պրիստաւն է:

ԴԱՐԵԱ.—Ուրեմն եկաւ մեր ունեցած, չունեցածը տանելու:

(Պատին յննուելով սկսում է լալ):

ՊՐԻՍՏԱԻ.—Տիկին, իմ գալով ամեն բան վերջացած չի կարելի համարել, Աստուած ողորմած է, գուցէ Դուք Ձեր պարտքատիրոջ հետ հաշտուէք:

ՅԱՐՈՒԹԻՒՆ.—(Նինային). Մայրիկիդ դուրս տար:

ՆԻՆԱ.—Գնանք մայրիկ, իզուր ինչո՞ւ ես լալիս: (Դնում են):

ՏԵՍԻՒ 4.

Յարութիւն եւ Սուղերնի պրիստաւ, յետոյ Նինա:

ՊՐԻՍՏԱԻ.—Այս տեսարանները չեմ սիրում, բայց ի՞նչ արած. (մտնում է սեղանին, գլխարկը ցած դնում, պօրտֆէյլի միջից մի թուղթ հանում) Յարութիւն կազրեիչ Գասպարովը Դուք էք:

ՅԱՐՈՒԹԻՒՆ.—Այո, ես եմ:

ՊՐԻՍՏԱԻ.—Նորին Կայսերական Մեծութեան Հրամանով դատարանը հրա-

մայել է ինձ Ձեզանից առնել երկու հազար ուրբլի Վասիլ Պետրովիչ Բոսակին տալու: Ձեր պարտքը կարո՞ղ էք այժմ վճարել:

ՅԱՐՈՒԹԻՒՆ.—Ոչ:

(Ներս է մտնում Նինան):

ՊՐԻՍՏԱԻ.—Ուրեմն պէտք է գրեմ Ձեր ունեցածը: Դուք խանութ, տուն, բան ի՞նչ ունէք:

ՅԱՐՈՒԹԻՒՆ.—Իմ ունեցածը բնակարանիս կահ կարասիքն է, ուրիշ ոչինչ չունեմ:

ՊՐԻՍՏԱԻ.—Բացի այս սենեակից քանի՞ սենեակ ունիք, մէջները ի՞նչ կայ:

ՅԱՐՈՒԹԻՒՆ.—Բացի այս մի ննջարան և խոհանոց ունինք, ննջարանում մի մահճակալ կայ, խոհանոցում էլ մի քանի կաթսաներ, ամաններ:

ՊՐԻՍՏԱԻ.—Այդ մահճակալն ու ամանները չի կարելի գրել. ուրեմն գրենք այս սենեակում եղածը:

(Նայում է եւ սկսում է գրել):

Ի՞նչ արժէ այս սեղանը:

ՅԱՐՈՒԹԻՒՆ.—Վեց ուրբլի:

ՆԻՆԱ.—Պարոն պրիստաւ, ես մի խնդիր ունեմ:

ՊՐԻՍՏԱԻ.—Համեցէք:

ՆԻՆԱ.—Ես ծառայում եմ Ժան-Դէ-Մառի գրասենեակում, ամսական յիսուն ուրբլի եմ ստանում, եթէ կարելի է, արգելք գրէք իմ ոռճիկի վրայ կամ ժամանակ տուէք ինքս կվճարեմ, միայն հօրս սեղանը մի գրէք:

ՊՐԻՍՏԱԻ.—Ուրախութեամբ օրհորդ, բայց չեմ կարող. ես իրաւունք ունիմ արգելք դնելու միմիայն Ձեր հօր ունեցածի կամ ոռճիկի վրայ:

ՆԻՆԱ.—Խնդրեմ, ոռճիկովս թերթն ապահովէք, գուցէ բոլոր գումարը մի անգամից կվճարեմ:

ՊՐԻՍՏԱԻ.—Իժբախտաբար այդ անկարելի է. (շարունակում է գրել):

ՏԵՍԻՒ 5.

Յարութիւն, պրիստաւ, Նինա եւ Սարգիս:

ՍԱՐԳԻՍ.—(Ներս է մտնում). Հայ, հայ, պարոն վաճառական, բէֆդ ի՞նչ պէս է: Բարև, պարոն պրիստաւ:

ՊՐԻՍՏԱԻ.—Բարև, Սերգէյ կազրիչ: Այս պարոնը կարծեմ Ձեր եղբայրն է:

ՍԱՐԳԻՍ.—Կարծեմ..

ՊՐԻՍՏԱԻ.—Լաւ ժամանակ եկաք. չգիտեմ Ձեզ յայտնի է թէ ոչ եկել եմ Ձեր եղբորից երկու հազար ստանալու Բոսակին տալու, բայց տեսնում եմ ոչ փող ունի, որ տայ, ոչ էլ իրեր ունի, որ գրեմ. գուցէ Դուք կվճարէք այդ գումարը նրա փոխարէն:

ՍԱՐԳԻՍ.—Ինչու չէ, եղբորս պարտքն էլ վճարեմ:
 ՅԱՐՈՒԹԻԻՆ.—Հարկաւոր չէ. թող գրեն ունեցածս:
 ՍԱՐԳԻՍ.—Տեսնո՞ւմ էք ինչպէս է խօսում: Բայց պարոն պրիստաւ խնդրեմ մի երկու ըստէ սպասէք եղբորս հետ խօսեմ, վերջացնեմ գործը (Յարութիւնին): Խելօք պարոն, ինձ մօտ եղածդ ժամանակ ամեն տեղ գոտում էիր, թէ ես եմ աշխատել, ես եմ չարչարուել, եղբայրս ինձ չի սպանում, հապա այժմ ինչո՞ւ չես աշխատում:
 ՅԱՐՈՒԹԻԻՆ.—Բան ունիս ասելու ասան, այդ խօսքերն աւելորդ են և այժմ դրանց ժամանակը չէ:
 ՍԱՐԳԻՍ.—Այսպէս թէ այնպէս դարձեալ եղբայր ենք, միեկնոյն մօր կաթով ենք սնուել, ուզում եմ քեզ օգնել և այդ երկու հազարը վճարել, այլապէս կարող են քեզ բանդ տանել:
 ՆԻՆԱ.—Բանդ, ի՞նչ ես ասում հօրեղբայր... (հեկեկում է):
 ՅԱՐՈՒԹԻԻՆ.—Թող տանեն:
 ՍԱՐԳԻՍ.—Թող այդ յիմարութիւններդ, եկ խօսենք, վերջացնենք:
 ՅԱՐՈՒԹԻԻՆ.—Ի՞նչ արած, հորը լաւ ես փորել:
 ՍԱՐԳԻՍ.—Այդ ի՞նչ ես խօսում, ես քո վատ ըստէին եկել եմ օգնելու, իսկ դու ինձ անպատուում ես:
 ՅԱՐՈՒԹԻԻՆ.—Ի՞նչ ես ուզում, եղբայր, եթէ բան ունիս ասան, ուզում ես տալ երկու հազարը տուր, յետոյ կվճարեմ:
 ՍԱՐԳԻՍ.—Յետոյ վճարելու համար փող չեմ կարող տալ. ապահովիր մի բանով, այն ժամանակ կտամ:
 ՆԻՆԱ.—Հօրեղբայր, վճարէ ես իմ ոտձիկով ապահովում եմ, որ բոլորը լրիւ կստանաք:
 ՍԱՐԳԻՍ.—Ոչ, Նինա, միայն մի պայմանով կարող եմ վճարել:
 ՅԱՐՈՒԹԻԻՆ.—Ի՞նչ է պայմանդ պարզ ասան, վերջացրո՞ւ:
 ՍԱՐԳԻՍ.—Այն պայմանով, որ մեր մէջ այսօրուանից ամեն հաշիւ վերջանայ:
 ՊՐԻՍՏԱՒ.—Պարոններ, խնդրեմ շուտ արէք, ես ժամանակ չունիմ:
 ՍԱՐԳԻՍ.—Մի երկու ըստէ ևս խնդրեմ թոյլ տաք: Լսիր, եղբայր, և դու՛ Նինա, տեսնում ես, որ հայրդ այնքան էլ լաւ առևտրական չէ, քնասում է, եթէ այդպէս շարունակի կարող է պատահել, որ գլուխդ ունեցած մեր պապերից մնացած հողն էլ պարտքի տեղ խլեն ձեռքից, այդ հողերը պէտք է ապահովել:
 ՅԱՐՈՒԹԻԻՆ.—Յետո՞յ, ի՞նչ ես ուզում:
 ՍԱՐԳԻՍ.—Դու մի ստորագրութիւն կտաս ինձ, որ այդ հողերը ինձ ես վաճառել, բացի այդ մի այլ ստորագրութիւն, որ մեր մէջ հաշիւը փակուած է, դու ինձանից ոչ մի պահանջ չունես և ես քեզ դրա փոխարէն կտամ քոն հազար ուրիշ հասկացմբ:
 ՅԱՐՈՒԹԻԻՆ.—Լա՛ւ ես մտածել:
 ՍԱՐԳԻՍ.—Ի հարկէ լաւ եմ մտածել:
 ՅԱՐՈՒԹԻԻՆ.—Ի՞նչ, ուզում ես ինձանից սատանայի Աղամից առած ստո-

րագրութեան նման բան առնել հո՞, ներողութիւն, այսուհետե քո ցոյց տուած լոյսին էլ չեմ հաւատայ, չէ, ի՞նչու ես աշխատում հանգամանքից օգտուել:
 ՆԻՆԱ.—Հօրեղբայր միթէ Ձեր սրտում խղճի նշոյլ անգամ չի մնացել:
 ՍԱՐԳԻՍ.—Լսիր, անպատկան, մարդաթող:
 ՆԻՆԱ.—Դէ խնդրեմ գնաք Ձեր աղջկայ պատիւը պաշտպանէք, որ չգողանան...:
 ՅԱՐՈՒԹԻԻՆ.—Հանգիստ կնց, Նինա, թող մի, խօսացրու: (Բարձր խօսակցութեան ժամանակ մտնում է Դարեան):
 ԴԱՐԵԱ.—Ի՞նչ եղաւ, ի՞նչ պատահեց:

ՏԵՍԻՒ 6.

Առաջինները եւ Անտօն ու Պաւլուշա:

(Պաւլուշան քաղաքացու լաւ զգեստ հագած):

ԱՆՏՕՆ.—Հապա տեսէք ի՞նչ եմ բերել, ճանաչում էք:
 ՆԻՆԱ.—Այս սեֆն եմ տեսնում, Պաւլուշա ջան:
 ՅԱՐՈՒԹԻԻՆ.—Պաւլուշան դ՞ու ես:
 ԴԱՐԵԱ.—Պաւլուշա ջան, միթէ դու ես:
 (Սկսում են Պաւլուշային համբուրել, փաթաթուել վզովը. Դարեան լալիս է):
 ԱՆՏՕՆ.—Ինչ վատ բան է որք լինելը, ոչ որ ինձ վրայ ուշադրութիւն չի դարձնում:
 ՆԻՆԱ.—Մի նեղանաք Անտօն Իվանիչ, բարով էք եկել:
 (Յարութիւն եւ Դարեա նոյնպէս բարեւում են Անտօնին):
 ՊԱՒԼՈՒՇԱ.—Հայրիկ, ինչպէս ես, առողջութիւնդ ինչպէս է, գործերդ լա՛ւ են, Նինա ջան դու լաւ ես երևում:
 ՆԻՆԱ.—Այո, Պաւլուշա ջան, վատ չեմ, բայց հայրիկի գործը վատ է:
 ՊԱՒԼՈՒՇԱ.—Ի՞նչ է եղել, ինչո՞ւ:
 ՆԻՆԱ.—(Յոյց տալով պրիստաւին): Տես, եկել է պարտքի փոխարէն տան իրերը գրի:
 ՊԱՒԼՈՒՇԱ.—Ձերնի՞ հօրեղբորս ենք պարտական:
 ՍԱՐԳԻՍ.—Աստուած մի արասցէ, պարտատէրը ուրիշ մարդ է, ես եկայ հօրդ օգնելու: (Ձեռքը պարզելով): Բարե Պաւլուշան, բարով ես եկել:
 ՊԱՒԼՈՒՇԱ.—Բարե՛, ներեցէք, ժամանակ չունեցայ բարեկելու:
 ՊՐԻՍՏԱՒ.—Պարոններ, խնդրեմ շտապէք ի՞նչ անելու էք արէք այլևս չեմ կարող սպասել:
 ՊԱՒԼՈՒՇԱ.—Հայրիկ, սեֆն ենք պարտական և ի՞նչքան:

ՅԱՐՈՒԹԻԻՒՆ.—Քօսակին, երկու հազար ուսուցիչ:
 (Նինան և Անտօնը առանձնացած խօսում են):
 ՊԱԻՆՈՒՇԱ.—Հաստատ պահարտք ես:
 ՅԱՐՈՒԹԻԻՒՆ.—Այո, մուրհակ եմ տուել:
 ՊԱԻՆՈՒՇԱ.—Ուրեմն պէտք է վճարել: (Պրիստաւին): Ասացէք խնդրեմ ի՞նչ-
 բան է պարտքը:
 ՊՐԻՍՏԱԻ.—Դուք Յարութիւն Գասպարովի որդի՞ն էք:
 ՊԱԻՆՈՒՇԱ.—Այո:
 ՊՐԻՍՏԱԻ.—Երկու հազար ուսուցիչ:
 ՊԱԻՆՈՒՇԱ.—(Գրպանից հանում է դրամը) Խնդրեմ ստացէք և տուէք
 կատարողական թերթը:
 ՅԱՐՈՒԹԻԻՒՆ.—Հոգեակս, իմ ազատիչ հրեշտակս:
 (Պրիստաւ առնում է դրամը, թղթի վրայ գրում և յանձնում
 Յարութիւնին):
 ՊՐԻՍՏԱԻ.—Վերջապէս ազատուեցինք:
 ՅԱՐՈՒԹԻԻՒՆ.—Ներեցէք, որ Ձեզ այսքան անհանգստացրինք:
 ՊՐԻՍՏԱԻ.—Վնաս չունի: Դուք բախտաւոր մարդ էք, որ այս տեսակ դա-
 ւակներ ունէք: Յոստութիւն պարտններ: (Գնում է):
 ՆԻՆԱ.—(Եղբոր վզովն ընկնելով): Պաւլուշա ջան:
 ԴԱՐԵԱ.—Մօտ արի, հոգիս, մօտ արի այդ խելօք գլուխդ համբուրեմ, օր-
 տըս հանգստանայ:
 ԱՆՏՕՆ.—Սերգէյ Լազրիչ, ինչո՞ւ էք եկել այստեղ, չլինի՞ գործ անիք:
 ՍԱՐԳԻՍ.—Եկել էի այդ փողը վճարեմ, որ խայտառակութիւն չլինի, Դուք
 եկաք, վերջացրիք:
 ՅԱՐՈՒԹԻԻՒՆ.—Ի՛է հեռացիր գնա, մեր արամադրութիւնն էլ մի փչացրու-
 քո ներկայութեամբ:
 ՊԱԻՆՈՒՇԱ.—Հայրիկ, սպասիր դեռ: Հօրեղբայր, երբ ենք մեր հաշիւները
 մաքրելու, այժմ ես ազատ մարդ եմ և կարող եմ հաշիւ տես-
 նել:
 ՍԱՐԳԻՍ.—Ի՞նչ հաշիւ, չլինի թէ Անտօն Իվանիչն է Ձեզ բերել, որ հա-
 շիւ տեսնէք երկուսով:
 ԱՆՏՕՆ.—Սերգէյ Լազրիչ, խնդրեմ չափներդ ճանաչէք, թէ չէ վատ կլինի
 վերջը:
 ՍԱՐԳԻՍ.—Ի՞նչ, ուզում էք զօռով փող ստանալ ինձանից: Աւելի շուտ ինձ
 պատուհանից ցած կգցեմ, քան ձեզ մի կողմէ կտամ:
 ՊԱԻՆՈՒՇԱ.—Դժբախտաբար Ձեր մահն էլ չի ազատի Ձեզ այդ պարտքից.
 Ձեր ժառանգներից կառնեմ այդ, լաւ իմացէք:
 ԴԱՐԵԱ.—Թող Պաւլուշա ջան, նա փողի համար իւր հոգին էլ կվաճառի,
 թող գնայ:
 ԱՆՏՕՆ.—Սերգէյ Լազրիչ, արածներդ առաջներդ է գալի:
 ՍԱՐԳԻՍ.—(Ջայրացած). Այս էլ իմ լաւութեան փոխարէնն է հա՛, ապե-
 րախաներ:

ՅԱՐՈՒԹԻԻՒՆ.—Հեռացիր, հեռացիր շուտով, բաւական է քո լաւութիւնից
 խօսես, գիտենք ո՞վ ես:
 ՊԱԻՆՈՒՇԱ.—Ո՛չ, նա պարտաւոր է մեր հաշիւը մաքրել, հօրս արիւն քըր-
 տինքը չեմ թողնի, որ մարսի:
 ՆԻՆԱ.—Պաւլուշա ջան, թող, բաւական է, մի այլ անգամ, այժմ ժամա-
 նակ չէ:
 (Սարգիսը գոյնը ձգած, կասկածելով դուրս է գնում):
 ՍԱՐԳԻՍ.—Լաւ, կհեռանամ, տեսնենք ի՞նչ էք անելու:
 ՊԱԻՆՈՒՇԱ.—Գնացէք, բայց իմ ձեռքից չէք ազատուի, որ երկինք էլ թըռ-
 չէք:

ՏԵՍԻՂ 7.

Առաջինները առանց Սարգսի:

ՅԱՐՈՒԹԻԻՒՆ.—Է՛ր դաւակ մի վրդովուէր, հապա ասան տեսնեմ ի՞նչպէս ես,
 գործդ ի՞նչպէս է:
 ՊԱԻՆՈՒՇԱ.—Շատ լաւ, հայրիկ, դո՛հ եմ, բայց ես նախ քո պատիւը պէտք
 է պաշտպանեմ, անձ իմ գլխաւոր գործը:
 ԴԱՐԵԱ.—Ապրիս, որդիս, մեր միակ մխիթարութիւնը դու ես:
 ՊԱԻՆՈՒՇԱ.—Անտօն Իվանիչ, Դուք սրտեղից էք գալի. հայրիկ ես սրան
 կայարանում պատահեցի, ասաց մի շատ ուրախ լուր ունի Նի-
 նայի համար, իմացա՞ք:
 ՅԱՐՈՒԹԻԻՒՆ.—Ո՛չ, չենք իմացել, ի՞նչ կայ Անտօն Իվանիչ, ինչո՞ւ չէք ա-
 սում:
 ԱՆՏՕՆ.—Ինձանով իսկի հետաքրքրւում էք, որ բան ասեմ:
 ԴԱՐԵԱ.—Դէ լաւ, լաւ, ասացէք խնդրեմ ի՞նչ կայ:
 ԱՆՏՕՆ.—Գնացել էի Էջմիածին և երկար տանջուելուց, սրան նրան տես-
 նելուց յետոյ Սինօզից ստացայ Նինայի ազատութեան թուղթը:
 ՅԱՐՈՒԹԻԻՒՆ.—Միթէ, այդ ի՞նչպէս: Տեսա՞ր Դարեա, որ դարձեալ մեր Ան-
 տօնը մեզ չի մտնում:
 ՊԱԻՆՈՒՇԱ.—Նինան ջան, դէ շնորհաւորում եմ, այժմ դու էլ ինձ նման ա-
 զատ ես: Շնորհակալութիւն Անտօն Իվանիչ:
 ԴԱՐԵԱ.—Մի օրուայ մէջ այսքան ուրախութիւն, Տէր Աստուած, կամ ամեն
 բան առնում ես մի անգամից կամ եթէ տալիս ես միանգամից
 ես տալի:
 ԱՆՏՕՆ.—Արտեմ Լազրիչ, ներողութիւն հիթէ մի բան էլ ասելու լինեմ,
 կարծում եմ դէմ չէք լինի և մեր ուրախութիւնն էլ աւելի կմեծացնէք:
 ՅԱՐՈՒԹԻԻՒՆ.—Ի՞նչ կայ, Անտօն Իվանիչ, ասա՛:
 ԱՆՏՕՆ.—(Բռնելով Նինայի ձեռքը): Դուք Ձեր օրհնութիւնը տուէք մեզ
 և թոյլ տուէք, որ ես էլ Ձեր տան անգամը դառնամ, օրհնեցէք
 մեզ:

ԴԱՐԵԱ.—Տէր Աստուած, Տէր Աստուած այս ինչեր են լինում: (Հեկեկում է):

ՆԻՆԱ.—Հայրիկ, օրհնէր մեզ:

ՊԱԻԼՈՒՇԱ.—Կեցցէ, կեցցէ, հայրիկ, մայրիկ, ինչու էք լուռ, շնորհաւորեցէք, ես շատ ուրախ եմ: (Համբուրում է Անտօնի եւ ըրոջ հետ):

ՅԱՐՈՒԹԻՒՆ.—(Չեղբերը ըստօրոյնը): Աստուած օրհնէ ձեզ, որդիքս: (Արտասում է):

(Վարագոյր)

ԳՈՐԾՈՂՈՒԹԻՒՆ ՀԻՆԳԵՐՈՐԴ

Բեմը առաջին գործողութեան բեմն է:

ՏԵՍԻՒ 1.

Մարիամ եւ սպա Սարգիս:

ՄԱՐԻԱՄ.—(Շատած է սեղանի մօտ): Ասում են Սարգիսը խելօք է, Սարգիսն իմաստուն է, գործ կատարող, սէր է, չի երևում: Ահագին փողեր ծախսեց, փաստաբան վարձեց, բայց վերջն էլի տարուեց: Մի կողմից խայտառակուհիները ամբողջ հասարակութեան առաջ, միւս կողմից երկու հարիւր քսան հազար ուրբի պիտի տանք այն անպիտաններին: Դէ Մարիա Պետրոֆնա, արի ու գիմացիր այս տեսակ խայտառակութեանը: (Մանում է Սարգիսը):

ՍԱՐԳԻՍ.—Մարիամ, ինձ վատ եմ զգում, ուզում եմ գնալ բժշկի մօտ:

ՄԱՐԻԱՄ.—Ուզում ես գնան, առաջդ սիլ է բռնում:

ՍԱՐԳԻՍ.—Գիտեմ, բայց ի՞նչ խորհուրդ կտաս:

ՄԱՐԻԱՄ.—Խորհուրդ անելու ժամանակ չարեցիր, այժմ ես խորհուրդ հարցնում:

ՍԱՐԳԻՍ.—Այդ երբ էր, որ քեզից խորհուրդ չհարցրի:

ՄԱՐԻԱՄ.—Եղբորդ Օդեսսա նամակ գրելիս, հաւատարմագիր տալիս: Քեզ սիլ էր ասում, որ եղբորդ հաւատարմագիր տաս, քո փոխարէն մուրհակ ստորագրելու և հաւատարմագրի մէջ նրան քո եղբայրն ու գործի ընկերն անուանես: Դէ գնան, այժմ այդ նրանց ձեռքին փաստ է եղել և քեզ այդպէս նեղն են ձգել:

ՍԱՐԳԻՍ.—Դէ, բուսական է, դու էլ քեզ շատ խելօք մի երեւակայիր, ես ի՞նչ իմանայի, թէ տասն և հինգ տարուց յետոյ այսպէս բան կլինի: Այն ժամանակ հաւատարմագիր տալու միտքն ուրիշ էր, ուզում էի ինձ սնանկ հրատարակել: Վերջապէս գլխաւորը այստեղ հաւատարմագիրը չէր, այլ վկաների ցոյցմունքները:

ՄԱՐԻԱՄ.—Երանի այն ժամանակ սնանկանայինք, քան այս տեսակ խայտառակութեան հասնէինք:

ՏԵՍԻՒ 2.

Սարգիս, Մարիամ, Սմբատ եւ Մաշօ:

- ՄՄԲԱՏ.—(Ներս մտնելուց եւ քարեկերուց յետոյ): Գործը վատ կերպարանք ստացաւ:
- ՄԱՐԻԱՄ.—Սրանից էլ վատ ոչինչ չէր կարող լինել:
- ՄՄԲԱՏ.—Ի՞նչ պէտք է անել այդ անիրաւունի հետ:
- ՄԱՐԻԱՄ.—Այդ էլ խելօք աներոջիցդ հարցրու:
- ՄԱՐԳԻՍ.—Բաւական է, ի՞նչ ես ետխիցս կպել, բայց չես թողնում:
- ՄՄԲԱՏ.—Իսկապէս Ձեր և Ձեր փաստաբանի արածն անմտութիւն էր, ինչո՞ւ Ձեր կողմից էլ վկաներ ցոյց չտուիք:
- ՄԱՐԳԻՍ.—Ի՞նչ վկաներ ցոյց տայինք, ո՞վ վկայութիւն կտար, որ նա իմ եղբայրը չէ, ինձ հետ քսան տարի չի աշխատել:
- ՄԱՐԻԱՄ.—Ի՞նչ, դեռ ես դժու կամ մեղ վրայ դայրանում:
- ՄԱՐԳԻՍ.—Ի սէր Աստուծոյ դու լսիր, ինձ հանգիստ թող:
- ՄԱՇՕ.—(Դուռը բանալով): Տիկին, սուրճը պատրաստ է:
- ՄԱՐԻԱՄ.—Սմբատ, գնանք սուրճ խմելու, ինչ լինելու է կլինի:

ՏԵՍԻՒ 3.

Սարգիս (միայնակ),

ՄԱՐԳԻՍ.—Այս արդէն անկարելի է, ուղղակի խելագարուում եմ, ես այդ մտքի հետ չեմ կարող հաշտուել: Միանգամից երկու հարիւր քսան հազար ուրբի տան, երկու... հարիւր... քսան... հազար ուրբի... Այդ անկարելի է, այդ նշանակում է սնանկանալ, մուրացկան դառնալ, այս վերջին տարիները շարունակ ծախսեր և ոչ մի կողմէկ վատտակ: Եօթանասուն հազար ուրբի տուեցի այս Ձրփլախովին, իմ շնորհիւ մարդ դարձաւ և այժմ էլ ինձ չի հաւանում: (Մի քիչ մտածելուց յետոյ): Մէկը թող հապա ինձ ասի ա՞յ յիմար սեմ համար ես աշխատում, քեզ այդքան տանջում, չարչարում, աղջիկս ինձ խայտառակեց, տղաս հեռացած, կինս էլ այսպէս: Բայց ի՞նչ, տանջուելով չեմ ազատուել, երկու հարիւր հազարը պէտք է տալ, տալ և սնանկանալ, ո՞չ, աւելի լաւ է վերջանալ, կորչել, քան սնանկանալ: Բաւական է տանջանքս: (Մօտենում է գրասեղանին, ատրճանակը հանում, փամփուռաները որոնում է եւ կամաց ուզում է տեղադրել):

ՏԵՍԻՒ 4.

Սարգիս, Մարիամ, Սմբատ եւ Մաշօ:

- ՄԱՐԻԱՄ.—(Սմբատի հետ խօսելով ներս է մտնում): Այս անտանելի է ախարթակ բոլորովին չունեմ:
- ՄՄԲԱՏ.—(Տեսնելով Սարգիսին): Մայրիկ, այն ի՞նչ է անում, տես: (Վազում է դէպի Սարգիսը):
- ՄԱՐԻԱՄ.—Վա՛յ, օգնեցէք, մի՞ թողէք, ի սէր Աստուծոյ: (Թուլանում ընկնում է): (Սմբատը ընկնում է Սարգիսի ձեռքից եւ աշխատում է ատրճանակն առնել):
- ՄԱՐԳԻՍ.—Ի՞նչ ես անում, հեռացիր, թող քեզ ասում եմ:
- ՄՄԲԱՏ.—Սերգէյ Լադրիչ, ի սէր Աստուծոյ, ի՞նչ էք անում, ի՞նչ բանի էք:
- ՄԱՐԻԱՄ.—(Թոյլ ձայնով): Ջճեր, ջճեր...:
- ՄՄԲԱՏ.—Մաշօ, Մաշօ շուտ ջուր հասցրու: (Սարգիսին): Այդ ի՞նչ էք անում, ինչո՞ւ էք յուսահատուում:
- ՄԱՐԳԻՍ.—Այդ իմ վերջին անելիքն է, ուրիշ ելք չկայ այս խայտառակութեանից ազատելու համար: (Մաշօն ջուր է բերում, տալիս է Մարիամին մի փոքր կանգնում է):
- ՄԱՐԳԻՍ.—Ի՞նչի ես կանգնել. հեռացիր աչքիցս, այժմ բոլորդ էլ աչքիս գրողներ էք: (Մաշօն գնում է): (Սմբատին): Ձեզ որ սատանան բերեց այստեղ:
- ՄԱՐԻԱՄ.—Սերգէյ, այդ ի՞նչ ես անում, Աստուած իմ, դու խելքդ կորցրել ես...:
- ՄՄԲԱՏ.—Ի՞նչ վատ բան արի որ:
- ՄԱՐԳԻՍ.—Լաւ, էլ ոչինչ չարիք:
- ՄԱՐԻԱՄ.—Սերգէյ, դու բոլորովին փոխուել ես:
- ՄԱՐԳԻՍ.—Ով իմ տեղը լինէր, աւելի վատ կլինէր:
- ՄՄԲԱՏ.—Սերգէյ Լադրիչ, մի՞թէ կարելի է այդքան յուսահատուել:
- ՄԱՐԳԻՍ.—Աստ խնդրեմ, սեմից, ի՞նչ կարող եմ յուսալ:
- ՄԱՐԻԱՄ.—Մտածում էիր արդեօք, թէ քեզանից յետոյ մեր դրութիւնն ի՞նչ է լինելու:
- ՄԱՐԳԻՍ.—Այդ մասին թող նա մտածի, ով կհնդանի է ֆուում:
- ՄՄԲԱՏ.—Ձէ որ Դուք զաւակներ, կին ունէք, սեմ խնամքին էք թողնում այդ, նրանց դրութիւնը տպահովել էք:
- ՄԱՐԳԻՍ.—Ի՞նչ, ուզում ես ասել կտակ անելի համ: Ինչո՞ւ համար, ումն ինչ տալու եմ կամ գրքերում գրուած է կամ մուրհակ եմ տուել: Մի վախենաք, բարեկամներս, ամեն մարդ իւր բաժինը կստանայ:
- ՄԱՐԻԱՄ.—Սերգէյ, այդպէս մի՞ խօսիր, ես չեմ կարող լսել:
- ՄՄԲԱՏ.—Ես այդ չեմ ուզում ասել, այլ ընդհանրապէս եմ խօսում: Վերջա-

պէս գուցէ կան և այնպիսիները որոնք մուրհակ չունեն, այլ այնպէս լոկ խօսքով են Ձեզ հաւատացել: Չէ որ...:

ՍԱՐԳԻՍ.—Այդպիսիները չկան, ես ամեն բան լաւ գիտեմ:

ՍՄԲԱՏ.—Կարծեմ կան, լաւ չէք յիշում երևի, բայց այդ ոչինչ, այդ թող-
նենք:

ՍԱՐԳԻՍ.—Հմ, հասկացայ... քեզ խօստացած օժտից մնացած գումարի մա-
սին ես ակնարկում...: Իրաւունք ունես, պարոն, քո տուած ապ-
րանքն ամենից լաւն է, քո կրած նեղութիւնը ամենից անդինն
է, քո մասին պէտք է մտածէի ամենից առաջ, խնդրեմ ներեցէք,
որ մոռացիլ եմ:

ՍՄԲԱՏ.—Ես բան չեմ ասում, բայց հէնց այնպէս:

ՄԱՐԻԱՄ.—Սմբատ դ՞ո՞ւ ինչ ժամանակ գտար այդ բաների մասին խօսի-
լու, ամօթ չէ՞:

ՍԱՐԳԻՍ.—Ահա իմ մօտիկ բարեկամները ի՞նչպիսի մարդիկ են, միայն փող,
փող, իսկ մարդու իրեն մասին մտածող չկայ: Ի՞նչ արած, լաւ
փեսայ ունեմ. Սիմայի ասածն արդէն կատարում է:

ՍՄԲԱՏ.—Այդ էլ իմ արած լաւութեան փոխարէն էք հատուցանում:

ՍԱՐԳԻՍ.—Քեզանից լաւութիւն խնդրող չկար, հեռացիր այստեղից, թէ չէ
վատ կլինի բանը:

ՏԵՍԻՒ 5.

Առաջիններն եւ Շուրա:

ՇՈՒՐԱ.—(Ներս մտնելուց յետոյ լուծիւն է տիրում մի րոպէ): Այս ի՞նչ
խաբար է, ի՞նչ է պատահել: (Մայելով մօրը, հօրը): Մայրիկ,
այդ ի՞նչ է, գոյնդ թոցրել ես, հայրիկ, ի՞նչ կայ, ի՞նչ է եղել,
ի՞նչու լռեցիք:

ՄԱՐԻԱՄ.—Ոչինչ, ոչինչ, նստիր, հայրիկը...:

ՇՈՒՐԱ.—Ի՞նչ, հայրիկն ի՞նչ է արել: (Դառնալով Սմբատին): Դարձեալ
փողի հաշիւն ես սկսել հմ, չի տալի:

ՍՄԲԱՏ.—Ո՛չ, դեռ հալա զայրանում էլ է, տանից է վռնդում, ահա քո
ծնողդ ո՞վ է:

ՍԱՐԳԻՍ.—Կորիք, դեռ խօսում էլ ես:

ՍՄԲԱՏ.—Իհարկ է, Ձեր պատուական աղջկանը գլխիս փաթաթելուց յետոյ,
բաւական չէ խօսքներդ չէք կատարում, այժմ էլ այդպէս էք
վարւում: Ամբողջ քաղաքն իմ մասին է խօսում, ուր գնում եմ
երեսոյս են տալի, իսկ ես պէտք է համբերեմ:

ՇՈՒՐԱ.—Անամօթ, դեռ խօսում էլ ես: Դու ինձ հետ չես պսակուել, այլ
իմ օժիտի, հազարներն են աչքերդ փակել: Ա՛խ, հայրիկ, հայ-
րիկ, աւելի լաւ չէր թողնէիր տանը մեռնէի, քան այսպիսի ա-
նհրեսի ձեռքն ընկնէի: Ամեն օր տանջում է, մի բան է պատա-

հում թէ չէ, իսկոյն յիշում է թէ դու նա չես, որ սրա, նրա
հետ...: (Լալիս է):

ՍԱՐԳԻՍ.—Մնա, սնա, դու էլ մի բարի պտուղ չես, անունս խայտառակե-
ցիր բաւական չէ, ուզում ես տանս էլ մնալ:

ՄԱՐԻԱՄ.—Հանգիստ կաց, Շուրա, հայրիկիդ գործերը վատ են, մի զայ-
րացրու նրան:

ՇՈՒՐԱ.—Մայրիկ, մայրիկ... Դուք չէիք, որ ինձ այսօրը ձգեցիք, մի՞թէ
մեղաւորն ես եմ: Փոքր ժամանակս ինձ միայն լաւ զգեստներ
հագցնել գիտէիր, այստեղ, այնտեղ տանել, երկկոյթ, թատրոն.
սրա, նրա հետ ծանօթացնել իսկ ես... յիմար, յիմար... Այո, դու
ես պատասխանատու իմ այս տանջանքների համար, դու, որ եր-
բէք ուշք չդարձրիր վրաս, թոյլ տուիր ամեն բան անելու...:
(Հեկեկում է):

ՍԱՐԳԻՍ.—Տեսնում ես, իմ պատուական տիկին, դէ այժմ պատասխանը
տուր:

ՄԱՐԻԱՄ.—Դու էլ մեղաւորն ես, դ՞ո՞ւ ինչու չէիր կրթում, ասենք Շուրան
այսպէս է, հապա քո տղան, Սիման ո՞ւր է, ի՞նչ եղաւ, քեզ թո-
ղած, այստեղ այնտեղ է թափառում, շարունակ փող է պահան-
ջում, իսկ քեզ մի կոպէկի օգուտ տուէ՞լ է:

ՍԱՐԳԻՍ.—Լռիր, նրան էլ ես դու փչացրել: Դու չես նրան ծածուկ փող
տուել, պարտքերը ծածկել, այժմ էլ դեռ ինձ վրայ ես խօսում:

ՍՄԲԱՏ.—Տեսնում էք, ո՞վ է մեղաւորը, էլ ի՞նչու էք ինձ մեղադրում:

ՍԱՐԳԻՍ.—Գնա, գնա այստեղից անմիջապէս, իրաւունք չունենաս մեր ըն-
տանեկան գործերում խառնուել:

ՍՄԲԱՏ.—Հապա փողը, ինչո՞ւ չէք վճարում, խօսք էք տուել պարտաւոր էք
կատարել: Ես էլ Կուզիկենց Կիկօն չեմ, գիտէ՞ք:

ՄԱՐԻԱՄ.—Դ՞ո՞ւ ինչ ես այս նեղ ժամանակը կողել մեզանից, հանգիստ թող
մեզ:

ՍԱՐԳԻՍ.—Հը՛, չլինի թէ դու էլ մի ուրիշ դատ սկսես իմ դէմ, գնա, ինչ
ուզում ես արա՛:

ՍՄԲԱՏ.—Ես դատ չեմ սկսի, բայց քո տան խայտառակութիւնը կբանամ:
Իզուր չէ որ քեզ Կայէն են ասում, հարազատ աղջկանդ էլ չես
խնայում: Տեսնենք վերջն ո՞վ է փոշմանելու:

ՇՈՒՐԱ.—Հայրիկ, այս ինչ օրի հասայ ես, նա կգնայ ամեն տեղ կպատմի
այն մասին... մայրիկ, գոնէ դու օգնիր, ո՞ւր գնամ... ի՞նչ անեմ:

ՍԱՐԳԻՍ.—Շատ մի խօսիր, ես ձեզ հետ գործ չունեմ, փողերը ձեռքիցս
գնալուց յետոյ թող ինչ ուզում է լինի:

ՍՄԲԱՏ.—(Շուրային): Ահա քո ծնողը, ահա քո հայրը: (Սարգսին): Բայց
Դուք լաւ իմացէք, որ ես իմ խօսքի տէրն եմ, կամ երեսուն հա-
զարը պիտի տաք կամ Ձեր արած ստորութիւնները մի առ մի
կպատմեմ: Ցեխին կհաւասարացնեմ Ձեր անունն էլ, պատիւն էլ՝

ՍԱՐԳԻՍ.—Գնա, ինչ ուզում ես արա՛, միայն հեռացիր այստեղից:

ՍՄԲԱՏ.—(Շուրային): Լսիր, այսուհետև իմ տունը ոտք չկոխես մինչև հօրդ խօստուածը չկատարուի: (Գնում է):

ՄԱՐԻԱՄ.—Այ մարդ, ինչո՞ւ ես այդպէս կողիա խօսում, չգիտես որ նա այժմ մեր փողով մարդ դառնալուց յետոյ մեծամտացի է, ի՞նչ ասես կանի:

ՍԱՐԳԻՍ.—Բաւական է, բաւական այդքան խօսես, թող ինչ լինելու է, լինի:

ՇՈՒՐԱ.—Մայրիկ... այժմ ես սուր գնամ, ի՞նչ անեմ, ի՞նչ է լինելու իմ գրութիւնը: (Մի փոքր հանգստանալուց յետոյ): Հայրիկ, մի՞թէ քո հարազատ զաւակիդ էլ չես խղճում, մի՞թէ քո մէջ ծնողական գութ չկայ, ինչո՞ւ այսպէս ես վարւում ինձ հետ, խնայիր ինձ: (Լալիս է, Հօր առաջ չորում):

ՍԱՐԳԻՍ.—Հեռացիր, բաւական է, դրա ժամանակը չէ յետոյ, յետոյ, այդ մասին ուղիղ են ասում, որ սև եզը վայր ընկնի, դանակաւորները կշատանան:

ՏԵՍԻՒ 6.

Առաջինները եւ Մաշօ:

ՄԱՇՕ.—(Շտապ ներս մտնելով): Տիկին, տիկին, պարոնը... մեր Սիման եկաւ նոր:

ՍԱՐԳԻՍ.—Ի՞նչ ես ասում, չեմ հասկանում:

ՄԱՐԻԱՄ.—Ո՞վ, ի՞նչ եկաւ:

ՄԱՇՕ.—Սիման եկաւ, Ձեր որդին:

ՍԱՐԳԻՍ.—Սիման, ինչո՞ւ չէ ներս գալի հապա:

ՇՈՒՐԱ.—Սիման, սուր է, սուր է:

(Շուրա, Մարիամ, Մաշօ գնում են դուրս, մի փոքր յետոյ բարձրածայն խօսելով ներս են մտնում Սիմայի հետ):

ՏԵՍԻՒ 7.

Առաջինները եւ Սիմա:

ՍԻՄԱ.—Բարև հայրիկ, բարև Ձեր սպասում երևի, տեսնում ես դարձեալ եկայ քեզ հետ հաշտուելու:

ՍԱՐԳԻՍ.—Բարև որդի: (Համբուրում է): Ի՞նչ կայ, ի՞նչպէս եղաւ, որ եկար:

ՄԱՐԻԱՄ.—Ի՞նչպէս ես որդի, ի՞նչ գործի ես, առողջութիւնդ ի՞նչպէս է:

ՇՈՒՐԱ.—Սիմա ջան, գիտե՞ս ի՞նչքան եմ կարօտել քեզ, ի՞նչքան եմ լաց եղել, մենակ եմ մնացել, ոչ ոք ինձ չի խղճում:

ՍԻՄԱ.—Ինչո՞ւ քեզ ի՞նչ է եղել, արդէն ամուսնացել ես, տուն տեղ ես դարձել: Իսկ ես... էհ, շատ տեղեր եղայ, շատ մարդկանց տեսայ եւ այժմ նոր, նոր խելքի եմ գալի, նոր ուզում եմ ես էլ մարդ դառնալ, կեանք սկսել:

ՄԱՐԻԱՄ.—Սիմա ջան, յոգնած կլինես, ճանապարհից ես գալի, գնանք լուացուիր, մի փոքր հանգստացիր:

ՍԻՄԱ.—Ոչ մայրիկ, ես հանգիստ եմ, երէկ եմ եկել մեր բաղաքը, իջել եմ հիւրանոցում, լաւ հանգստացել, այժմ գործով եկայ, հայրիկի մօտ, հաշտուելու եւ այնուհետև մեր գործը շարունակելու:

ՍԱՐԳԻՍ.—Հաշտուելու բան չունեմ ես, քեզանից չեմ խռովել. դու ես ինքդ հեռացել, այժմ էլ եկիլ ես, բարով ես եկել, բայց գործը... այժմ արդէն ուշ է:

ՍԻՄԱ.—Ինչո՞ւ է ուշ, կարծում ես չեմ կարող գործ կատարել, ոչ հայրիկ, այժմ ես շատ բան եմ տեսել, շատ բան եմ սովորել: Բայց նախ քան այդ մասին խօսենք խնդրեմ կարգադրիր կասսայից ինձ փող տան, հիւրանոցում մարդիկ կան սպասում են, որ պարտքերս տամ: Այնուհետ տուն կգամ եւ այդ մասին երկար կխօսենք:

ՇՈՒՐԱ.—Ի՞նչ շուտ արն, գնա իրերդ բեր, ի՞նչու ես սպասում, ես քեզ այնքան բան ունիմ պատմելու:

ՄԱՐԻԱՄ.—Ուզո՞ւմ ես ծառային ուղարկեմ իրերդ բերի, մինչև քո գործդ կվերջացնես:

ՍԻՄԱ.—Ո՛չ, ոչ, ես ինքս պէտք է գնամ, այս բոլորիս, ժամադիր եմ եղել, մարդկանց խօսք եմ տուել, ի՞նչպէս կարելի է: (Սարգսին): Հայրիկ, ի՞նչ կասես, հեռախօսով կխօսե՞ս, թէ ծառային թուղթ կտաս, որ միասին գնանք: Հայրիկ, ինչո՞ւ լուռ ես, չլինի թէ իմ գալը քեզ հաճելի չէ:

ՄԱՐԻԱՄ.—Ի՞նչքեր ես խօսում Սիմա, քո հօրդ տունն է, սով կարող է քեզ մի բան ասել, մի փոքր սպասիր դեռ:

ՇՈՒՐԱ.—Ոչինչ, ոչինչ, Սիմա ջան, հայրիկը մի փոքր վրդովւած է, հանգստացիր, յետոյ այդ մասին կխօսես: (Սարգսիսը անհանգիստ ման է գալի սենեակում եւ ապա կանգ առնում):

ՍԱՐԳԻՍ.—(Խոժոռած): Տեսնո՞ւմ եմ, տիկին, այս էլ քո որդին: Ի հարկ է, լաւ լինէր վիճակդ չէիր գայ, հէնց որ փողի կարիք ունենաս, նոր կյիջես ինձ:

ՇՈՒՐԱ.—Հայրիկ, մի՞թէ նոր վերադարձած որդու հետ այդպէս կխօսեն:

ՍԱՐԳԻՍ.—Լսիր, անպիտան, դու էլ նրա նման ես: Դուք չէիք, որ ինձ այսօրը ձգեցիք, ձեզ համար հազար տեսակ նեղութիւն եմ կրել, վերջն էլ այս խայտառակութեան մէջն ընկնել: Փող, փող: Այժմ այլևս փող չկայ, ոչ մի կողմից չունեմ, գնա, ինչ ուզում ես արն:

ՍԻՄԱ.—Այդպէս հա՛, լա՛ւ, հապա այն հազարներն, ո՛ւմ համար ես դիպել, ի՞նչ հետք գերեզմանն ես տանելու:

ՄԱՐԻԱՄ.—Այդպէս մի՛ խօսիր, որդի, դու չգիտես միթէ, որ Պաւլուշան արդէն փաստաբան է դարձել, այսօր նրանց սկսած դատը հօրդ դէմ վերջացաւ և այժմ իրենց բաժինը պահանջում են:

ՍԻՄԱ.—Ի՞նչ, ի՞նչ դատ, ի՞նչ Պաւլուշա, չեմ հասկանում:

ՄԱՐԳԻՍ.—Իհարկէ չես հասկանայ: Քո հօրեղբոր որդին, Պաւլուշան, այժմ մարդ է դարձել և ոչ թէ քեզ նման դատարկաշրջիկ: Կարող ես, պաշտպանիր հօրդ էլ, քեզ էլ, թէ չէ մեր ունեցածը ձեռքից գնում է:

ՍԻՄԱ.—Ահա՛ թէ ինչ: Նոր էք խելքի դալի հա՛: Հապա այն ժամանակ, որ դու նրանց տանից դուրս վաճակեցիր, նրանց մասը չտուիր լա՛ւ էր: Ինչո՞ւ ինձ չէիր լսում, ես չէի՞ ասում հայրիկ, խղճի դէ՛մ է, մի՛ արա, վերջը կարող ես տուժել: Տեսնո՞ւմ ես, այժմ քո արածներդ են առաջդ գալի, անարդարութեան դէմ եմ եղել և կմնամ էլ:

ՄԱՐԻԱՄ.—Սիմա ջան, ինչո՞ւ ես այդպէս խօսում, լաւ չէ, որդի, հայրդ առանց այն էլ նեղ դրութեան մէջ է:

ՇՈՒՐԱ.—Սիմա, խղճս ինձ, այդպէս մի խօսիր, հայրիկը քեզ վրայ էլ կը գայրանայ և դու եթէ գնաս, ի՞նչ կլինի իմ դրութիւնը, օ՛ եթէ դու իմանայիր:

ՍԻՄԱ.—Ի՞նչ է եղել քեզ, չեմ հասկանում, պարզ խօսիր:

ՇՈՒՐԱ.—Հայրիկն իմ օժիտի մի մասը չէ տալի, դրա համար էլ ամուսինս տանից վաճակում է, ո՛ւր գնամ այժմ... գոնէ դու պաշտպանիր:

ՍԻՄԱ.—(Հօրը): Եւ դու քեզ ծնող ես հաշուում այո՞, այս է քո գաւակներին ցոյց տուածդ խնամքը, միթէ իրաւունք չունիմ ասելու, որ քեզ համար փողը ամեն բան է, փողն է քո Աստուածն էլ, քո խիղճն էլ: Անգուժ ես, այո՛ անգուժ:

ՄԱՐԳԻՍ.—Ի՞նչ ես մեծ մեծ խօսում, անգիր արած նախադասութիւններ կրկնում: Իմ փողով մարդ ես դարձել, բաւական չէ, դեռ խօսում էլ ես: Մի կոպէկ աշխատել ես կեանքումդ, միշտ իմ հաշիւն ես ապրում և դեռ ինձ էլ չես հաւանում: Չես ուզում—համեցէք ճանապարհը բաց է, գնա՛ ինքդ աւելի լաւ աշխատիր:

ՄԱՐԻԱՄ.—Սերգէյ, խելքդ կորցրել ես ի՞նչ է, այդ ինչեր ես խօսում: (Սիմային): Մի նեղանար որդի, մի նեղանար, եկ, գնանք իմ սեհեակը, ես քեզ ուղածդ կտամ:

ՄԱՐԳԻՍ.—Ի՞նչ ես գլխիս տէր դարձել, դ՞ու ով ես, որ կարգադրութիւններ ես անում այստեղ: Եթէ տղամարդ է թող գնա՛ իւր գլխի ճարը տեսնի: Ես դրան կոպէկ տուողը չեմ:

ՍԻՄԱ.—Այո՛, կերթամ հասարակ բաները անգամ կլինեմ, միայն արդար

վաստակով կապրեմ, այսուհետեւ մեր մէջ ամեն ինչ վերջացած է: (Ուզում է գնալ):

ՇՈՒՐԱ.—Սիմա, ի՞նչ ես անում ի՛ սէր Աստուծոյ, ես կխելագարուեմ...

ՄԱՐԳԻՍ.—Գնա՛, դարձեալ կգաս, նեղն ընկնես, ինձ նորից կյիշես:

ՄԱՐԻԱՄ.—Սիմա, մեղ մենակ մի թող, մեր տունը մի քանդիր, խելքի եկ: Տէր Աստուած այս ի՞նչ դժոխք է մեր տունը:

ՍԻՄԱ.—Ես այստեղ յանցանք չունեմ, թող լինի, ինչ որ լինելու է, իսկ ես, դարձեալ պիտի հեռանամ այս տանից, որովհետեւ անէծք կայ այստեղ, անմեղների անէծք: (Շտապ գնում է, Շուրան, Մարիամը ետեւից գնում են եւ կանչում, Սիմա՛, Սիմա՛, սպասիր, ո՞ւր ես գնում):

ՏԵՍԻԼ 8.

Սարգիս եւ ապա Մաշօ:

ՄԱՐԳԻՍ.—Այսպէս, դարձեալ ես մնացի միայնակ, բոլորն էլ թողին, փախան:

(Ներս է մտնում Մաշօն):

ՄԱՇՕ.—Սերգէյ Լազրիչ, երկու պարոն ուզում են Ձեզ տեսնել:

ՄԱՐԳԻՍ.—Ո՞վքնր են:

ՄԱՇՕ.—Մէկը անունը լաւ չեմ յիշում, իսկ միւսը մեր Պաւլուշան է:

ՄԱՐԳԻՍ.—Ո՞վ:

ՄԱՇՕ.—Արտեմ Լազրիչի որդին, ի՞նչ սիրուն տղայ է դարձել:

ՄԱՐԳԻՍ.—Նա ինչո՞ւ պէտք է ինձ մօտ գայ, Մաշօ, գուցէ սխալում ես:

ՄԱՇՕ.—Ո՛չ, նա է, աչքովս տեսայ:

ՄԱՐԳԻՍ.—Հրաւիրիր ներս: (Ատրճանակը պահում է): Այո՛, նորից սկսել գործը: Այսպէս է աշխարհի իմաստութիւնը, պէտք է հաշտուել պայմանների հետ, պէտք է յարմարուել, այսպէս է, որ այս հարստութեան տէրն եմ դարձել և այսպէս էլ պիտի աշխատեմ պահել, վաճառականութեան մէջ ամենից լաւ ճանապարհն այս է:

ՏԵՍԻԼ 8.

Սարգիս եւ Մարիամ:

ՄԱՐԻԱՄ.—Գնաց, ի՞նչ անեմ այժմ, միւսն էլ ընկել է մահճակալի վրայ լալիս է, այս ի՞նչ սուգ եկաւ մեր գլխին:

ՄԱՐԳԻՍ.—Բաւական է, նրանց մասին խօսելու ժամանակը չէ, այստեղ մարդիկ են գալու, կարգին պահիր քեզ:

ՄԱՐԻՍՄ.—Ո՞վքեր են, ի՞նչ են ուզում քեզանից:

ՄԱՐԳԻՍ.—Սպասիր, կտեսնես ամեն բան:

ՏԵՍԻՒ 10.

Սարգիս, Մարիամ, Անտոն եւ Պալուշա:

(Անտոն եւ Պալուշա ներս են մտնում եւ բարևում):

ԱՆՏՕՆ.—Սերգէյ Լազրիչ, երևի զարմանում էք, որ Ձեզ մօտ ենք եկել:

Թէև անյարմար բան է, բայց գործ է պատահում է:

ՄԱՐԳԻՍ.—Վնաս չունի, խնդրեմ, համեցէք, նստեցէք:

ՄԱՐԻՍՄ.—Ձեզպէս անամօթների համար ի՞նչ կայ որ: Երէկ տասը կողմից թափուել էիք Սարգսի վրայ, պատառ պատառ էիք անում, իսկ այսօր եկել էք նրա տունը:

ՄԱՐԳԻՍ.—Մարիամ, դու լաւ է լուս, քո գործը չէ և մի խառնուրդ մէջը:

ԱՆՏՕՆ.—Մխալում էք տիկին, մենք ոչ սուտ վկայութիւն ենք տուել և ոչ էլ ուզեցել ենք պատառ, պատառ անել, համբերեցէք ամեն բան կիմանաք:

ՄԱՐԻՍՄ.—(Նայելով Պալուշային): Ամօթ չէ՞ քեզ. այսքան երախտիքից յետոյ դեռ բաւական չէ հօրեղբօրդ դատարան ես տանում, տուն էլ ես գալի: Լաւ, լաւ, երևի ձեր օրն էլ կգայ:

ՄԱՐԳԻՍ.—Քեզ ասում են լո՛րի. ինչքեմ պարոններ, ի՞նչով կարող եմ Ձեզ ծառայել, ես պատրաստ եմ:

ՊԱՒԼՈՒՇԱ.—Հօրեղբայր, եկել ենք Ձեզ հետ լուրջ խօսելու: Դատարանից առաջ մտածում էի Ձեզ հետ հաշտուել, բայց այդ անյարմար էր. այն ժամանակ երևի Դուք ուրիշ բան կմտածէիք: Այժմ երբ դատը յօգուտ մեր վերջացաւ, կարելի է այդ մասին խօսել, կարծում եմ ոչինչ դէմ չէք ունենայ:

ԱՆՏՕՆ.—Խնդրեմ, Մարիս Պետրոֆնա, լաւ լսէք:

ՄԱՐԳԻՍ.—Խնդրեմ շարունակիր խօսել, ես լսում եմ:

ՄԱՐԻՍՄ.—Ի՞նչ, եկել էք դանակով կտրածը բամբակով փաթաթելու:

ՊԱՒԼՈՒՇԱ.—Մենք Ձեզ պէս չենք, Մարիս Պետրոֆնա, խնդրեմ համբերութիւն ունենաք մինչև վերջը լսելու:

Այսպէս ուրեմն, հօրեղբայր, Դուք հակառակ չէ՞ք հաշտութեան:

ՄԱՐԳԻՍ.—Ընդհակառակը, շատ ուրախ եմ, ասացէք տեսնեմ ի՞նչ պայմաններով էք ուզում հաշտուել:

ՊԱՒԼՈՒՇԱ.—Ինչպէս որ Դուք կամենաք:

ՄԱՐԳԻՍ.—Ի՞նչ, ի՞նչպէս թէ ինչպէս որ ես կամենամ, դուցէ դուք չհաշտուէք իմ պայմանների հետ:

ԱՆՏՕՆ.—Վստահ եղէք, որ կհաշտուի. Պալուշան, նա Ձեզ այնուամենայնիւ պատում է, որովհետև իւր հօրեղբայրն էք:

ՄԱՐԳԻՍ.—Մի՞թէ ճշմարիտ է, դուցէ ինձ վրայ ծիծաղում էք:

ՊԱՒԼՈՒՇԱ.—Հօրեղբայր, ծիծաղելու բան չունեմ ես, լուրջ եմ խօսում. թող Մարիս Պետրոֆնան լաւ տեսնի, թէ ի՞նչպէս էր ինքը մեզ հետ վարուում և մենք ի՞նչպէս ենք վարուում:

ՄԱՐԻՍՄ.—Ո՞ւ՛ֆ ես այլ ևս չեմ կարող համբերել, անտանելի է (զննում է): ԱՆՏՕՆ.—Պալուշա, թո՛ղ այդ խօսքերը, դրանք աւելորդ են, գործի մասին խօսիր:

ՄԱՐԳԻՍ.—Այո՛, գործի մասին խօսենք, բայց ի՞նչ է ձեր պահանջը:

ԱՆՏՕՆ.—Լաւ կլինէր, որ Դուք առաջարկէիք, թէ ի՞նչպէս կուզենաք հաշտուել:

ՄԱՐԳԻՍ.—Եղբայր, իմ առաջարկելու ժամանակը անցել է, այժմ խօսքը Ձերն է, ինչ ասելու էք ասէք:

ՊԱՒԼՈՒՇԱ.—Հօրեղբայր, գիտեմ, որ, եթէ այն գումարը, որ Ձեզանից այժմ իրաւունք ունինք պահանջելու, առնենք, Ձեր գործը կխանդարուի, Դուք չափազանց կտուժէք. չէք կարող Ձեր գործն այլևս շարունակել, իսկ ես, չէի ուզենայ Ձեզ նեղ վիճակի մէջ ձգել, թէև Դուք մեզ չէիք խնայում առաջները:

ՄԱՐԳԻՍ.—Պալուշա ջան, որդի՛, թող անցածը, մոռացիր այն, մի բան էր եղաւ, աչքս փողը կուրացրիլ էր, մոռանանք այն, դու ասա՛ ի՞նչ ես պահանջում ինձանից այժմ:

ՊԱՒԼՈՒՇԱ.—Ես համաձայն եմ, որ յիսուն հազար տար և գործը վերջանայ. կէսը կանխիկ կտար, կէսն էլ մուրհակ կտակ երեք տարուայ ժամանակով: Համաձայն էք:

ՄԱՐԳԻՍ.—Ի՞նչ, ես հօ չցնորուեցի, (տեղից ելնելով): մի՞թէ այս իրակա-նութիւն է, ճշմարիտ է այս:

ԱՆՏՕՆ.—Այո՛, այո՛ Սերգէյ Լազրիչ, մի շփոթուի, չարը բարով է յաղթում միայն:

ՄԱՐԳԻՍ.—Համաձայն եմ, համաձայն եմ, (ըննում է Պալուշային ու համ-ըորում) Պալուշա ջան, ներիր ինձ, ներիր, որդիս. (ըննելով Անտոնին), Անտոն Իվանիչ, շատ շնորհակալ եմ. ճիշտ են ասում, որ արիւնակիցը, արիւնակցի համար լաց կլինի, օտարին թող ջուրը տանի:

(Վարագոյր).



20119

ԳԻՆՆ Է 50 ԿՈՊ.